

ओं नमः परमात्मने, श्री महागणपतये नमः,

श्री गुरुभ्यो नमः

हरिः ओं ॥

कृष्ण यजुर्वेदीय तैत्तिरीय संहिता

प्रथमं काण्डं

Table of Contents

1	कृष्ण यजुर्वेदीय तैत्तिरीय संहितायां प्रथमकाण्डं	19
1.1	प्रथमकाण्डे प्रथमः प्रश्नः दर्शपूर्णमासौ	19
1.2	प्रथमकाण्डे द्वितीयः प्रश्नः अग्निष्टोमे क्रयः	36
1.3	प्रथमकाण्डे तृतीयः प्रश्नः अग्निष्टोमे पशुः	54
1.4	प्रथमकाण्डेचतुर्थः प्रश्नः सुत्यादिने कर्तव्या ग्रहाः	70
1.4.1	Annexure for 1.4	95
1.5	प्रथमकाण्डेपञ्चमः प्रश्नः पुनराधानं	96
1.5.1	Annexure for 1.5	122
1.6	प्रथमकाण्डे षष्ठः प्रश्नः याजमानकाण्डं	123
1.7	प्रथमकाण्डे सप्तमः प्रश्नः याजमान-ब्राह्मणं	148
1.8	प्रथमकाण्डे अष्टमः प्रश्नः राजसूयः	174

Introduction and Notes

This Taittireeya Samhita book is being compiled for the benefit of Veda Students for learning, with no commercial purpose. There will be seven volumes, one book/volume for each Kandam (Major Section). This book is being published in Sanskrit, Tamil and Malayalam languages.

These books are strictly for learning under the guidance of a qualified Vedic Guru and not meant for self-learning.

We thank our guides, **Shri Ganapathy Sharma and Shri Subramania Sharma**, with our namaskarams, who inspired us to compile this book.

We would also like to thank some well wishers who have provided the Transliterationcoding for this compilation.

Sources of reference:

We have referred the following four books extensively for the compilation:

1. Taittireeya Samhita printed by Mysore Branch Press in 1894. This has the complete Krishna Yayur Veda Taittireeya Samhita work of great Scholar Shri Bhatta Bhaskara Misra.
2. Taittireeya Samhita printed by Anandashram Press in 1862 containing the work of great Scholar Shri Sayanacharya.

-
3. Taittireeya Samhita printed by Swadyaya Mandal containing the work of great Vedic Scholar (Padma Bhushan) Shri Damodar Satwalekar.
(Fourth Edition - year 1983)
 4. Taittireeya Samhita printed by Narasimha Priya Trust, Chennai containing the compilation done by great Vedic Scholars
Shri Krishnamurthi Sastri and Shri Ganeshwar Dravid. (Second Edition - year 2008)

There are very minor differences when we compared these books. The level of details, representation of letters, marking of avagraham and the way padams of the words are joined or split varies as they have been compiled at different period of times and also for different sets of target audience/learners.

Kindly refer to our notes/explanations given below.

Details of Taittireeya Samhita:

The Taittireeya Samhita has Seven Kandams (Major Sections), 44 Prasnas (Subjects), 651 Anuvakams (Chapters within a Subject) and a total of 2198 Panchatis. The total Padams are 109287.

The details are given in a table below:

	Prasna	Anuvakam	Panchati	Padams
Kandam 1	8	146	342	16572
Kandam 2	6	75	384	19273

Kandam 3	5	55	206	10622
Kandam 4	7	82	279	14095
Kandam 5	7	120	403	19404
Kandam 6	6	66	333	16981
Kandam 7	5	107	251	12340
Total	44	651	2198	109287

Conventions/Symbols used in this book:

We have used normal conventions for gm, gg, avagraham, Anunaasikam as in other books that have been released.

Panchatis: A Panchati ("Pancha Shati", which means a stanza consists of normally 50 padams, which may vary some times based on the combination of the padams by the composer Rishi) , representing a set of Mantras. A Panchati in Samhita need not end with a Ruk-Stop symbol (|). (Vedic full-stop).

The last Padam in a Panchati may be taken together with the first Padam of the following Panchati as per the Vedic Chanting rules/conventions. Panchati end is significant for the purpose of count of the Padams in a Panchati. Each Panchati is given a number, at the beginning, with reference to its Kandam, Prasna, Anuvakam and Panchati as generally represented in four-level numbering in these books.

The end of the Panchati is marked with the symbol ' [] ' (square bracket) when it is rendered along with the next Panchati together. Additional '—' hyphen is also added to indicate that the Padam is split for continuous rendering.

When a Panchati ends in a Ruk, the normal separator (Ruk-Stop) symbol ' | ' is used. An Anuvaham will always end with a Ruk. Under each of the Prasna (Subject), the Panchati numbers are serially marked at end.

Note: The books containing the works of Bhatta Bhaskaracharya and Sayanacharya end the Panchati with the Padam.

Example: 1.1.7.1 end of the Panchati -10 is चक्षुः |

This is followed by the first padam of Panchati 11, as द॑ङ्हु.

Since we need to render it to together, in this book, it is represented as

चक्षुः- [] at the end of Panchati 10 and the Panchati 11 will start as द॑ङ्हु.

The visargam of cakshu: becomes 'r'. This 'r' may be retained with cakshu, in Tamil and Malayalam based on the convention used in the languages.

Korvai(Chain) Statement as formula:

Our Rishis, Saints and Scholars have defined methods by which the Veda Mantras are not altered. Then they have created check points/control systems in place so that the student memorises the Veda correctly/accurately. The System is different in its practical implementation in the four Vedas as per

Scholars. In (Krishna Yajur Veda) Taittireeya Samhita, there is a korvai (chain) at the end of each Chapter(Anuvakam). This is represented in brackets in bold letters with the reference number of respective Anuvakam in that Prasna as **(A1) (A2)** etc. in this book. The Korvai statement helps the students with the count of the Padams in an Anuvakam and how to keep control totals of the total Padams in the Panchatis and Anuvakam.

Korvai for Anuvakam:

How Korvai provides relations of Padams in a Panchati for an Anuvakam:

1. If an Anuvakam has only one and one Panchati, the number of Padams may be less than 50 but not more than 75. The count is indicated in the Korvai below the Anuvakam.

a) Example of Single Panchati Anuvakam with less than 50 Padams:

1.1.1.1- (इषे-त्रिचत्वारिंशत्)(A1)

The Korvai indicates that starting with the first Padam “**C-wÉ**” there are **43** Padams in that single Panchati Anuvakam.

b) Example of Single Panchati Anuvakam with more than 50 Padams:

Example: Take 1.1.3.1, the korvai is (सोमै-नाष्टौ च)(A3)

This is a key that indicates that there are eight padams after the word and सोमै- ; is the 50th Padam (key word). Words in mantra form that come

after the key word सोमैन- are () त्वा ऽऽतन्चमीन्द्राय दधिविष्णो

हव्यं रक्षस्व । The padam for the above part, as per Pada

Paatam is

त्वा । आ (एति) । तन्चि । इन्द्राय ।

दधि । विष्णो (इति) । हव्यम् । रक्षस्व । (eight in number)

Note: when 'आ' is represented distinctly as a Padam, the Pada Paatam gives it as एति which is derived out of आ+इति.

Korvai hints that there should be eight padams, as per pada paatam, after

सोमैन –. Please note the wording is सोमै-नाष्टौ च (as in korvai) is

सोमैन – + अष्टौ च, in which न + अ becomes 'ना' as per vowel Sandhi.

This clearly indicates that there are **58 Padams** in that Anuvakam.

2. If the Anuvham has more than two Panchatis, the first and succeeding Panchatis will be of the Padam count of 50 only. The Last Panchati may have less than 50 Padams but generally not more than 75.
3. If the last Panchati of the Anuvakam has more than 50 Padams, the 50th Padam will be indicated separately, in our book it is represented as () and number of Panchatis after 50 Padams will be indicated in the count with reference to the 50th Padam indicated in the Korvai.

Take the Example of 1.1.9 :

This has three Panchatis, first and second has 50 Padams each and the third Panchati has 61.

(देवयजन्यै व्रजं - तमतो मा - विरप्शिन् - नेकादश च) (A9)

The Korvai gives the 50th Padam control of Panchati 1,2 and 3 of the Anuvakam. It Indicates the after **विरप्शिन्**, 50th Padam of the third Panchati, there are 11 more Padams indicating there are 50+11 = 61 Padams in the third Panchati.

4. If the last Panchati of the Anuvakam has less than 50 Padams, the count is indicated at the end.

Take the Example of 1.1.2

(सहस्रवल्शा-अष्टात्रिंशच्च) (A2)

This Anuvakam has two Panchatis, first one 50 Padams and the second one 38. The Korvai below clearly gives that there are 38 Padams after the 50th Padam (end of first Panchati) giving a control of 88 Padams in that Anuvakam.

5. If the last Panchati of the Anuvakam has exactly 50 Padams, the 50th Padam is given as reference in the Korvai at the end of the Anuvakam and there will be no count of numbers mentioned.

2.1.8.5 - (असौ - शृणाति - मिथुनानां - नयति - यच्छति) (A8)

The first four words represent the 50th Padam of the first four Panchatis as control reference. The last Panchati of the Anuvakam has exactly 50 Padams

ending with "यच्छति". Therefore no count is given but the reference to the 50th

Padam as "यच्छति" is indicated.

The Check is complete now! The Students in ancient times were compulsorily taught the Pada Paatam. Nowadays it may be restricted to Veda Paatashalas only. The Korvais have their own swarams and the Korvais were memorised by the students. The Korvais will be different for every Anuvakam with reference to different key words and the counts. The Korvai for two or more Anuvakams may be combined. A student can check his own learning in this system.

We have marked () bracket after the key word given in the Korvai, when that word occurs in the middle of the Panchati.

Anuvaka-Korvai for Prasna:

At the end of a Prasna, a Korvai is given with the first padam/word of all the Anuvakams and also indicate how many Anuvakams are there.

e.g. Anuvaka-Korvai for Prasna 1 of Kandam 1, represented as 1.1, is

इ॒षे त्वा॑ - य॒ज्ञस्य॑ - शु॒न्ध॑ध्वं - क॒र्मणे॑ वां - दे॒वो -

ऽव॑धूतं - धु॒ष्टिः - सं ँव॑पा॒- म्या द॑दे - प्र॒त्युष्टं॑ - कृ॒ष्णो॑ऽसि॒-

भु॒व॑नमसि॒ - वाज॑स्यो॒- भा वां॑ - चतु॑र्दश । The Korvai at the end indicates

that there are 14 Anuvahams. (highlighted)

A different type of Korvai is given in short, indicating the first and last Padam of the Prasna, e.g for 1.1 is इषे त्वा - कल्पयाति ।

Special Korvai Type 1:

This korvai gives the first padam of the **1st,11th,21st** Panchatis of a Prasna **(in increments of ten panchatis)**. This is not indicated or printed in all books.

Example for 1.1 is इषे - दृह - भुवन - मृष्टाविंशतिः ।

The count number of AshtAvigmsati indicates that there are total 28 Panchatis in that Prasna.

Special Korvai Type 2:

Our Rishis/composers have given an additional method of Korvai so that the Students can keep control, memorise a set of Panchatis or Anuvakams or a Prasna. This will have the first padam and last Padam of the Anuvaham/Ruk/Chandas in that Panchati/Anuvaham depending on the coverage of this type of Special Korvai. This Korvai is used mainly when the mantra has repetitive similar statements, similar statements which may per se make it difficult to memorise.

We are giving below an example, with the known Mantra, which will make student understand the concept of this Type of Special Korvai.

The Mantra termed **Mrugaram** appears in Section 1.20 of Udaka Shanti starting with "Agner Manve" and ending with "prataraana AyuH".

This Mantra is from Taittarlya Samhita – Kandam 4 – Prasna 7. Panchatis 4.7.15.1 to 4.7.15.7.

There are Ruks/ statements ending with "**Munjatvam(gm)hasaH,**
MunjatamaagasaH , MunchantvenasaH and Munchatama(gm)hasaH.

We would have definitely had our own difficulties to memorise this !.

This Prasna has a normal Anuvaka Korvai. But a Special Korvai as explained above, follows at the end of Anuvakam for control. It is reproduced below:

Special Korvai for Anuvaakam A-15

(अ॒ग्ने॒र्म॒न्वे॒ - य॒स्ये॒द॒- मि॒न्द्र॒स्य॒ - यः॒ सं॒ ग्रा॒म॒मि॒न्द्रः॑ - स॒ नो॑
मु॒ञ्च॒त्वः॑ ह॒सः॑ । म॒न्वे वा॒न्ता नो॑ मु॒ञ्च॒त॒मा॒गंसः॑ ।
यो वा॑ - वा॒यो- रु॒पं - र॒थी॒त॒मौ - य॒द॒या॒न्त॒-म॒श्वि॒नौ - तौ नो॑
मु॒ञ्च॒त॒मा॒गंसः॑ । म॒रु॒ता॒न्- ति॒ग्मं - म॒रु॒तो॑ - दे॒वा॒नां॑ - ऽय॒दि॒दं
ऽवि॒श्वान्॑ - ते नो॑ मु॒ञ्च॒न्त्वे॒न॒सः॑ । अ॒नु॒ न॒ - उ॒र्वी॑ - द्या॒वा॒पृ॒थि॒वी
ते नो॑ मु॒ञ्च॒त॒मः॑ ह॒सो॒ य॒तै॑ । च॒तु॒रः॑ ह॒सः॑ षा॒डा॒गंस॑श्च॒तु॒रे॒न॒सो॒
द्वि॒रः॑ ह॒सः॑ ।

The Korvai gives the first part of the Ruk/Chandas that end with

**मु॒ञ्च॒त्वः॑ ह॒सः॑, मु॒ञ्च॒त॒मा॒गंसः॑, मु॒ञ्च॒न्त्वे॒न॒सः॑ and
मु॒ञ्च॒त॒मः॑ ह॒सः॑.**

Please refer to Mrugara Mantra in Udaka Shanti. At the end it gives a control that **मु॒ञ्च॒त्वः॑ ह॒सः॑** appears **four** times,

मुञ्चतुमार्गसः **six** times, **मुञ्चन्त्वेनसः** **four** times and
मुञ्चतुमः **two** times. (marked in yellow).

If a Student understands this Korvai it becomes easy for his learning and also gets a control of "how to memorise". This type of Korvai may apply differently at different situations based on the complexity and the subject matter contained in that Anuvakam/Prasnam.

Kanda Korvai :

This Korvai gives first padam of all Prasnam in that Kandam. For Example, in First Kandam there are Eight Prasnam. The Korvai is starting padam of all the eight Prasnam is as follows:-

(इष-आपो-देवस्या-ऽऽ दंदे-देवासुराः-सं त्वां-पाकयज्ञ-मनुमत्यै ।)

Please observe from the above korvai that each word represents first padam of each prasnam till all the 8 Prasnam. This Korvai comes only after the End of the Kandam.

The various types of korvai mantras are given in a box at the end of the Prasna/Kandam clearly indicating what type of korvai it is.

Representation of Avagraham(S) in the Book:

We find that the Avagraham symbol has been used with different meaning/indications in our source books of reference. This may not match strictly with the grammar rules that one studies; but the authors try to indicate

that there is a Padam with अ by marking SS, sometimes there is no perceived need for double avagraham since the previous letter is extended to a Dheerga letter or a single avagraham would suffice.

The observations are:

1. Bhatta Bhaskaracharya's book uses less avagrahams. When there is a Padam , अ, a marking SS is being made.
2. Book containing works of Sayanacharya and Satwalekar use similar styles of marking Avagraham though there are minor differences in the approach to indicate the **constituent sound**.
3. Book by Narasimha Priya Trust uses extra avagraham in some places selectively to indicate the the existence of letter 'अ' with extra marking of avagraha symbol S.

We have marked the Avagraham as per the convention in the books containing the work of Sayanacharya and Satwalekar. We have checked the Pada Padam for places where the extra avagraham indicates the existence of 'अ' or 'अ' and marked with an* (asterisk mark).

The Student must refer to the Guru for the right extensions

or extra rendering of Avagraha as per their Vedic School or branch.

Our guides have specifically requested us to mark this difference in the books through an * symbol.

Expansion of Mantras given in Short form:

In certain places of the Samhita, a full mantra is indicated in a short form, which is normally its first padam. This short form needs to be expanded and rendered while reciting Samhita as per some Schools of Krishna Yajur Veda. This is similar to the short forms that we have seen in Udaka Shanti.

We have indicated the short form with a symbol '>' with a number in a raised font. At the end of Prasna, we have given a separate Annexure where we have provided the Samhita reference of the short form where it appears as such and its expanded form with reference of the expanded mantra with Source reference in Taittiriya Samhita.

Example:

In **1.4.46.3** the short mantra form appears as “उदग्ने शुचयस्तव > 1”

The expanded form of that mantra is “उदग्ने शुचयस्तव शुक्रा भ्राजन्त ईरते । तव ज्योतीं ऽष्ट्यर्चयः” ।

And this appears in the expanded form in **(TS 1-3-14-8)**

Second example is given for further understanding.

1.4.46.3 -वि ज्योतिषा > 2

विज्योतिषा बृहता भात्यग्निरावि-र्विश्वानि कृणुतेमहित्वा ।

प्रादे॑वी-मा॒र्याः सं॒हते-दु॒रेवाः शि॒शी॒ते शृ॒ङ्गे रक्ष॑से वि॒निक्षे॑ ।

(TS 1-2-14-7)

These are given in the Annexure at the end of 1.4 that is Fourth Prasna of first Kandam. Please note that if any expansion is there, that expansion is given at the end of that Prasnam as Annexure.

Additional Information:

1. The Book by Shri Satwalekar provides details of the Rishi , Chandas, Devata for the Taittireeya Samhita which is rarely found in other books. This book indicates the 50th Padam of Panchatis used in Korvai which is not found in other books.
2. The Books containing the works of Shri Bhatta Bhakaracharya and Shri Sayanacharya give the Pada Paatam at the end of each Panchati or sometime the Prasna.
3. The Book compiled by Narasimha Priya Trust, Chennai provides the detailed count of Padams, Panchatis, Anuvakams and Prasnam at the end of each Kandam. This book provides easy rendering for students who want to learn the Samhita. This book marks Dheerga Swaritam distinctly as other books follow Vedic traditional convention of marking Swaritam.

Prarthanaa Mantras:

1. यो वेदादौ स्वरः प्रोक्तो वेदान्ते च प्रतिष्ठितः ।
तस्य प्रकृतिं लीनस्य यः परः स महेश्वरः ।
2. ऋतं सत्यं परं ब्रह्म पुरुषं कृष्णपिङ्गलं ।
ऊर्ध्वरितं विरूपाक्षं विश्वरूपाय वै नमो नमः । (ओं नमः परमात्मने)
3. गुणानां त्वा गुणपतिं हवामहे कविं कवीनामुपमश्रवस्तमं ।
ज्येष्ठराजं ब्रह्मणां ब्रह्मणस्पत आनंशशृण्वन्नूतिभिः सीदसादनं ।
(श्री महागणपतये नमः)
4. तत्पुरुषाय विद्महे महासेनाय धीमहि । तन्नः षण्मुखः प्रचोदयात् । (कुमारगुरवे नमः)
5. प्रणो देवी सरस्वति वाजं भिर्वाजिनीवति । धीनाम वित्र्यं वतु । (महासरस्वत्यै नमः)
6. सदाशिव समारम्भां शंकराचार्य मध्यमां । अस्मदाचार्य पर्यन्तां वन्दे गुरु परंभरां ।
(श्री गुरुभ्यो नमः)
7. व्यासं वसिष्ठ नप्तारं शक्तेः पौत्रमकल्मषं । पराशरात्मजं वन्दे शुक तातं तपोनिधिं ।
व्यासाय विष्णुरूपाय व्यासरूपाय विष्णवे । नमो वै ब्रह्मनिधये वासिष्ठाय नमो नमः ।
(श्री वेदव्यासाय नमः)

Version Notes

Earlier Version Number 0.1 dated 31st May 2019

Current Version Number 1.0 dated 31st March 2020

1. This Version replaces earlier version "0.1" dated 31st May 2019.
2. We have made general corrections in this version.

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

1 कृष्ण यजुर्वेदीय तैत्तिरीय संहितायां प्रथमकाण्डं

1.1 प्रथमकाण्डे प्रथमः प्रश्नः दर्शपूर्णमासौ

TS 1.1.1.1

इ॒षे त्वो॒-र्जे त्वां, वा॒यवः॑ स्थोपा॒यवः॑ स्थ, दे॒वो वः॑ सवि॒ता प्रा॒र्पय॑तु
श्रेष्ठ॑तमाय॒ कर्म॑ण॒, आ प्या॑यद्ध्वम॒घ्निया॑ दे॒वभा॒ग-मूर्ज॑स्वतीः
पय॑स्वतीः प्र॒जावंती॑-रनमी॒वा अ॑य॒क्ष्मा मा वः॑ स्तेन ई॑शत
माऽघ॑शं॒सो, रु॒द्रस्य॑ हे॒तिः परि॑ वो वृ॒णक्तु॑, ध्रु॒वा अ॒स्मिन्
गोप॑तौ स्या॒त ब॒ह्वीर्, यज॑मानस्य प॒शून् पा॑हि ॥ 1

(इ॒षे-त्रिच॑त्वारि॒ंशत्)(A1)

TS 1.1.2.1

य॒ज्ञस्य॑ घो॒षद॑सि, प्रत्यु॑ष्टं॒ रक्षः॑ प्रत्यु॑ष्टा अ॒रांतयः॑, प्रेय॑मंगा॒द्विष॑णां
ब॒र्.हि॒रच्छ॑ मनु॑ना कृ॒ता स्व॒धया॑ वि॒तंष्टा॑ त आ व॑हन्ति क॒वयः॑
पु॒रस्ता॑द् दे॒वेभ्यो॑ जुष्टंमि॒ह ब॒र्.हि॒रास॑दे, दे॒वानां॑ परि॒षूत॑म॒सि
व॒र्.ष॑वृ॒द्धम॑सि, दे॒वंब॒र्.हि॒र्मा त्वा॑ऽन्व॒ङ् मा ति॑र्यक्, प॒र्व ते
रा॒द्ध्या॑समा, -च्छे॒त्ता ते॒ मा रि॑षं, दे॒वंब॒र्.हिः श॒तव॑ल्.शं ॐ वि रो॑ह,
स॒हस्र॑वल्.शा [] 2

TS 1.1.2.2

वि व॒यं रु॑हेम, पृथि॒व्याः संपृ॑चः पा॒हि, सुसं॑भृतां त्वा
संभ॑रा॒म्य, -दि॒त्यै रा॒स्नाऽसी॑, -न्द्रा॒ण्यै स॒न्नह॑नं, पू॒षा ते॑ गृ॒न्थिं

ग्रं॒था॒तु॒ स ते॒ माऽऽ॒स्था॒-दिन्द्र॑स्य त्वा बा॒हु॒भ्या॒मुद्य॑च्छे, बृ॒ह॒स्पते॑
मूर्द्ध॑धा ह॒रा॒-म्यु॒र्वन्त॑रि॒क्ष्मन्वि॑हि, दे॒वं गु॒मम॑सि ॥ 3

(स॒हस्र॑वल्शा-अ॒ष्टात्रिं॑शच्च) (A2)

TS 1.1.3.1

शु॒न्ध॑द्ध्वं दै॒व्याय॑ कर्म॑णे दे॒वय॑ज्यायै, मा॒त॒रि॒श्व॑नो घ॒र्मोऽसि॑ द्यौर॑सि
पृ॒थि॒व्य॑सि वि॒श्वधा॑या अ॒सि पर॑मेण॒ धाम्ना॑ दृ॒ह॑स्व॒ मा ह्य॑र॒-वसू॑नां
प॒वि॒त्रम॑सि श॒तधा॑रं ऽवसू॑नां प॒वि॒त्रम॑सि स॒हस्र॑धार॑, हु॒तः स्तो॒को
हु॒तो द्र॑प्सो॑ ऽग्र॑यै बृ॒ह॒ते ना॒काय॑ स्वाहा॒ द्यावा॑-पृ॒थि॒वीभ्या॑,॑

सा वि॒श्वायुः॑, सा वि॒श्वव्य॑चाः, सा वि॒श्वक॑र्मा, सं पृ॒च्य॑द्ध्व-मृ॒ताव॑री
-रू॒र्मि॑णी॒-र्मधु॑मत्त॒मा मु॒द्रा धन॑स्य सा॒तये॑, सोमे॑न॒ () त्वा
ऽऽत॑न॒च्मीन्द्रा॑य॒ दधि॑, वि॒ष्णो ह॒व्य॑ र॒क्षस्व॑ ॥ 4

(सोमे॑-ना॒ष्टौ च॑) (A3)

TS 1.1.4.1

कर्म॑णे वां दे॒वेभ्यः॑ श॒केय॑, ऽवेषा॑य त्वा, प्र॒त्युष्ट॑ र॒क्षः प्र॒त्युष्टा॑
अ॒रा॑तयो, धूर॑सि धूर्व॑ धूर्व॑न्तं धूर्व॑ तं ऽयो॑ऽस्मान् धूर्व॑ति॒ तं धूर्व॑यं
ऽव॒यं धूर्वा॑मि॒-स्त्वं दे॒वाना॑म॒सि स॒स्त्रि॑त॒मं प॒प्रि॑त॒मं जुष्ट॑त॒मं ऽव॒ह्नि॑त॒मं
दे॒व॒हू॑त॒म॒-म॒हु॑त॒म॒सि ह॒वि॒र्द्धानि॑, दृ॒ह॑स्व॒ मा ह्य॑र॒, मि॒त्रस्य॑ त्वा
चक्षु॑षा॒ प्रेक्षे॑ मा भे॒र्मा सं ऽवि॑क्था॒ मा त्वा॑ -[] 5

TS 1.1.4.2

हि॑सिष॒-मु॒रु वा॑ताय, दे॒वस्य॑ त्वा स॒वितुः॑ प्र॒स॒वे॑ऽश्वि॒नो ब॑हु॒भ्या॑,

पूष्णो हस्ताभ्या-मग्रये जुष्टं निर्वपाम्यग्रीषोमाभ्या,-मिदं देवानां,-
मिदमुं नः सह, स्फात्यै त्वा नारात्यै, सुवरभि वि ख्येषं, ऽवैश्वानुरं

ज्योतिर्, दृहन्तां दुर्या द्यावापृथिव्यो,-रुर्वन्तरिक्षं मन्वि,-
हृदित्यास्त्वोपस्थे सादयाम्यग्ने हव्यं रक्षस्व ॥ 6

(मा त्वा-षट्चत्वारिंशच्च) (A4)

TS 1.1.5.1

देवो वः सवितोत् पुनात्वच्छिद्रेण पवित्रेण वसोः सूर्यस्य
रश्मिभि,-रापो देवीरग्रेपुवो अग्रेगुवोऽग्रं इमं ऽयज्ञं नयताग्रे
यज्ञपतिं धत्तयुष्मानिन्द्रोऽवृणीत वृत्रतूर्ये, यूयमिन्द्रमवृणीद्ध्वं
ऽवृत्रतूर्येप्रोक्षिताः स्था,-ग्रये वो जुष्टं प्रोक्षाम्यग्रीषोमाभ्यां
शुन्धद्ध्वं दैव्याय कर्मणे देवयज्याया, अवधूतं रक्षोऽवधूता
अरातयो,ऽदित्यास्त्वगंसि प्रति त्वा -[] 7

TS 1.1.5.2

पृथिवी वैत्त्व,-धिषवणमसि वानस्पत्यं प्रति त्वा ऽदित्यास्त्व,-
ग्वैत्त्वग्ने-स्तनूरसि वाचो विसर्जनं देववीतये त्वा गृह्णा,-म्यद्रिरसि
वानस्पत्यः स इदं देवेभ्यो हव्यं सुशमिं शमि,-ष्वेषमा वदोर्जमा
वद द्युमद्वदत वयं सङ्घातं जैष्म, वरषवृद्धमसि, प्रति त्वा
वरषवृद्धं ऽवेत्तु, परापूतं रक्षः परापूता अरातयो, रक्षसां
भागो () ऽसि, वायुर्वो वि विनक्तु, देवो वः सविता हिरण्यपाणिः
प्रति गृह्णातु ॥ 8

(त्वा - भाग - एकादश च) (A5)

TS 1.1.6.1

अवधूत॑र॒क्षोऽवधू॑ता॒ अरा॑तयो,ऽदि॒त्यास्त्वग॑सि॒ प्रति॑ त्वा पृथि॒वी
वे॑त्तु, दि॒वः स्कं॑भ॒निर॑सि॒ प्रति॑ त्वाऽदि॒त्यास्त्वग्वे॑त्तु, धि॒षणा॑ऽसि
पर्व॑त्या

प्रति॑ त्वा दि॒वः स्कं॑भ॒निर्वे॑त्तु, धि॒षणा॑ऽसि पा॒र्वते॒यी प्रति॑ त्वा पर्व॑ति
वे॑त्तु, दे॒वस्य॑ त्वा सवि॒तुः प्र॑स॒र्वे-ऽश्वि॑नो-र्बा॒हुभ्या॑

पू॒ष्णोह॑स्ता॑भ्या॒मधि॑ वपा॒मि धा॒न्यम॑सि धि॒नुहि॑ दे॒वान्, प्रा॒णाय॑ त्वा,
() ऽपा॒नाय॑ त्वा, व्या॒नाय॑ त्वा, दी॒र्घाम॑नु प्र॒सि॑ति॒मायु॑षे धां, दे॒वो वः
सवि॒ता हि॑र॒ण्यपा॑णिः॒ प्रति॑ गृह्णातु ॥ 9

(प्रा॒णाय॑ त्वा - पञ्च॑दश च) (A6)

TS 1.1.7.1

धृ॒ष्टि॑र॒सि ब्र॑ह्म॒ यच्छा॑, -पा॑ग्रे ऽग्नि॒मा॒मादं॑ जहि, निष्क्र॒व्यादं॑ से॒धा,
ऽऽदे॑व॒यजं॑ ऽव॒ह, निर्द॑ग्ध॒रक्षो॑ निर्द॑ग्धा॒ अरा॑तयो, ध्रु॒वम॑सि पृथि॒वीं
दृ॒हाऽऽ*यु॑र्द॒ह प्र॑जां दृ॒हा स॑जा॒तान॒स्मै य॑ज॒माना॑य॒ पर्य॑ह,
धृ॒त्रम॑स्य॒न्तरि॑क्षं दृ॒हा प्रा॑णं दृ॒हापा॑नं दृ॒हा स॑जा॒तान॒स्मै
य॑ज॒माना॑य॒ पर्य॑ह, ध्रु॒णम॑सि दि॒वं दृ॒हा चक्षुः॑ -[] 10

TS 1.1.7.2

दृ॒हृ श्रोत्रं॑ दृ॒ह सजा॒तान॒स्मै यज॑मानाय॒ पर्य॑हृ, धर्मा॑सि दि॒शो
दृ॒हृ योनिं॑ दृ॒ह प्र॒जां दृ॒ह सजा॒तान॒स्मै यज॑मानाय॒ पर्य॑हृ, चितः॑
स्थ प्र॒जाम॒स्मै र॒यिम॒स्मै संजा॒तान॒स्मै यज॑मानाय॒ पर्य॑हृ,
भृ॒गूणा॒मङ्गि॑रसां॒ तप॑सा तप्य॒द्ध्वं, ॐ॒यानि॑ घ॒र्मे कृ॒पाला॑न्युप-
चि॒न्वन्ति॑
वे॒धसः॑ ।

पू॒ष्णस्तान्यपि॑ व्र॒त इन्द्र॑वा॒यू वि मुञ्च॑तां ॥ 11

(चक्षुं - रु॒ष्टाच॑त्वारि॒शच्च) (A7)

TS 1.1.8.1

सं ॐ॒वंपामि॑, समा॒पो अ॒द्भिर॑ग॒मत् समोष॑धयो॒ रसे॑न॒सः रे॒वती॑
जग॑तीभि॒र्मधु॑मती॒र्मधु॑मतीभिः सृ॒ज्यद्ध्व॑, -म॒द्भ्यः परि॒ प्रजा॑ताः स्थ
सम॒द्भिः पृ॑च्य॒द्ध्वं, जन॑यत्यै त्वा॒ सं ॐ॒यौयु॑, -ग्र॒यै
त्वा॒ऽग्री॒षोमा॑भ्यां, म॒खस्य॑ शिरो॑ऽसि, घ॒र्मोऽसि॑ वि॒श्वायु॑, -रु॒रु
प्र॑थस्वो॒रु ते॑ यु॒ज्ञप॑तिः प्रथ॒तां, त्वचं॑ गृ॒ह्णी, -ष्वान्तरि॑तु॒रक्षो॑ऽन्तरि॑ता
अ॒रा॑तयो, दे॒वस्त्वां सवि॑ता () श्र॑पयतु॒वर्षि॑ष्ठे॒ अधि॑ ना॒के, ऽग्नि॑स्ते
त॒नुवं मा॑ऽति॑ धा॒गग्रे॑ ह॒व्य्ाः र॑क्षस्व, सं ब्र॒ह्म॑णा पृ॒च्य, -स्वैक॑ताय॒

स्वाहाँ, द्विताय॒ स्वाहाँ, त्रिताय॒ स्वाहाँ ॥ 12

(सविता-द्वाविंशतिश्च) (A8)

TS 1.1.9.1

आ दंद्, इन्द्रस्य बा॒हुर॑सि॒ दक्षि॑णः स॒हस्र॑भृष्टिः श॒तते॑जावा॒युर॑सि
ति॒ग्मते॑जाः, पृथि॑वि देवयज॒-न्योष॑द्भ्यास्ते मूलं मा हिं॑सिषु,-
मप॑हतो ऽररुः पृथि॒व्यै, व्रजं गच्छ गो॒स्थानं, ऽवर्ष॑तु ते द्यौ, ब॑धान
दे॒व स॒वितः पर॑मस्यां परा॒वति॑ श॒तेन॒ पाशै॑र्यो"ऽस्मान् द्वेष्टि॒ यं च॑ व॒यं
द्विष्म॑स्तमतो॒ मा मौ॒-गप॑हतो ऽररुः पृथि॒व्यै
दे॒वय॑जन्यै, व्रजं -[] 13

TS 1.1.9.2

गच्छ गो॒स्थानं, ऽवर्ष॑तु ते द्यौ, ब॑धान दे॒व स॒वितः पर॑मस्यां
परा॒वति॑ श॒तेन॒ पाशै॑र्यो"ऽस्मान् द्वेष्टि॒ यं च॑ व॒यं द्विष्म॑स्तमतो॒ मा मौ॒-
गप॑हतो ऽररुः पृथि॒व्या अदे॑वयजनो, व्रजं गच्छ गो॒स्थानं, ऽवर्ष॑तु
ते द्यौ, ब॑धान दे॒व स॒वितः पर॑मस्यां परा॒वति॑ श॒तेन॒ पाशै॑र्यो"ऽस्मान्
द्वेष्टि॒ यं च॑ व॒यं द्विष्म॑स्तमतो॒ मा -[] 14

TS 1.1.9.3

मौ॒-ग॒रुरु॑स्ते दि॒वं मा स्का॒न्, वस॑वस्त्वा॒ परि॑ गृह्णन्तु गाय॒त्रेण॒
छन्द॑सा, रु॒द्रास्त्वा॒ परि॑ गृह्णन्तु त्रैष्टु॑भेन॒ छन्द॑सा, ऽऽद्वि॒त्यास्त्वा॒ परि॑
गृह्णन्तु जा॒गते॑न॒ छन्द॑सा, दे॒वस्य॑ स॒वितुः स॒वे क॑र्म कृण्वन्ति वे॒धसं,
ऋ॒तम॑, -स्यु॒तस॑दनम, -स्यु॒तश्री॑र॑सि, धा अ॑सि स्व॒धा अ॑स्यु॒र्वी चा॑सि
वस्वी॑ चा॒सि पु॒रा क्रू॒रस्य॑ वि॒सृपो॑ वि॒रप्शि॑न्, () नुदा॒दाय॑ पृथि॒वीं

जी॒रदा॑नु॒र्यामै॑र॒यं च॒न्द्रम॑सि स्व॒धाभि॑स्तां धीरा॑सो

अनु॒दृश्य॑ यजन्ते ॥ 15

(दे॒व॒यज॑न्यै व्र॒जं - तम॑तो॒ मा - वि॑र॒प्शि॒न् - नेका॑दश च) (A9)

TS 1.1.10.1

प्रत्यु॑ष्ट॒ः रक्षः॑ प्रत्यु॑ष्टा॒ अरा॑तयो, ऽग्ने॒र्वस्ते॑जि॒ष्ठेन॒ तेज॑सा॒ निष्ट॑पामि,
गो॒ष्ठं मा निर्मृ॑क्षं ऽवा॒जिनं॑ त्वा सप॒त्नसा॒हः सं मा॑जि॒र्मि, वाचं॑ प्रा॒णं,
चक्षुः॑ श्रोत्रं, प्र॒जां ऽयोनिं॑ मा निर्मृ॑क्षं ऽवा॒जिनीं॑ त्वा सप॒त्नसा॒हीः
सं मा॑जि॒र्म्या, शासा॑ना सौम॒न॒सं प्र॒जाः सौभा॑ग्यं त॒नूं ।

अ॒ग्नेरनु॑व्रता भू॒त्वा सं न॑ह्ये सुकृ॒ताय॒ कं ॥

सुप्र॒जस॑स्त्वा व॒यः सु॒पत्नी॒रुप॑ -[] 16

TS 1.1.10.2

सेदि॑म । अ॒ग्ने सप॑त्नदंभ॒न॒मद॑ब्धासो॒ अदा॑भ्यं ॥

इ॒मं ऽवि॑ ष्या॒मि वरु॑णस्य॒ पाशं॑ ऽय॒मब॑द्धीत सवि॒ता सु॒केतः॑ ।

धा॒तुश्च॒ योनौ॑ सुकृ॒तस्य॑ लो॒के स्यो॒नं मे॑ स॒ह प॒त्यां करो॑मि ॥

समा॑यु॒षा सं प्र॒जया॒ सम॑ग्ने वर्च॑सा॒ पुनः॑ ।

सं प॒त्नी प॒त्याऽहं ग॑च्छे॒ समा॒त्मा त॒नुवा॒ मम॑ ॥

म॒हीनां॑ पयो॒ ऽस्योष॑धीना॒ः रस॑स्तस्य॒ तेऽक्षी॑यमाणस्य॒ नि -[] 17

TS 1.1.10.3

व॑पामि, म॒हीनां॑ पयो॒ ऽस्योष॑धीना॒ः रसो॑ऽद॒ब्धेन॑ त्वा॒ चक्षु॑षाऽवै॒क्षे
सुप्र॑जा॒स्त्वाय॒, तेजो॑ऽसि, तेजो॑ऽनु॒ प्रे, - ह्य॒ग्निस्ते॒ तेजो॒ मा वि॑

नै,-दग्नेर्जिह्वाऽसि सुभूर्देवानां धाम्नेधाम्ने देवेभ्यो यजुषेयजुषे भव,
शुक्रमसि, ज्योतिरसि, तेजोऽसि, देवो वः सवितोत् पुनात्वच्छिद्रेण
पवित्रेण वसोः सूर्यस्य रश्मिभिः, शुक्रं () त्वां शुक्रायां धाम्नेधाम्ने
देवेभ्यो यजुषेयजुषे गृह्णामि, ज्योतिस्त्वा ज्योतिं,-ष्यर्चिस्त्वाऽर्चिषि
धाम्नेधाम्ने देवेभ्यो यजुषेयजुषे गृह्णामि ॥ 18

(उप - नि - रश्मिभिः शुक्रं - षोडश च) (A10)

TS 1.1.11.1

कृष्णोऽस्याखरेष्ठोऽग्र्ये त्वा स्वाहा, वेदिरसि बर्हिषे त्वा स्वाहा,
बर्हिरेसि सुग्भ्यस्त्वा स्वाहा, दिवे त्वा, ऽन्तरिक्षाय त्वा, पृथिव्यै
त्वा, स्वधा पितृभ्य ऊर्गभिव बर्हिषद्भ्य ऊर्जा पृथिवीं
गच्छतुविष्णोः स्तूपो ऽस्यूर्णमिदसं त्वा स्तृणामि स्वासुस्थं देवेभ्यो
गन्धर्वोऽसि विश्वावसु विश्वस्मादीषतो यजमानस्य परिधिरिड
ईडितइन्द्रस्य बाहुरसि -[] 19

TS 1.1.11.2

दक्षिणो यजमानस्य परिधिरिड ईडितो मित्रावरुणौ त्वोत्तरतः परि
धत्तां ध्रुवेण धर्मणा यजमानस्य परिधिरिड ईडितः सूर्यस्त्वा
पुरस्तात् पातु कस्यांश्चिदभिशांस्त्यावीतिहोत्रं त्वा कवे द्युमन्तः
समिधीमह्यग्रे बृहन्तमदध्वरेविशो यन्त्रे स्थो वसूनाः
रुद्राणामादित्यानाः सदसि सीद जुहुरुपभृद् ध्रुवाऽसि घृताची
नाम्नां प्रियेण नाम्नां प्रिये सदसि () सीद्वैता असदन्त् सुकृतस्य
लोके ता विष्णो पाहि पाहि यज्ञं पाहि यज्ञपतिं पाहि

मां ऽयंज्ञनियं ॥ 20

(बाहुरसि - प्रिये सदसि - पञ्चदश च) (A11)

TS 1.1.12.1

भुव॑नमसि॒ वि प्र॑थ॒स्वाग्रे॑ यष्ट॑रिदं नमः ।

जुह्वे॑ह्यग्निस्त्वा॑ ह्वयति देवय॒ज्याया॒ उप॑भृदेहि॑ देवस्त्वा॑ सवि॒ता ह्व॑यति
देवय॒ज्याया॒ अग्रा॑विष्णू॒ मा वा॒मव॑ क्रमिषुं ऽवि जि॑हाथां॒ मा मा॒ सं
ता॑प्तं ऽलो॒कं मे॑ लोक॑कृतौ कृणु॑तुं ऽविष्णोः॒ स्थान॑मसी॒त इन्द्रो॑
अकृ॑णोद् वी॒र्या॑णि स॒मा॒र॒भ्योर्द्ध॑वो अ॒र्द्ध॒वरो दि॑विस्पृश॒महु॑तो ()
य॒ज्ञो य॒ज्ञप॑ते- रिन्द्रा॑वा॒न्त् स्वाहा॑ बृह॒द्वाः पा॒हि मा॑ऽग्रे दुश्च॑रिता॒दा
मा सुच॑रिते भज म॒खस्य॑ शिरो॑ऽसि सं ज्योति॑षा॒ ज्योति॑रङ्क्तां ॥

21

(अहु॑त - एक॑विंशतिश्च)(A12)

TS 1.1.13.1

वाज॑स्य मा प्रस॒वेनो॑-द्वाभे॒णो-द॑ग्रभीत् ।

अथा॑ स॒पत्ना॑ः इन्द्रो॑ मे नि॒ग्राभे॑णाध॒राः अकः॑ ॥

उ॒द्ग्राभं॑ च॒ नि॒ग्राभं॑ च॒ ब्रह्म॑ दे॒वा अ॑वीवृधन् ।

अथा॑ स॒पत्ना॑निन्द्रा॒ग्नी मे॑ विषू॒चीना॑न् व्य॑स्यतां ॥

वसु॑भ्यस्त्वा रु॒द्रेभ्य॑स्त्वाऽऽदित्ये॑भ्य॒स्त्वा ऽक्तः॑ रिहा॑णा वि॒यन्तु॑ वयः॑

॥

प्रजां ऽयोनिं मा निर्मृक्ष्मा प्यायन्तामाप् ओषंधयो
मरुतां पृषतयः स्थ दिवं -[] 22

TS 1.1.13.2

गच्छ ततो नो वृष्टिमेरय ।

आयुष्पा अग्नेऽस्यायुर्मे पाहि चक्षुष्पा अग्नेऽसि चक्षुर्मे पाहि
ध्रुवाऽसियं परिधिं पर्यधत्वा अग्ने देव पुणिभिर्वीयमाणः ।
तं तं एतमनु जोषं भरामि नेद्रेष त्वदपचेतयातैयज्ञस्य पाथ
उप समितः स७स्रावभागाः स्थेषा बृहन्तः प्रस्तरेष्ठा
बर्हिषदश्च-[] 23

TS 1.1.13.3

देवा इमां ऽवाचमभि विश्वे गृणन्त आसद्यास्मिन् बर्हिषि
मादयद्ध्व-मग्ने वामपन्नगृहस्य सदसि सादयामि सुंनार्यं सुंनिनी
सुंने मां धत्तं धुरि धुर्यो पातमग्ने ऽदब्धायो ऽशीततनो पाहि माऽद्य
दिवः पाहि प्रसित्यै पाहि दुरिष्ट्यै पाहि दुरद्वान्यै पाहि
दुश्चरितादविषं नः पितुं कृणु सुषदा योनि७ स्वाहा देवां गातुविदो
गातुं ऽवित्त्वा गातुं () मितुं मनसस्पत इमं नो देव देवेषु यज्ञ७
स्वाहा वाचि स्वाहा वाते धाः ॥ 24

(दिवं - च - वित्त्वा गातुं - त्रयोदश च) (A13)

TS 1.1.14.1

उभा वामिन्द्राग्नी आहुवद्भ्यां उभा राधंसः सह मादयद्भ्यै ।

उ॒भा दा॒तारा॑वि॒षाः रं॒यी॒णामु॒भा वाज॑स्य सा॒तये॑ हुवे वां ॥
 अश्र॑वः हि भू॒रि॒दाव॑त्तरा वां ऽविजा॑मातुरु॒त वां घा स्या॒लात् ।
 अथा॒ सोम॑स्य प्रय॑न्ती युव॒भ्यामिन्द्रा॑ग्नी स्तोमं॑ जनयामि नव्यं ॥
 इन्द्रा॑ग्नी नव॒तिं पुरो॑ दा॒सप॑त्नीरधूनुतं । सा॒कमे॑केन॒ कर्म॑णा ॥
 शुचिं॑ नु स्तोमं॑ नव॑जात-म॒द्येन्द्रा॑ग्नी वृ॒त्रह॑णा जुषेथां । 25

TS 1.1.14.2

उ॒भा हि वांः सु॒हवा॒ जोह॑वीमि ता वाज॑ः स॒द्य उ॑श॒ते धे॒ष्ठां ॥
 व॒यमुं॑ त्वा पथस्प॑ते रथं॑ न वाज॑सातये । धि॒ये पू॑षन्नयुज्महि ॥
 प॒थस्प॑थः परि॑पतिं ऽवच॑स्या कामे॑न कृ॒तो अ॒भ्या॑नडु॒र्क ।
 स॒नो रा॑सच्छु॒रुधंश्च॑न्द्रा॒ग्रा धि॒यं धि॒यः सी॑षधाति प्र पू॒षा ॥
 क्षे॒त्रस्य॑ पति॑ना व॒यः हि॒तेने॑व जयामसि ।
 गा॒मश्वं॑ पोषयि॒त्वा स नो॑ - [] 26

TS 1.1.14.3

मृ॒डाती॒दृशे॑ ॥
 क्षे॒त्रस्य॑ प॒ते म॒धुम॑न्तमू॒र्मि धे॒नुरि॑व प॒यो अ॒स्मासु॑ धुक्ष्व ।
 म॒धुश्चु॑तं घृ॒तमि॑व सु॒पूत॑मृ॒तस्य॑ नः प॒तयो॑ मृ॒डय॑न्तु ॥
 अ॒ग्रे न॑यं सु॒पथां॑ रा॒ये अ॒स्मान् वि॒श्वानि॑ दे॒व व॒युना॑नि वि॒द्वान् ।
 यु॒योद्ध॑यंस्म-ज्जु॒हुरा॑णमे॒नो भू॑यि॒ष्ठां ते॒ नमं॑ उ॒क्तिं ऽवि॑धेम ॥
 आ दे॒वाना॑मपि प॒न्थांम॑गन्म॒ यच्छ॑क्नवा॒म तद॑नु प्रवो॒ढुं ।
 अ॒ग्नि वि॒द्वान्स॑ य॒जात् - [] 27

TS 1.1.14.4

सेदु होता सो अ॒ध्व॒रान् स ऋ॒तून् क॑ल्पयाति ॥
यद्वाहि॑ष्ठुं तद॒ग्रये॑ बृ॒हद॑र्च विभावसो ।
महि॑षीव॒ त्वद्र॒यिस्त्वद्वाजा॑ उदी॑रते ॥
अ॒ग्ने त्वं पा॑रया॒ नव्यो॑ अ॒स्मान् स्तु॑स्तिभि॒रति॑ दु॒र्गाणि॑ विश्वा॑ ।
पू॒श्च पृ॑थ्वी ब॒हुला॑ न॒ उ॒र्वी भ॑वा॒ तोका॑य॒ तन॑याय॒ शं योः ॥
त्वम॑ग्ने व्रत॒पा अ॑सि दे॒व आ () म॒र्त्येष्व॑ । त्वं य॒ज्ञेष्वि॑ड्यः ॥
यद्वो॑ व॒यं प्र॑मि॒नाम॑ व्र॒तानि॑ वि॒दुषा॑ दे॒वा अ॒वि॒दुष्ट॑रासः ।
अ॒ग्नि॒ष्टद् वि॒श्वमा॑ पृ॒णाति॑ वि॒द्वान् येभि॑र् दे॒वाः ऋ॒तुभिः॑ क॒ल्पया॑ति ॥

28

(जुषे॒था॒मा - सा नो॑ - यजा॒ - दा - त्रयो॑वि॒ंशति॑श्च) (A14)

Prasna Korvai with starting Padams of 1 to 14

Anuvaakams :-

(इ॒षे त्वा॑ - य॒ज्ञस्य॑ - शु॒न्ध॒ध्वं - क॑र्म॒णे वा॑ - दे॒वो -
ऽव॑धू॒तं - धु॒ष्टिः - सं य॑व॒पा - म्या द॑दे - प्र॒त्युष्टं॑ - कृ॒ष्णो॑ऽसि॒ -
भुव॑नमसि॒ - वाज॑स्यो॒भा वा॑ - चतु॑र्दश ।)

Korvai with starting Padams of 1, 11, 21 Series of

Panchaatis :-

(इ॒षे - दृ॑ह - भुव॑न - म॒ष्टावि॑ंशतिः ।)

First and Last Padam of First Prasnam :-

(इ॒षे त्वा॑ - क॒ल्पया॑ति ।)

॥ हरिः॑ ओं ॥

कृष्ण यजुर्वेदीय तैत्तिरीय संहितायां प्रथमकाण्डे प्रथमः प्रश्नः
समाप्तः

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः॑ ओं

1.1 प्रथमकाण्डेद्वितीयः प्रश्नः अग्निष्टोमे क्रयः

TS 1.2.1.1

आपं॑ उ॒न्दन्तु जी॒वसे॑ दी॒र्घायु॑त्वाय॒ वर्च॑स॒ ओष॑धे॒ त्राय॑स्वैन॒७
स्वधि॑ते

मैनं॑ हि॒सी दे॒वश्रू॑रे॒तानि॒ प्र व॑पे स्व॒स्त्युत्त॑राण्यशी॒याऽऽपो॑
अ॒स्मान् मा॒तरः॑ शु॒न्धन्तु॑ घृ॒तेन॑ नो घृ॒तपु॑वः पु॒नन्तु॑ वि॒श्वम॒स्मत् प्र
व॑हन्तु रि॒प्रमु॑दा॒भ्यः शु॒चिरा॑ पू॒त ए॒मि सोम॑स्य त॒नूर॑सि त॒नुवं॑ मे
पा॒हि मही॒नां प॒योऽसि॑ वर्चो॒धा अ॑सि॒ वर्चो॑ - [] 1

TS 1.2.1.2

मयिं धेहि वृत्रस्य कनीनिकाऽसि चक्षुष्पा अंसि चक्षुर्मे पाहि
 चित्पतिस्त्वा पुनातु वाक्पतिस्त्वा पुनातु देवस्त्वा सविता
 पुनात्वच्छिद्रेण पवित्रेण वसोः सूर्यस्य रुश्मिभिस्तस्य ते पवित्रपते
 पवित्रेण यस्मै कं पुने तच्छकेयुमा वो देवास ईमहे सत्यधर्माणो
 अद्ध्वरे यद्वो देवास आगुरे यज्ञियासो हवामह इन्द्राग्नी द्यावा
 पृथिवी आप ओषधी () स्त्वं दीक्षाणा-मधिपतिरसीह
 मा सन्त पाहि ॥ 2

(वर्च - ओषधीरष्टौ च) (A1)

TS 1.2.2.1

आकूत्यै प्रयुजेऽग्नये स्वाहा मेधायै मनसेऽग्नये स्वाहा दीक्षायै
 तपसेऽग्नये स्वाहा सरस्वत्यै पूष्णेऽग्नये स्वाहाऽऽपो देवीर्बृहती
 विश्वशंभुवो द्यावापृथिवी उर्वन्तरिक्षं बृहस्पतिर्नो हविषा वृधातु
 स्वाहा विश्वे देवस्य नेतुर्मर्तो वृणीत सख्यं ऽविश्वे राय इषुद्ध्यसि
 द्युम्नं ऽवृणीत पुष्यसे स्वाहर्ख-सामयोः शिल्पे स्थस्ते वामा
 रंभे ते मां - [] 3

TS 1.2.2.2

पातुमास्य यज्ञस्योद्वचं इमां धियुः शिक्षमाणस्य देव क्रतुं
 दक्षं ऽवरुण सः शिंशाधि ययाऽति विश्वा दुरिता तरेम
 सुतर्माणमधि
 नावः रुहेमोर्गस्याङ्गिरस्यूर्णम्रदा ऊर्जं मे यच्छ पाहि मा मा मां

हि॒ःसी॒-वि॒ष्णोः॒ शर्मा॑सि॒ शर्म॑ यज॑मानस्य॒ शर्म॑ मे यच्छ॒
नक्ष॑त्राणां माऽतीका॒शात् पा॒हीन्द्र॑स्य॒ योनि॑रसि॒ - [] 4

TS 1.2.2.3

मा मां हि॒ःसीः॒ कृ॒ष्यै त्वां सु॒स्यायै॑ सु॒पिप्प॒लाभ्य॒-स्त्वौष॑धीभ्यः
सू॒प॒स्था दे॒वो वन॑स्पति॒रूर्ध्वो॒ मां पा॒ह्योद॑चः॒ स्वाहा॑ य॒ज्ञं मन॑सा
स्वाहा॒ द्यावा॑पृथि॒वीभ्या॑ ७ स्वाहो॒रो-र॒न्तरि॑क्षा॒थ स्वाहा॑ य॒ज्ञं
ॐवा॑ता॒दा रं॑भे ॥ 5

(मा - योनि॑रसि - त्रि॒ःश॒च्चं) (A2)

TS 1.2.3.1

दैवीं॑ धियं॑ मनामहे सुमृ॒डीका॒-म॒भिष्ट॑ये वर्चो॒धां ॐय॒ज्ञवा॑हसः
सुपा॒रा नो॑ अस॒द् वशै॑ । ये दे॒वा मनो॑जाता मनो॒युजः॑ सु॒दक्षा
दक्ष॑पिता॒रस्ते नः॑ पान्तु ते नो॑ऽवन्तु तेभ्यो॒ नम॑स्तेभ्यः॒ स्वाहाऽग्रे॑ त्वः
सु जा॑गृहि व॒यः सु म॑न्दिषीमहि गोपा॒य नः॑ स्व॒स्तये॑ प्र॒बुधे॑ नः
पुन॑र्ददः ।

त्वम॑ग्रे व्रत॒पा अ॑सि दे॒व आ म॑र्त्ये॒ष्वा ।

त्वं - [] 6

TS 1.2.3.2

ॐय॒ज्ञेष्वी॒ड्यः॑ ॥

विश्वे॑ दे॒वा अ॒भि मामाऽव॑वृ॒त्रन् पू॒षा स॒न्या सोमो॑ राध॑सा दे॒वः
संवि॒ता वसो॑र्वसु॒दा वा रा॑स्वेयं॒थ सो॒मा ऽऽ*भू॑यो॑ भर॒ मा पृ॑णन्

पूर्या

वि रांधि माऽहमायुषा चन्द्रमसि मम भोगाय भव वस्त्रमसि मम
भोगाय भवोऽसि मम भोगाय भव हयोऽसि मम
भोगाय भव- [] 7

TS 1.2.3.3

छागोऽसि मम भोगाय भव मेषोऽसि मम भोगाय भव वायवे त्वा
वरुणाय त्वा निर्ऋत्यै त्वा रुद्राय त्वा देवीरापो अपां नपाद्य
ऊर्मिर्हविष्य इन्द्रियावाँन्-मदिन्तमस्तं वो माऽव क्रमिषमच्छिन्नं
तन्तुं पृथिव्या अनुं गेषं भद्रादभि श्रेयः प्रेहि बृहस्पतिः पुर एता ते
अस्त्वथेमव स्य () वर आ पृथिव्या आरे शत्रून् कृणुहि सर्ववीर
एदमंगन्म देवयजनं पृथिव्या विश्वे देवा यदजुषन्त पूर्व ऋख्

सामाभ्यां यजुषा सन्तरन्तो रायस्पोषेण समिषा मंदेम ॥ 8

(आ त्व-हयोऽसि मम भोगाय भव-स्य-पञ्चविंशतिश्च) (A3)

TS 1.2.4.1

इयं ते शुक्र तनूरिदं वर्चस्तया सं भव भ्राजं गच्छ जूरसि धृता
मनसा जुष्टा विष्णावे तस्यांस्ते सत्यसंवसः प्रसवे वाचो यन्त्रमशीय
स्वाहा शुक्रमस्य-मृतमसि वैश्वदेवः हविः सूर्यस्य चक्षुराऽरुहमग्रे
रक्षणः कृनीनिकां यदेतं शेभिरीयसे भ्राजमानो विपश्चिता चिदसि
मनाऽसि धीरसि दक्षिणा - [] 9

TS 1.2.4.2

ऽसि यज्ञियांऽसि क्षत्रियाऽस्यदिति-रस्युभयतः शीर्ष्णी सा नः
 सुप्रांची सुप्रतीची सं भव मित्रस्त्वां पदि बद्धातु पूषाऽद्ध्वनः
 पात्विन्द्राया-द्व्यक्षायानुं त्वा माता मन्यतामनुं पिताऽनु भ्राता
 सगर्भ्योऽनु सखा सयूथ्यः सा देवि देवमच्छेहीन्द्राय सोमं
 रुद्रस्त्वा ऽऽ*वर्तयतु मित्रस्यं पथा स्वस्ति सोमं सखा ()
 पुनरेहिं सह रय्या ॥ 10 (दक्षिणा-सोमंसखा-पञ्च च) (A4)

TS 1.2.5.1

वस्यसि रुद्राऽस्यदिति-रस्यादित्याऽसि शुक्राऽसि चन्द्राऽसि
 बृहस्पतिस्त्वा सुमे रण्वतु रुद्रो वसुभिरा चिकेतु पृथिव्यास्त्वा
 मूर्द्धन्ना जिघर्मि देवयजन् इडायाः पदे घृतवन्ति स्वाहा
 परिलिखितं रक्षः परिलिखिता अरांतय इदमहं रक्षसो ग्रीवा
 अपि कृन्तामि योऽस्मान् द्वेष्टि यं च वयं द्विष्म इदमस्य ग्रीवा - []

11

TS 1.2.5.2

अपि कृन्ताम्यस्मे रायस्त्वे रायस्तोते रायः सं देवि देव्योर्वश्यां
 पश्यस्व त्वष्टीमती ते सपेय सुरेता रेतो दधाना वीरं ऽविदेय तव
 संदृशिमाऽहं रायस्पोषेण वि योषं ॥ 12

(अस्य ग्रीवा-एकान्न त्रिंशच्च) (A5)

TS 1.2.6.1

अंशुनां ते अंशुः पृच्यतां परुषा परुर्गन्धस्ते काममवतु मदाय

रसो॒ अच्यु॑तो॒ ऽमा॒त्यो॑ऽसि शुक्र॒स्ते ग्र॒हो॒ऽभि त्पं दे॒वः
संवि॒तारं॑मू॒ण्योः॑ क॒विक्रं॑तुमर्चामि स॒त्यसं॑वसः रत्न॒धाम॒भि प्रि॒यं
म॒तिमूर्द्ध॑वा यस्या॒मति॑र्भा अदि॒द्युत॑त् स॒वीम॑नि हि॒रंण्य
पा॒णिर॑मिमीत सु॒क्रतुः॑ कृ॒पा सु॒वः । प्र॒जाभ्यं॑स्त्वा प्रा॒णायं॑ त्वा
व्या॒नायं॑ त्वा

प्र॒जास्त्व॑मनु () प्राणि॑हि प्र॒जास्त्वाम॑नु प्राण॑न्तु ॥ 13

(अनु॑ - स॒प्त च॑)(A6)

TS 1.2.7.1

सोमं॑ ते क्री॒णाम्पू॑र्जस्वन्तं पय॑स्वन्तं ऽवी॒र्या॑वन्तमभि मा॒तिषा॑हं
शुक्रं॑ ते शु॒क्रेण॑ क्री॒णामि च॒न्द्रं च॒न्द्रेणा॑-मृतं॑मृतेन स॒म्यत्ते
गौर॑स्मे च॒न्द्राणि॑ तप॑सस्त॒नूर॑सि प्र॒जाप॑ते वर्ण॒स्तस्या॑स्ते सह॒स्रपो॑षं
पु॒ष्यन्त्याश्च॑र॒मेण॑ प॒शुना॑ क्री॒णाम्य॑स्मे ते बन्धु॒र्मयि॑ ते रा॒यः
श्रय॑न्ताम॒स्मे ज्योतिः॑ सोम॒विक्र॑यिणि तमो॑ मि॒त्रो न॒ एहि॑ सुमि॒त्रधा॑
इन्द्र॑स्यो॒रु () मा वि॑श दक्षि॒ण-मु॑शन्नु॒शन्तं॑७ स्यो॒नः स्यो॒न७
स्वान् भ्रा॒जाङ्घ॑रि बं॒भारि॑ हस्त॒ सुह॑स्त॒ कृशा॑नवे॒ते वः॑ सोम॒
क्रय॑णा॒स्तान् रक्ष॑ध्वं मा वो॑ दभन् ॥ 14

(ऊ॒रुं-द्वाविं॑शतिश्च) (A7)

TS 1.2.8.1

उदायुषा स्वायुषोदोषधीनाः रसेनोत् पर्जन्यस्य शुष्मेणो
दस्थाममृताः अनु । उर्वन्तरिक्षमन्विह्यदित्याः सदोऽस्यदित्याः
सदु

आ सीदास्तंभ्नाद्-द्यामृषभो अन्तरिक्षममिमीत वरिमाणं पृथिव्या
आऽसीदद् विश्वा भुवनानि सम्राड् विश्वेत्तानि वरुणस्य वृतानि
वनेषु व्यन्तरिक्षं ततान् वाजमर्वत्सु पयो अघ्नियासु हृत्सु - [] 15

TS 1.2.8.2

क्रतुं ऽवरुणो विक्ष्वंरिं दिवि सूर्यमदधात् सोममद्रावुदु त्यं
जातवेदसं

देवं ऽवहन्ति केतवः । दृशे विश्वाय सूर्यं ॥ उस्त्रावेतं धूर्.षाहावनश्रू
अवीरहणौ ब्रह्मचोदनौ वरुणस्य स्कंभनमसि वरुणस्य
स्कंभसर्जनमसि प्रत्यस्तो वरुणस्य पाशः ॥ 16

(हृत्सु-पञ्चत्रिंशच्च) (A8)

TS 1.2.9.1

प्र च्यंवस्व भुवस्पते विश्वान्यभि धामानि मा त्वां परिपरी विदुन्मा
त्वां परिपन्थिनीं विदुन्मा त्वा वृकां अघायवो मा गन्धर्वो विश्वावंसुरा
दंघच्छ्येनो भूत्वा परां पत यजमानस्य नो गृहे देवैः संऽस्कृतं
ऽयजमानस्य स्वस्त्ययन्यस्यपि पन्थामगस्महि स्वस्ति गामनेहसं
ऽयेन विश्वाः परि द्विषो वृणक्तिं विन्दते वसु नमो मित्रस्य ()
वरुणस्य चक्षसे महो देवाय तदृतः संपर्यत दूरेदृशे देवजांताय
केतवे

दिवस्पुत्राय॑ सूर्याय॑ शः॑सतु वरुणस्य॑ स्कंभ॑नमसि॒ वरुणस्य॑
स्कंभ॑सर्जन-म॒स्युन्मु॑क्तो॒ वरुणस्य॑ पाशः॑ ॥ 17

(मित्रस्य-त्रयोविंशतिश्च) (A9)

TS 1.2.10.1

अ॒ग्ने-रा॑ति॒थ्यम॑सि॒ विष्णा॑वे त्वा॒ सोम॑स्याऽऽ*ति॒थ्यम॑सि॒ विष्णा॑वे त्वा-
ऽति॑थेराति॒थ्यम॑सि॒ विष्णा॑वे त्वाऽग्र॑यै॑ त्वा राय॑स्पोष॒दा॒न्त्रे विष्णा॑वे त्वा
श्ये॑नायं त्वा सोम॑भृते॒ विष्णा॑वे त्वा॒ या ते॒ धामा॑नि ह॒विषा॑ यज॑न्ति॒ ता
ते॒ विश्वा॑ परि॒भूर॑स्तु य॒ज्ञं ग॑य॒स्फानः॑ प्र॒तर॑णः सु॒वीरोऽवी॑रहा॒ प्रच॑रा
सोम॑ दु॒र्या॒नदि॑त्याः॒ सदोऽस्य॑दि॒त्याः॒ सद॒ आ - [] 18

TS 1.2.10.2

सी॑द्र वरु॑णोऽसि॒ धृत॑व्र॒तो वा॒रुण॑म॒सि शु॒म्भो॒योर्दे॒वानां॑ सु॒ख्यान्मा
दे॒वानां॑-म॒पसं॑श्छि॒त्स्म॒ह्याप॑तये त्वागृ॒ह्णामि॑ परि॒पत॑ये त्वा गृ॒ह्णामि॑
तनू॑न॒प्त्रे त्वागृ॒ह्णामि॑ शा॒कुरा॑यं त्वा गृ॒ह्णामि॑ श॒क्मन्-नो॒जि॑ष्ठाय त्वा
गृ॒ह्णाम्य॑ -ना॑धृष्ट॒मस्य॑-नाधृ॒ष्यं दे॒वाना॑मो॒जोऽभि॑शस्ति॒पा
अ॑न॒भि॒शस्ते॒ ऽन्य॑मनु॒ मे दी॒क्षां दी॒क्षा॑प॒ति र्म॑न्यता॒मनु॑
तप॑स्तप॒स्पति॑र॒ञ्जसा॑ स॒त्यमु॑प॒ गेष॑ सु॒विते॑ मां () धाः ॥ 19
(अमै-कं च) (A10)

TS 1.2.11.1

अ॒शु॒रंशु॑स्ते दे॒व सो॒माऽऽ*प्या॑यता॒-मि॒न्द्रायै॑कध॒न॒विद्र॑ आ
तु॒भ्यमि॑न्द्रः॑ प्या॒यता॑मा त्वमि॒न्द्राय॑ प्या॒य॒स्वाऽऽ*प्या॑यय॒ सखी॑न्
स॒न्या मे॒धया॑ स्व॒स्ति ते॑ दे॒व सोम॑ सु॒त्याम॑शी॒येष्टा॑ रा॒यः प्रे॑षे

भगाय॑र्त॒मृत॑वा॒दिभ्यो॑ नमो॑ दि॒वे नमः॑ पृथि॒व्या अ॒ग्ने॑ व्रत॒पते॒ त्वं
ॐव॒तानां॑ व्रत॒पंति॑रसि॒ या म॒म त॒नूरे॑षा सा त्वयि॒ - [] 20

TS 1.2.11.2

या त॒वं त॒नूरि॑यꣳ सा मयि॑ स॒ह नौ॑ व्रत॒पते॒ व्रति॑नो॒व्रतानि॑
या ते॑ अ॒ग्ने रु॒द्रिया॑ त॒नूस्त॑यां नः पाहि॒ तस्या॑स्ते स्वाहा॒

या ते॑ अ॒ग्नेऽया॑श॒या रं॒जाश॑या हं॒राश॑या त॒नूर्व॑र॒षिष्ठा॑ ग॒ह्वरे॑ष्ठोऽग्रं
ॐव॒चो॒ अपा॑वधीं त्वेषं ॐव॒चो॒ अपा॑वधी॒ ७ स्वाहा॑ ॥ 21
(त्वयि॑-चत्वारि॑ꣳशच्च॑) (A11)

TS 1.2.12.1

वि॒त्ताय॑नी मेऽसि॒ ति॒क्ताय॑नी मेऽस्य॒व॒तान्मा॑ नाथि॒तम॑व॒तान्मा॑
व्यथि॑तं

ॐवि॒देर॒ग्निर्न॑भो॒ नामा॒ग्ने॑ अ॒ङ्गिरो॒ योऽस्यां॑ पृथि॒व्याम॑स्यायु॑षा॒ नाम्ने॑हि
यत्तेऽना॑धृष्टं॒ नामं॑ य॒ज्ञियं॑ तेन॒ त्वाऽऽ*द॒धेऽग्ने॑ अ॒ङ्गिरो॒ यो द्वि॑तीयं॒स्यां
तृती॑यं॒स्यां पृथि॒व्या-म॑स्यायु॑षा॒ नाम्ने॑हि यत्तेऽना॑धृष्टं॒ नामं॑ - [] 22

TS 1.2.12.2

य॒ज्ञियं॑ तेन॒ त्वाऽऽ*द॒धे सिꣳही॑र॒सि म॑हि॒षीर॑स्युरु॒ प्रथ॑स्वो॒रु
ते॑ य॒ज्ञप॑तिः प्रथ॒तां ध्रु॒वाऽसि॑ दे॒वेभ्यः॑ शु॒न्धस्व॑ दे॒वेभ्यः॑
शुंभ॑स्वेन्द्र॒घोष॑स्त्वा॒ वसु॑भिः पुरस्ता॑त् पातु॒ मनो॑जवा॒स्त्वा पि॒तृभि॑
र्दक्षि॑ण॒तः पा॑तु प्रचे॑तास्त्वा रु॒द्रैः प॒श्चात् पा॑तु वि॒श्वक॑र्मा
त्वाऽऽदि॒त्यैरु॑त्तर॒तः पा॑तु सिꣳही॑र॒सि स॑पत्नसा॒ही स्वाहा॑

सि॒ःहीर॑सि सुप्रजा॒वनिः॒ स्वाहा॑ सि॒ःही - [] 23

TS 1.2.12.3

र॑सि रायस्पोष॒वनिः॒ स्वाहा॑ सि॒ःहीर॑स्या-दित्य॒वनिः॒ स्वाहा॑
सि॒ःहीर॑स्या व॑ह देवान्दे॒वय॑ते यज॑मानाय॒ स्वाहा॑ भू॒तेभ्य॑स्त्वा
वि॒श्वायु॑रसि पृथि॒वीं दृ॑ह ध्रुव॒क्षिद॑स्यन्तरि॒क्षं दृ॑हाच्युत॒क्षिद॑सि
दि॒वं दृ॑हाग्रे भस्मा॑स्य॒ग्रेः पुरी॑षमसि ॥ 24

(नामं-सुप्रजा॒वनिः॒ स्वाहा॑ सि॒ःहिः-पञ्च॑त्रि॒ंशच्च॑)(A12)

TS 1.2.13.1

यु॒ञ्जते॒ मनं॑ उ॒त यु॑ञ्जते॒ धियो॒ विप्रा॒ विप्र॑स्य बृ॒हतो॑ वि॒पश्चितः॑ ।
वि हो॒त्रां दधे॑ वयुना॒ विदे॒क इन्म॒ही दे॒वस्य॑ सवि॒तुः परि॑ष्टुतिः ॥
सु॒वाग्दे॒व दुर्या॑ आ व॑द दे॒वश्रु॑तौ दे॒वेष्वा घो॑षेथा॒मा नो॑
वी॒रो जा॑यतां क॒र्मण्यो॑ य॒ सर्वे॑ऽनु जी॒वांम॒ यो ब॑हूनामसं॒द्वशी॑ ।
इ॒दं ऽवि॑ष्णु॒र्विच॑क्रमे त्रे॒धा नि द॑धे प॒दं ।

स मू॒ढम॑स्य - [] 25

TS 1.2.13.2

पा॒ःसुर॑ इरा॒वती॒ धेनु॑मती॒ हि भू॒तः सू॑यव॒सिनी॒ मन॑वे
यश॒स्यै॑ । व्य॑स्क॒भ्नाद्रो॑द॒सी वि॑ष्णुरे॒ते दा॒धारं॑ पृथि॒वीम॒भितो॑ म॒यूखैः॑
॥

प्राची॑ प्रेत॑मद्ध्व॒रं क॒ल्पय॑न्ती ऊ॒र्द्ध्वं ऽय॒ज्ञं न॑यतुं मा जी॑ह्वरतुम॒त्रं
रमे॑थां ऽव॒र्ष्मन् पृथि॒व्या दि॒वो वा॑ वि॒ष्णवु॑त वा॑ पृथि॒व्या म॒हो वा॑

विष्णवुत वाऽन्तरिक्षाद्धस्तौ पृणस्व बहुभिर्वसुव्यैरा

प्र यच्छ - [] 26

TS 1.2.13.3

दक्षिणादोत सुव्यात् ।

विष्णोर्नुकं ऽवीर्याणि प्र वोचं ऽयः पार्थिवानि विममे रजांसि यो
अस्कंभायदुत्तरं सुधस्थं ऽविचक्रमाण स्त्रेधोरुगायो

विष्णो रराटमसि विष्णोः पृष्ठमसि विष्णोः श्रप्त्रे स्थो

विष्णोः स्यूरसि विष्णोः ध्रुवमसि वैष्णवमसि विष्णावे त्वा ॥ 27

(अस्य-यच्छै-कात्र चत्वारिंशच्च) (A13)

TS 1.2.14.1

कृणुष्व पाजः प्रसितिन्न पृथ्वीं ऽय्याहि राजे वामवां इभे न ।

तृष्वीमनु प्रसितिं-द्वृणानोऽस्तांसि विद्ध्य रक्षसु स्तपिष्ठैः ॥

तवं भ्रमासं आशुया पतंत्यनु स्पृश-धृषता शोशुचानः ।

तपूष्पग्रे जुह्वा पतङ्गानसन्दितो विसृज विष्वं गुल्काः ॥

प्रतिस्पशो विसृज-तूर्णितमो भवा पायुर्विशो अस्या अदब्धः ।

यो नो दूरे अघशंसो - [] 28

TS 1.2.14.2

यो अन्त्यग्रे मार्किष्टे व्यथिरा दधर्षीत् ॥

उदग्रे तिष्ठ प्रत्या ऽऽतनुष्व न्यमित्रां ओषतात् तिग्महेते ।

यो नो अरातिं समिधान चक्रे नीचा तं धक्ष्यतुसं न शुष्कं ॥

ऊर्ध्वो भव प्रतिविद्ध्य-ऽद्ध्यस्मदा विष्कृणुष्व दैव्यान्यग्रे ।

अवस्थिरा तनुहि यातु जूनां जामिमजामिं प्रमृणीहि शत्रून् ॥

स ते - [] 29

TS 1.2.14.3

जानाति सुमतिं व्यविष्टय ईवते ब्रह्मणे गातुमैरत् ।

विश्वान्यस्मै सुदिनानि रायो द्युम्रान्युर्यो विदुरो अभि द्यौत् ॥

सेदग्रे अस्तु सुभगः सुदानु-र्यस्त्वा नित्येन हविषाय उक्थैः ।

पिप्रीषति स्व आयुषि दुरोणे विश्वेदस्मै सुदिना साऽसंदिष्टिः ॥

अर्चामि ते सुमतिं घोष्यर्वाख्-सन्ते वा वा तां जरता - [] 30

TS 1.2.14.4

मियंगीः । स्वश्वास्त्वा सुरथां मर्जये-मास्मे क्षत्राणि धारयेरनु द्यून् ॥

इह त्वा भूर्या चरे दुपत्मन्-दोषावस्त दीद्विवाऽसमनु द्यून् ।

क्रीडन्तस्त्वा सुमनंसः सपेमाभि द्युम्रा तस्थिवाऽसौ जनानां ॥

यस्त्वा-स्वश्वः सुहिरण्यो अग्र उपयाति वसुमता रथेन ।

तस्य त्राता-भवसि तस्य सखा यस्त आतिथ्य मानुषग् जुजोषत् ॥

महो रुजामि - [] 31

TS 1.2.14.5

बन्धुता वचोभिस्तन्मा पितुर्गोतमाद-न्वियाय ।

त्वन्नो अस्य वचंस-श्चिकिद्धि होतर्यविष्ठ सुक्रतो दमूनाः ॥

अस्वप्नज स्तरणयः सुशेवा अतन्द्रा सोऽवृका अश्रमिष्ठाः ।

ते पा॒यवः॑ स॒दध्रियं॑ञ्चो नि॒षद्याऽग्रे॑ तव॑नः पान्त्वमूर ॥

ये पा॒यवो॑ मा॒मते॑यंते॑ अ॒ग्रे पश्य॑न्तो अ॒न्धं दु॑रि॒ताद र॑क्षन् ।
र॒क्षता॑न् सु॒कृतो॑ वि॒श्ववे॑दा॒ दिप्स॑न्त इ॒द्रिप॑वो॒ ना हं - [] 32

TS 1.2.14.6

दे॒भुः ॥

त्वया॑ व॒यः स॑ध॒न्य-स्त्वो॒ता-स्त॑व॒ प्रणी॑त्य श्याम॒ वाजा॑न् ।
उ॒भा शः॑सा॒ सूद॑य सत्यता॒ते-ऽनु॑ष्ठु॒या कृ॑णु॒ह्य-ह्या॑ण ॥
अ॒या ते॑ अ॒ग्रे स॒मिधा॑ वि॒धेम॑ प्र॒तिस्तो॑मं॒ श॒स्यमा॑नं गृ॒भाय ।
दहा॑शसो॑ र॒क्षसः॑ पा॒ह्यस्मा॑न् द्रु॒हो नि॒दो मि॑त्रम॒हो अव॑द्यात् ॥
र॒क्षो॒हणं॑ वा॒जिन॒माजि॑ घ॒र्मि मि॑त्रं प्रथि॑ष्ठ-मु॒पया॑मि॒ शर्म॑ ।
शिशा॑नो अ॒ग्निः क्र॑तु॒भिः-समि॑द्धः-स॒नो दि॒वा - [] 33

TS 1.2.14.7

सरि॑षः पा॒तुन॑क्तं ॥

विज्यो॑ति॒षा बृ॒हता॑ भा॒त्यग्निरा॒वि-र्वि॑श्वानि कृणु॒तेम॑हित्वा ।
प्रादे॑वी-र्मा॒याः स॑ह॒ते-दु॒रेवाः॑ शिशी॑ते शृ॒ङ्गे र॑क्ष॒से वि॒निक्षे॑ ॥

उ॒त स्वा॒नासो॑ दि॒विष॑न्त्व॒ग्रे स्ति॒ग्मायु॑धा॒ रक्ष॑से ह॒न्त वा॑ उं ।
मदे॑ चिदस्य॒ प्ररु॑जन्ति॒ भामा॑ न व॑रन्ते परि॒बाधो॑ अदे॑वीः ॥ 34

(अ॒घशः॑सः-स ते॑-जर॒ता-रु॒जामि॑-ह - दि॒वै-

कंच॑त्वारि॒ंशच्च॑)(A14)

Prasna Korvai with starting Padams of 1 to 14

Anuvaakams :-

(उन्द्रन्त्वा-कूँत्यै-दैवी-मियन्ते-वस्व्यस्य-२शुनाते-
सोमन्त-उदायुषा प्र च्यवस्वा-ऽग्नेरातिथ्य-म२शुरं२ शुर-वित्तायनी
मेऽसि - युञ्जते - कृणुष्व पाज-श्चतुर्दश ।)

Korvai with starting Padams of 1, 11, 21 Series of
Panchaatis :-

(आपो-वस्व्यसि या तवे-यङ्गी-श्चतुस्त्रिंशत् ।)

First and Last Padam of Second Prasnam :-

(आपं उ॒न्द॒न्-त्वदै॑वीः ।)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे
द्वितीयः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः॑ ओं

1.2 प्रथमकाण्डे तृतीयः प्रश्नः अग्निष्टोमे पशुः

TS 1.3.1.1

दे॒वस्य॑ त्वा स॒वितुः॑ प्र॒स॒र्वेऽश्वि॑नो॑ ब॒हु॒भ्यां॑ पू॒ष्णो ह॒स्ता॑भ्या॒मा
द॒देऽभ्रि॑रसि॒ नारि॑रसि॒ परि॑लिखित॒ रक्षः॑ परि॑लिखिता॒ अरा॑तय
इ॒दम॒हं रक्ष॑सो ग्री॒वा अपि॑ कृ॒न्तामि॑ योऽस्मा॑न् द्वेष्टि॒ यं च॑ व॒यं
द्वि॒ष्म इ॒दम॑स्य ग्री॒वा अपि॑ कृ॒न्तामि॑ दि॒वे त्वाऽन्तरि॑क्षाय त्वा

पृथिव्यै त्वा शुन्धतां ऽलोकः पितृषदंनो यवोऽसि युवयास्मद्द्वेषो -
[] 1

TS 1.3.1.2

युवयारांतीः पितृणां सदनमस्युदिवं ऽ स्तभानाऽन्तरिक्षं पृण
पृथिवीं दृह द्युतानस्त्वा मारुतो मिनोतु मित्रावरुणयो ध्रुवेण
धर्मणा

ब्रह्मवनिं त्वा क्षत्रवनिं सुप्रजावनिं रायस्योषवनिं पर्यूहामि ब्रह्म
दृह क्षत्रं दृह प्रजां दृह रायस्योषं दृह घृतेन द्यावापृथिवी आ
पृणेत्यामिन्द्रस्य सदोऽसि विश्वजनस्य छाया परिं त्वा गिर्वणो गिरं
इमा () भवन्तु विश्वतो वृद्धायुमनु वृद्धयो जुष्टा भवन्तु जुष्टय
इन्द्रस्य सूरसीन्द्रस्य ध्रुवमस्यैन्द्रमसीन्द्राय त्वा ॥ 2

(द्वेष - इमा - अष्टादश च) (A1)

TS 1.3.2.1

रक्षोहणो वलगहनो वैष्णवान् खनामीदमहं तं ऽवलगमुद्वपामि
यं नः समानो यमसमानो निचखानेदमेनमधरं करोमि यो नः
समानो योऽसमानोऽरातीयति गायत्रेण छन्दसाऽवबाढो वलगः
किमत्र भद्रं तन्नौ सह विराडसि सपत्नहा सम्राडसि भ्रातृव्यहा
स्वराडस्यभिमातिहा विश्वाराडसि विश्वासां नाष्ट्राणां हन्ता - [] 3

TS 1.3.2.2

रक्षोहणो वलगहनः प्रोक्षामि वैष्णवान् रक्षोहणो वलगहनोऽव
नयामि

वैष्ण॒वान् यवों॑ऽसि य॒वया॒स्मद्द्वेषों॑ य॒वयारा॑ती रक्षो॒हणों॑
वल॒ग॒हनो॑ऽवं स्तृणामि वैष्ण॒वान् रक्षो॒हणों॑ वल॒ग॒हनो॑ऽभि जु॒होमि
वैष्ण॒वान् रक्षो॒हणों॑
वल॒ग॒हना॒वुपं॑ दधामि वैष्ण॒वी रक्षो॒हणों॑ वल॒ग॒हनौ॑ पर्यू॒हामि॑ वैष्ण॒वी

रक्षो॒हणों॑ वल॒ग॒हनौ॑ परि॑ स्तृणामि वैष्ण॒वी रक्षो॒हणों॑ वल॒ग॒हनौ॑
वैष्ण॒वी बृ॒हन्न॑सि बृ॒हद्वा॑वा बृ॒हती॑मिन्द्रा॒य () वाचं॑ ऽवद ॥ 4
(ह॒न्ते-न्द्रा॒य द्वे च॑) (A2)

TS 1.3.3.1

वि॒भूर॑सि प्र॒वाह॑णो॒ वह्नि॑रसि हव्य॒वाह॑नः श्वा॒त्रो॑ऽसि प्रच॑ेतास्तुथो॑ऽसि
वि॒श्ववे॑दा उ॒शिग॑सि क॒विर॒ङ्घ्रा॑रिरसि बंभा॑रिरव॒स्युर॑सि
दु॒वंस्वा॒ज्छु॒न्ध्यूर॑सि मा॒र्जा॒लीयः॑ सं॒राड॑सि कृ॒शानुः॑ परि॒षद्यो॑ऽसि
प॒वंमा॑नः प्र॒तक्का॑ऽसि नभ॑स्वा॒नसं॑मृ॒ष्टो॑ऽसि हव्य॒सूदं॑ ऋ॒तधा॑माऽसि
सु॒वंज्यो॑ति॒ ब्रह्म॑ज्योतिरसि सु॒वर्द्धा॑माऽजो॑ऽस्येक॑पा॒दहि॑रसि
बु॒द्धि॒यो

रौ॒द्रेणा॑नी॒केन॑ () पा॒हि मा॑ऽग्ने पिपृ॒हि मा॒ मा मां॑ हि॒ःसीः॑ ॥ 5
(अ॒नीके॑ना॒ष्टौ च॑) (A3)

TS 1.3.4.1

त्व॒ः सो॑म तनू॒कृद्भ्यो॑ द्वेषो॑भ्योऽन्य॒कृते॑भ्य उ॒रु य॒न्ता॑ऽसि वरू॒थु॒ः
स्वाहा॑ जुषा॒णो अ॒प्तुरा॑ज्यस्य वेतु॒ स्वाहा॑ऽयन्नो॑ अ॒ग्निर्व॑रि॒वः
कृ॒णोत्व॑यं मृ॒धः पुर॑ ए॒तु प्र॑भि॒न्दन् ।

अ॒यः शत्रूँ॑ञ्जयतु जर्.हृ॑षाणोऽ यं ँवाजं॑ जयतु वाजं॑सातौ ॥

उ॒रु वि॑ष्णो॒ वि क्र॑मस्वो॒रु क्षया॑य नः कृ॒धि ॥

घृ॒तं घृ॑तयोने पिब॒ प्रप्रं॑ यु॒ज्ञप॑तिं ति॒र ॥

सोमो॑ जिगाति गातु॒वि - [] 6

TS 1.3.4.2

द्वे॒वाना॑मेति निष्कृ॒तमृ॑तस्य॒ योनि॑मा॒सद॒मदि॑त्याः॒ सदो॑ऽस्यदि॑त्याः॒
सद॒

आ सी॑द्विष वो॑ देव सवितुः सोम॒स्तः र॑क्षद्ध्वं मा वो॑ दभ दे॒तत्त्वः॑
सोम॑ दे॒वो दे॒वानु॑पांगा इ॒दम॒हं म॑नुष्यो॑ मनुष्या॑न्त् सह प्र॒जया॑ सह
रा॒यस्पोषे॑ण॒ नमो॑ दे॒वेभ्यः॑ स्व॒धा पि॒तृभ्य॑ इ॒दम॒हं निर्व॑रुणस्य॒ पाशा॑त्
सुव॑र॒भि- [] 7

TS 1.3.4.3

वि ख्ये॑षं ँवै॒श्वान॑रं ज्योति॒रग्रे॑ व्रतपते त्वं ँव्र॑तानाँ ँव्र॑तप॑तिरसि॒या
मम॑ त॒नूस्त्वय्य॑भू॒दियः॑ सा मयि॒ या तव॑ त॒नू र्मय्य॑भू॒देषा॑ सा
त्वयि॑यथायु॒थं नौ॑ व्रतपते व्र॒तिनो॑ व्र॒तानि॑ ॥ 8

(गा॒तुवि॒दु-भ्ये-क॑त्रिः॒शच्च) (A4)

TS 1.3.5.1

अत्य॑न्या॒नगां॑ ना॒न्यानु॑पां गा॒म॒र्वाक्त्वा॑ परै॒रवि॑दं पु॒रोऽव॑रै॒स्तं त्वां॑ जुषे
वैष्ण॑वं दे॒वय॑ज्यायै॑ दे॒वस्त्वां॑ सवि॒ता म॑द्द्वांऽन॒क्त्वोष॑धे॒ त्राय॑स्वै॒नु ७
स्वधि॑न्ते मे॒नः हि॑सी दि॒वम॑ग्रे॒ण मा॑ ले॒खीर॑न्त॒रिक्षं॑ म॒द्ध्यै॑नु मा

हिंसीः पृथिव्या सं भव वनस्पते शतवल्.शो वि रोह
सहस्रवल्.शा वि वयः रुहेम यं () त्वा ऽय ७ स्वधित्तिस्तेतिजानः
प्रणिनायं महते सौभंगायाच्छिन्नो रायः सुवीरः ॥ 9
(यं-दशं च) (A5)

TS 1.3.6.1

पृथिव्यै त्वान्तरिक्षाय त्वा दिवे त्वा शुन्धतां ऽलोकः पितृषदंनो
यवोऽसि यवयास्मद्द्वेषो यवयारांतीः पितृणां सदंनमसि
स्वावेशोऽस्यग्रेगा नैतृणां ऽवनस्पतिरधि त्वा स्थास्यति तस्य
वित्ताद्देवस्त्वां सविता मद्ध्वाऽनक्तु सुपिप्पलाभ्यस्त्वौषधीभ्य
उद्विव ७ स्तभानाऽन्तरिक्षं पूण पृथिवीमुपरेण दृह ते ते
धामान्युश्मसि - [] 10

TS 1.3.6.2

गमद्ध्ये गावो यत्र भूरिशृङ्गा अयासः ॥
अत्राह तदुरुगायस्य विष्णोः परमं पदमव भाति भूरेः ॥
विष्णोः कर्माणि पश्यत यतो व्रतानि पस्पशे ॥
इन्द्रस्य युज्यः सखा ॥
तद्-विष्णोः परमं पदः सदा पश्यन्ति सूरयः ।
द्विवीव चक्षुरातंतं ॥
ब्रह्मवनिं त्वा क्षत्रवनिं सुप्रजावनिं रायस्पोषवनिं पर्यूहामि
ब्रह्म दृह क्षत्रं दृह प्रजां दृह रायस्पोषं () दृह परिवीरंसि

परिं त्वा॒ दैवी॒र्विशोँ॑ व्ययन्तां॒ परी॒मꣳ रा॒यस्पोषो॑ यजमानं मनुष्या
अन्तरि॑क्षस्य त्वा॒ साना॒ववं॑ गूहामि ॥ 11

(उ॒श्मसी॒-पोष॒मे-का॒त्र विꣳश॒तिश्च॑) (A6)

TS 1.3.7.1

इ॒षे त्वो॑प॒वीर॒स्युपो॑ देवान् दैवी॒र्विशः॑ प्रा॒गुर्व॒ह्नीरु॒शिजो॑ बृह॑स्पते
धा॒रया॒ वसू॑नि ह॒व्या ते॑ स्वदन्तां॒ देवं त्वष्ट॑र्वसुं रण्व॒ रेव॑ती॒ रम॑द्ध्व-
म॒ग्रे र्ज॒नित्र॑मसि॒ वृष॑णौ स्थ उ॒र्वश्य॑स्या॒युरं॑सि पु॒रुरवा॑ घृ॒तेना॒क्ते
वृष॑णं दधाथां गाय॒त्रं छ॒न्दोऽनु॑ प्र जा॒यस्व॒ त्रैष्टु॑भं जा॒गंतं॑ छ॒न्दोऽनु॑
प्र जा॒यस्व॒ भव॑तं- [] 12

TS 1.3.7.2

नः॒ सम॑नसौ॒ समो॑कसावरेपसौ॑ ।

मा य॒ज्ञꣳ हिंꣳसिष्टुं॑ मा य॒ज्ञप॑तिं जा॒तवे॑दसौ शि॒वौ भ॑वतमु॒द्य नः॑ ॥

अ॒ग्नाव॒ग्निश्च॑रति॒ प्रवि॑ष्ट ऋ॒षीणां॑ पु॒त्रो अ॑धिरा॒ज ए॒षः ।

स्वा॒हाकृ॑त्य॒ ब्रह्म॑णा ते जुहोमि॒ मा दे॒वानां॑ मिथु॒या क॑र्भा॒ग्धेयं॑ ॥ 13

(भ॒वत॑-मेक॑त्रिꣳश॒च्च) (A7)

TS 1.3.8.1

आ द॑द ऋ॒तस्य॑ त्वा दे॒वह॑विः पा॒शेनाऽऽर॑भे ध॒र्षा
मा॒नु॒षान॒द्ध्यस्त्वौष॑धीभ्यः प्रोक्षा॑म्य॒पां पे॒रुरं॑सि स्वा॒त्तं चि॒त् सद॑ैवꣳ
ह॒व्यमा॑पो दे॒वीः स्वद॑तै॒नꣳ सं ते॑ प्रा॒णो वा॒युना॑ गच्छताꣳ सं
ꣳय॒जत्रै॑र॒ङ्गा॒नि सं ꣳय॒ज्ञप॑तिरा॒शिषा॑ घृ॒तेना॒क्तौ प॒शुं त्रा॑येथाꣳ
रेव॑तीर्य॒ज्ञप॑तिं प्रि॒य॒धाऽऽ* वि॑श॒तोरो॑ अन्तरि॑क्ष स॒जूर्दे॒वेन॑ - [] 14

TS 1.3.8.2

वातेनास्य हविषस्मनां यजु समस्य तनुवां भव वरुषीयो
वरुषीयसि युज्ञे युज्ञपतिं धाः पृथिव्याः संपृचः पाहि नमस्त
आतानाऽनुर्वा प्रेहि घृतस्य कुल्यामनु सह प्रजया सह
रायस्पोषेणाऽऽपो देवीः शुद्धायुवः
शुद्धा यूयं देवाः ऊढवः शुद्धा वयं परिविष्टाः परिवेष्टारो वो
भूयास्म ॥ 15

(देवन-चतुश्चत्वारिंशच्च) (A8)

TS 1.3.9.1

वाक्तु आ प्यायतां प्राणस्तु आ प्यायतां चक्षुस्तु आ प्यायतां श्रोत्रं
तु आ प्यायतां ज्याते प्राणाञ्छुग्जगाम या चक्षुर्या श्रोत्रं ज्याते क्रूरं
ज्यदास्थितं तत्तु आ प्यायतां तत्तु एतेन शुन्धतां नाभिस्तु आ
प्यायतां पायुस्तु आ प्यायतां शुद्धाश्चरित्राः शमद्भ्यः - [] 16

TS 1.3.9.2

शमोषधीभ्यः शं पृथिव्यै शमहोभ्या-मोषधे त्रायस्वैनं स्वधिते
मैनं हिंसी रक्षसां भागोऽसीदमहं रक्षोऽधमं तमो नयामि
योऽस्मान् द्वेष्टि यं च वयं द्विष्म इदमेनमधमं तमो नयामीषे त्वां
घृतेन द्यावापृथिवी प्रोण्वथा-मच्छिन्नो रायः सुवीरं
उर्वन्तरिक्षमन्विहि

वायो वीहिं () स्तोकानां स्वाहोर्ध्वनभसं मारुतं गच्छतं ॥ 17

(अद्ध्यो-वीहि-पञ्च च) (A9)

TS 1.3.10.1

सं ते मनसा मनः सं प्राणेन प्राणो जुष्टं देवेभ्यो हव्यं
घृतवथ् स्वाहैन्द्रः प्राणो अङ्गेऽङ्गे नि देद्ध्यदैन्द्रो ऽपानो अङ्गेऽङ्गे
वि बोभुवद्देवं त्वष्टृभूरिं ते सःसमेतु विषुरूपा यथ् सलक्ष्माणो
भवन्त देवत्रा यन्तमवसे सखायोऽनु त्वा माता पितरो मदन्तु
श्रीरस्यग्निस्त्वां श्रीणात्वापः समरिणन् वातस्य - [] 18

TS 1.3.10.2

त्वा ध्रज्यै पूष्णो र७ह्या अपामोषधीनाः रोहिष्यै घृतं घृतपावानः
पिबतु वसां वसापावानः पिबताऽन्तरिक्षस्य हविरसि स्वाहा
त्वाऽन्तरिक्षाय दिशः प्रदिश आदिशो विदिश उद्दिशः स्वाहा
दिग्भ्यो

नमो दिग्भ्यः ॥ 19

(वातस्या-ष्टाविंशतिश्च) (A10)

TS 1.3.11.1

समुद्रं गच्छ स्वाहाऽन्तरिक्षं गच्छ स्वाहा देवः संवितारं गच्छ
स्वाहा ऽहोरात्रे गच्छ स्वाहा मित्रावरुणौ गच्छ स्वाहा सोमं गच्छ
स्वाहा
यज्ञं गच्छ स्वाहा छन्दांसि गच्छ स्वाहा द्यावापृथिवी गच्छ स्वाहा
नभो दिव्यं गच्छ स्वाहाऽग्निं वैश्वानरं गच्छ स्वाहा

ऽद्ध्यस्त्वौषधीभ्यो मनो मे हार्दिं यच्छ तनूं त्वचं पुत्रं नप्तारमशीयु
शुगंसि () तमभि शोच योऽस्मान् द्वेष्टि यं च वयं द्विष्मो धाम्नो
धाम्नो राजन्नितो वरुण नो मुञ्च यदापो अघ्निया वरुणेति शपांमहे
ततो वरुण नो मुञ्च ॥ 20

(असि-षड्विंशतिश्च)(A11)

TS 1.3.12.1

हविष्मंतीरिमा आपो हविष्मान् देवो अर्ध्वरो हविष्माः आ
विवासति हविष्माः अस्तु सूर्यः ॥

अग्नेर्वो ऽपन्नगृहस्य सदसि सादयामि सुम्राय सुमिनीः सुमे मा
धत्तेन्द्राग्नियो भार्गुधेयीः स्थ मित्रावरुणयो भार्गुधेयीः स्थ विश्वेषां
देवानां भार्गुधेयीः स्थ यज्ञे जागृत ॥ 21

(हविष्मंती-श्चतुस्त्रिंशत्) (A12)

TS 1.3.13.1

हृदे त्वा मनसे त्वा दिवे त्वा सूर्याय त्वोर्ध्वमिममर्ध्वरं कृधि दिवि
देवेषु होत्रां यच्छ सोमं राजन्नेह्यवं रोह मा भर्मा सं विक्था मा त्वा
हिंसिषं प्रजास्त्वमुपावरोह प्रजास्त्वामुपावरोहन्तु शृणोत्वग्निः
समिधा हवं मे शृण्वन्त्वापो धिषणांश्च देवीः ॥

शृणोतं ग्रावाणो विदुषो नु - [] 22

TS 1.3.13.2

यज्ञं शृणोतुं देवः संविता हवं मे ।

देवीरापो अपां नपाद्य ऊर्मिर्हविष्य इन्द्रियावांन्-मदिन्तंमस्तं

दे॒वेभ्यो॑ दे॒व॒त्रा ध॑त्त शु॒क्रः शु॑क्र॒पेभ्यो॑ ये॒षां भा॒गः स्थ॑ स्वाहा
का॒र्षि॒र॒स्यपा॑ऽपां मृ॒द्धः सं॑मु॒द्रस्य॑ वोऽक्षि॑त्या उ॒न्नये ॥
यम॑ग्रे पृ॒थ्सु म॒र्त्यमा॑वो वा॒जेषु॑ यं जु॒नाः ।
स यन्ता॑ श॒श्व॑ती॒रिषः॑ ॥ 23 (नु - स॒प्तच॑त्वारिः॒शच्च) (A13)

TS 1.3.14.1

त्वम॑ग्रे रु॒द्रो असु॑रो म॒हो दि॒वस्त्वः॑ श॒द्धो मा॑रु॒तं पृ॒क्ष ई॒शिषे ।
त्वं वा॒तैर॑रु॒णैर्या॑सि शं॒ग्यस्त्वं पू॒षा वि॑ध॒तः पा॑सि॒ नु॒त्मना॑ ॥
आ वो॒ राजा॑नम॒द्ध्व॒रस्य॑ रु॒द्रः हो॑ता॒रः स॒त्यय॑ज॒ः रोद॑स्योः ।
अ॒ग्निं पु॒रा त॑नयि॒त्नो र॒चित्ता॒-द्वि॒र॒ण्यरू॑पम॒व॑से कृ॒णु॑द्ध्वं ॥
अ॒ग्निर्हो॑ता॒ नि ष॑सादा॒ यजी॑यानुप॒स्थे मा॑तुः सु॒रभा॑वुं लो॒के ।
युवा॑ क॒विः पुं॑रु॒निष्ठ - [] 24

TS 1.3.14.2

ऋ॒तावा॑ ध॒र्ता कृ॑ष्टी॒नामु॑त म॒द्भ्यं इ॒द्धः ॥
सा॒द्ध्वीम॑क दे॒ववी॑तिं नो अ॒द्य य॒ज्ञस्य॑ जि॒ह्वा॒म॒वि॒दाम् गु॒ह्या ।
स आ॒युरा॑ ऽगा॒त्सुर॑भि॒र्वसा॑नो भ॒द्राम॑क दे॒वहू॑तिं नो अ॒द्य ॥
अ॒क्र॑न्दद॒ग्निः स्त॒नय॑न्नि॒व द्यौः क्षा॒मा रे॑रि॒हद्वी॑रु॒धः स॒म॒ञ्ज॒त् ।
स॒द्यो ज॑ज्ञा॒नो वि॑ हीमि॒द्धो अ॒ख्य॒दा रोद॑सी भा॒नुना॑ भा॒त्यन्तः॑ ॥
त्वे व॑सू॒नि पु॒र्वणी॑क - [] 25

TS 1.3.14.3

होतर्दोषा वस्तोरेरिरे यज्ञियांसः ।

क्षामेव विश्वा भुवनानि यस्मिन्सः सौभंगानि दधिरे पावके ॥

तुभ्यं ता अङ्गिरस्तम् विश्वाः सुक्षितयः पृथक् । अग्ने कामाय येमिरे

॥ अश्याम् तं काममग्ने तवो त्यश्यामं रयिः रयिवः सुवीरं ।

अश्याम् वाजमभि वाजयन्तो ऽश्यामं द्युम्नमजराजरं ते ॥

श्रेष्ठं यविष्ठ भारताग्रं द्युमन्तमा भर । 26

TS 1.3.14.4

वसो पुरुस्पृहः रयिं ॥

स श्वितानस्तन्यतू रोचनस्था अजरेभिर् नानन्दद्विर्यविष्ठः ।

यः पावकः पुरुतमः पुरूणि पृथून्यग्निरनुयाति भवन्तं ॥

आयुष्टे विश्वतो दधद्वयमग्नि वरेण्यः ।

पुनस्ते प्राण आऽयन्ति परा यक्ष्मः सुवामि ते ॥

आयुर्दा अग्ने हविषो जुषाणो घृतप्रतीको घृतयोनिरेधि ॥

घृतं पीत्वा मधु चारु गव्यं पितेवं पुत्रमभि - [] 27

TS 1.3.14.5

रक्षतादिमं ।

तस्मै ते प्रतिहर्यति जातवेदो विचर्षणे । अग्ने जनामि सुष्टुतिं ॥

दिवस्परि प्रथमं जज्ञे अग्निरस्मद् द्वितीयं परि जातवेदाः ।

तृतीयमप्सु नृमणा अजंस्रमिन्धान एनं जरते स्वाधीः ॥
शुचिः पावक वन्द्योऽग्रे बृहद्वि रोचसे । त्वं घृतेभिराहुतः ॥
दृशानो रुक्म उर्व्या व्यद्यौद्-दुर्मर्षमायुः श्रिये रुचानः ॥
अग्निरमृतो अभवद्वयोभि - [] 28

TS 1.3.14.6

यदेनं द्यौरजनयत्सुरेताः ॥
आ यदिषे नृपतिं तेज आनदृच्छुचि रेतो निषिक्तं द्यौरभीकै ।
अग्निः शर्द्धमनवद्यं ऽयुवान् ७ स्वाधियं जनयत्सूदयच्च ॥
स तेजीयसा मनसा त्वोतं उत शिक्ष स्वपत्यस्य शिक्षोः ।
अग्रे रायो नृतमस्य प्रभूतौ भूयामं ते सुष्टुतयश्च वस्वः ॥
अग्रे सहन्तमा भर द्युमस्य प्रासहां रयिं ॥ विश्वा य - [] 29

TS 1.3.14.7

श्वर्षणीरभ्यासा वाजेषु सासहत् ॥
तमग्रे पृतनासहं रयिं सहस्व आ भर ।
त्वं हि सत्यो अद्भुतो दाता वाजस्य गोमंतः ॥
उक्षान्नाय वशान्नाय सोमपृष्ठाय वेधसे ।
स्तोमैर्विधेमाऽग्रये ॥ वद्मा हि सूनो अस्यद्मसद्मा चक्रे अग्नि
र्जनुषा ऽज्माऽन्नं । स त्वं न ऊर्जसन् ऊर्जं धा राजेव जेरवृके
क्षेष्णन्तः ॥
अग्न आयूंषि - [] 30

TS 1.3.14.8

पवस॒ आ सु॒वोर्ज॒मिषं॑ च नः । आ॒रे बा॑धस्व दु॒च्छुनां॑ ॥
अ॒ग्ने पव॑स्व स्व॒पां अ॒स्मे वर्चः॑ सु॒वीर्यं॑ । दध॒त्पोषं॑ रु॒यिं म॒यि ॥
अ॒ग्ने पाव॑क रो॒चिषां॑ म॒न्द्रयां॑ दे॒व जि॒ह्वायां॑ । आ दे॒वान् व॑क्षि यक्षि च
॥

स नः॑ पाव॒क दी॒दिवोऽ॒ग्ने दे॒वाः इ॒हा व॑ह । उ॒पं य॒ज्ञं ह॒विश्च॑ नः ॥
अ॒ग्निः शु॒चिं व्र॑ततमः शु॒चि वि॒प्रः शु॒चिः () क॒विः ।
शु॒चीं रो॑चत॒ आहु॑तः ॥ उ॒द॒ग्ने शु॒चं य॒स्तव॑ शु॒क्रा भ्रा॑जन्त ईरते ।
तव॒ ज्योतीं॑ ऽर्चयः ॥ 31

(पुरु॒निष्ठः - पु॒र्वणी॑क - भ॒रा - ऽभि - वयो॑भि - र्य -
आयुं॑षि - वि॒प्रः शु॒चि -श्चतु॑र्दश च) (A14)

Prasna Korvai with starting Padams of 1 to 14

Anuvaakams :-

(दे॒वस्य॑-र॒क्षो॒ह॒णो - वि॒भू-स्त्व॑ सो॒मा- ऽत्य॑न्या॒नगां॑ - पृ॒थि॒व्या -
इ॒षे त्वा - ऽऽद॑दे॒ वाक्त्-संते॑- स॒मु॒द्रं- ह॒विष्म॑न्ती- हृ॒दे-
त्वम॑ग्ने॒रु॒द्र-श्चतु॑र्दश ।)

Korvai with starting Padams of 1, 11, 21 Series of
Panchaatis :-

(दे॒वस्य॑-गु॒म॒ध्ये-ह॒विष्म॑न्तीः-पवस॒-एक॑त्रिंशत् ।)

First and Last Padam of Third Prasnam:-

(देवस्या-ऽर्चयः।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे
तृतीयः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.3 प्रथमकाण्डेचतुर्थः प्रश्नः सुत्यादिने कर्तव्या ग्रहाः

TS 1.4.1.1

आ दंद्रे ग्रावाँस्यद्ध्वरकृद् देवेभ्यो-गंभीरमिम-मद्ध्वरं
कृद्ध्युत्तमेनं पविनेन्द्राय सोमं सुषुतं मधुमन्तं पयस्वन्तं
वृष्टिवनिमिन्द्राय त्वा वृत्रघ्न इन्द्राय त्वा वृत्रतुर इन्द्राय
त्वाऽभिमातिघ्न इन्द्राय त्वाऽऽदित्यवंत इन्द्राय त्वा विश्वदैव्यावते
श्वात्राः स्थं वृत्रतुरो राधोगूर्ता अमृतस्य पत्नीस्ता देवीर्देवत्रेमं अयज्ञं
धत्तोपंहताः सोमस्य पिबतो पंहतो युष्माकं - [] 1

TS 1.4.1.2

सोमः पिबतु यत्ते सोम दिवि ज्योतिर्यत् पृथिव्यां अयदुरावन्तरिक्षे
तेनास्मै यजमानायोरु राया कृद्ध्यधिं दात्रे वोचो धिषणो वीडू सती
वीडयेथा - मूर्जं दधाथामूर्जं मे धत्तं मा वां हिंसिषं मा मां

हि॒ःसिष्टुं प्रा॒गपा॒गुदं॑ग॒धरा॒क्तास्त्वा॒ दि॒श आ धा॑व॒न्त्वंब॒ नि ष्व॑र ।
यत्ते॑ () सो॒मादा॑भ्यं॒ नाम॒ जागृ॑वि॒ तस्मै॑ ते सोम॒ सोमा॑य॒ स्वाहा॑ ॥ 2
(युष्माकं॑ - स्वर॒ यत्ते॑ - नव॑ च) (A1)

TS 1.4.2.1

वा॒चस्प॑तये॒ पव॑स्व वा॒जिन् वृ॒षा वृ॒ष्णो अ॒ःशु॒भ्यां ग॒भंस्ति॑पूतो
दे॒वो दे॒वानां॑ पु॒वित्रं॑मसि॒ येषां॑ भा॒गोऽसि॒ तेभ्य॑स्त्वा॒ स्वांकृ॑तोऽसि॒
मधु॑मतीर्न् इषं॑स्कृ॒धि वि॒श्वेभ्य॑स्त्वेन्द्रि॒येभ्यो॑ दि॒व्येभ्यः॑ पा॒र्थिवे॑भ्यो
मन॑स्त्वा ऽष्टू॒र्वन्तरि॑क्ष - मन्वि॑हि स्वाहा॑ त्वा सु॒भ॒वः सू॒र्याय॑
दे॒वेभ्य॑स्त्वा मरी॒चिपे॑भ्य॒ एष॑ ते॒ योनिः॑ प्रा॒णाय॑ त्वा ॥ 3
(वा॒चः - स॒प्तच॑त्वारि॒ःशत्) (A2)

TS 1.4.3.1

उ॒प॒या॒मगृ॑हीतो ऽस्य॒न्तर्य॑च्छ म॒घवन् पा॒हि सोम॑मुरु॒ष्य रा॒यः
समि॑षो
यज॑स्वाऽन्तस्ते॑ द॒धामि॒ द्यावा॑पृथि॒वी अ॒न्तरु॑र्वन्तरि॑क्षः स॒जोषां॑
दे॒वैरव॑रैः परै॑श्चाऽन्त॒र्यामे॑ म॒घवन् मा॑दयस्व॒ स्वांकृ॑तोऽसि॒ मधु॑मतीर्न्
इषं॑स्कृ॒धि वि॒श्वेभ्य॑स्त्वेन्द्रि॒येभ्यो॑ दि॒व्येभ्यः॑ पा॒र्थिवे॑भ्यो मन॑स्त्वा
ऽष्टू॒र्वन्तरि॑क्षमन्वि॑हि स्वाहा॑ त्वा सु॒भ॒वः सू॒र्याय॑ दे॒वेभ्य॑ ()
स्त्वा मरी॒चिपे॑भ्य॒ एष॑ ते॒ योनि॑रपा॒नाय॑ त्वा ॥ 4
(दे॒वेभ्यः॑ - स॒प्त च॑) (A3)

TS 1.4.4.1

आ वा॑यो भूष शुचिपा॒ उप॑ नः स॒हस्रं॑ ते नि॒युतो॑ विश्ववार ।

उपो॑ ते अ॒न्धो॒ म॒द्य॑म॒यामि॒ यस्य॑ दे॒व दधि॑षे पू॒र्वपे॑यं ॥

उ॒प॒या॒म॒गृ॑हीतोऽसि वा॒यवे॒ त्वेन्द्र॑वायू इ॒मे सु॑ताः ।

उप॒ प्रयो॑भिरा ग॑तुमिन्द्र॑वो वामु॑शन्ति हि ॥

उ॒प॒या॒म॒गृ॑हीतो-ऽसीन्द्र॑वा॒युभ्यां॑ त्वैष ते योनिः॑ स॒जोषा॑भ्यां त्वा ॥ 5

(आ वा॑यो - त्रिच॑त्वारि॒ंशत्) (A4)

TS 1.4.5.1

अ॒यं ऽवा॑ मि॒त्रावरु॑णा सु॒तः सोमं॑ ऋ॒तावृ॑धा । ममे॒द्रिह॑ श्रु॒तं ह॑वँ ।

उ॒प॒या॒म॒गृ॑हीतो-ऽसि मि॒त्रावरु॑णाभ्यां त्वैष ते योनि॑र्

ऋ॒तायु॑भ्यां त्वा ॥ 6

(अ॒यं ऽवा॑ - ऽवि॑ंश॒तिः) (A5)

TS 1.4.6.1

या वा॑ क॒शा म॑धु॒म॒त्यश्वि॑ना स॒नृता॑वती । तया॑ यु॒ज्ञं मि॑मिक्षतं ।

उ॒प॒या॒म॒गृ॑हीतो-ऽस्य॒श्विभ्यां॑ त्वैष ते योनि॑र्मा॒द्द्वी॑भ्यां त्वा ॥ 7

(या वा॑ - म॒ष्टाद॑श) (A6)

TS 1.4.7.1

प्रा॒त॒र्यु॒जौ वि॑ मु॒च्येथा॒-मश्वि॑ना॒वेह॑ ग॒च्छतं॑ । अ॒स्य सोम॑स्य पी॒तये॑ ॥

उ॒प॒या॒म॒गृ॑हीतो-ऽस्य॒श्विभ्यां॑ त्वैष ते योनि॑र्श्वि॒भ्यां त्वा ॥ 8

(प्रा॒त॒र्यु॒जावे॑ - का॒न्न वि॑ंश॒तिः) (A7)

TS 1.4.8.1

अ॒यं ऽवे॒नश्चो॑द॒यत् पृ॑श्नि॒ग॒र्भा ज्योति॑र्जरायू रज॑सो वि॒माने॑ ।

इममपा॑ सं॒ग॒मे सूर्य॑स्य॒ शिशुं॑ न वि॒प्रां म॒तिभीं॑ रिहन्ति ॥
उ॒प॒या॒म॒गृ॒हीतो॑-ऽसि॒ शण्डा॑य त्वैष ते योनिर्वी॒रतां॑ पाहि ॥ 9
(अ॒यं ऽवे॒नः - पञ्च॑विं॒शतिः) (A8)

TS 1.4.9.1

तं प्र॒त्नथां॑ पू॒र्वथां॑ वि॒श्वथे॒मथां॑ ज्येष्ठ॒तांतिं॑ बर्हि॒षदं॑ सुव॒र्विदं॑
प्र॒तीची॒नं ऽवृ॒जनं॑ दोह॒से गि॒राऽऽशुं॑ जय॒न्त॒मनु॑ यासु व॒र्द्ध॒से ।
उ॒प॒या॒म॒गृ॒हीतो॑-ऽसि॒ मर्का॑य त्वैष ते योनिः प्र॒जाः पा॑हि ॥ 10
(तं प्र॒त्नथा॑ - षट्तिं॒शतिः) (A9)

TS 1.4.10.1

ये दे॒वा दि॒व्येका॑दश॒ स्थ पृ॑थि॒व्या-म॒द्ध्येका॑दश॒ स्थाऽप्सु॑षदो
महि॒नैका॑दश॒ स्थ ते दे॒वा य॒ज्ञमि॑मं जु॒षध्व॑-मु॒प॒या॒म॒गृ॒हीतो॑-
ऽस्या॒ग्रय॑णो॒ऽसि॒ स्वा॑ग्रय॒णो जि॒न्वं य॒ज्ञं जि॒न्वं य॒ज्ञप॑न्ति॒म॒भि स॑र्व॒ना
पाहि॒ विष्णु॑स्त्वां पा॒तु वि॒शं त्वं पा॑हीन्द्रि॒येणै॑ष ते योनि॒
वि॒श्वेभ्य॑स्त्वा दे॒वेभ्यः॑ ॥ 11
(ये दे॒वा - स्त्रि॑च॒त्वारि॑ंशत्) (A10)

TS 1.4.11.1

त्रिंशत्त्रयंश्च ग॒णिनो॑ रु॒जन्तो॒ दिवं॑ रु॒द्राः पृ॑थि॒वीं च॑ सचन्ते ।
एका॒द॒शासो॑ अप्सुषदः॑ सु॒तः सोमं॑ जुषन्ता॒ः स॒र्वनाय॑ विश्वे ॥

उ॒प॒या॒म॒गृ॒हीतो॒-ऽस्या॒ग्र॒यो॒णो॑ऽसि॒ स्वा॑ग्र॒यो॒णो॒ जिन्वं॑ य॒ज्ञं जिन्वं॑
य॒ज्ञप॑तिम॒भि स॒र्वना॑ पाहि॒ विष्णु॑स्त्वां पा॒तु वि॒शं त्वं पा॑हीन्द्रि॒येणै॒ष
ते योनि॑र्वि॒श्वेभ्य॑स्त्वा दे॒वेभ्यः॑ ॥ 12

(त्रिंशत्त्रयो - द्विचत्वारिंशत्) (A11)

TS 1.4.12.1

उ॒प॒या॒म॒गृ॒हीतो॒-ऽसी॒न्द्राय॑ त्वा बृ॒हद्व॑ते वयं॒स्वत॑ उक्था॒युवे॑ यत्तं
इन्द्र॑ बृ॒हद्व॑य॒स्तस्मै॑ त्वा॒ विष्ण॑वे त्वै॒ष ते योनि॑रिन्द्राय
त्वोक्था॒युवे॑ ॥ 13 (उ॒प॒या॒म॒गृ॒हीतो॒-ऽसी॒न्द्राय॑ - द्वाविंशतिः) (A12)

TS 1.4.13.1

मूर्ध्ना॑नं दि॒वो अ॑र॒तिं पृ॑थि॒व्या वै॑श्वान॒रमृ॑ताय॑ जा॒तम॒ग्निं ।
क॒विः स॒म्राज॑-म॒तिंथिं॑ जना॑नामा॒सन्ना॑ पात्रं॑ जनयन्त दे॒वाः ॥
उ॒प॒या॒म॒गृ॒हीतो॒-ऽस्य॒ग्रये॑ त्वा वै॒श्वान॒राय॑ ध्रु॒वो॑ऽसि ध्रु॒वक्षि॑ति
ध्रु॒वाणां॑ ध्रु॒वत॑मो॒ऽच्यु॑ताना-म॒च्युत॑क्षि॒त्तम॑ ए॒ष ते योनि॑र॒ग्रये॑ त्वा
वै॒श्वान॒राय॑ ॥ 14 (मूर्ध्ना॑नं - पञ्चत्रिंशत्) (A13)

TS 1.4.14.1

मधुंश्च माधवश्च शुक्रश्च शुचिंश्च नभंश्च नभस्यंश्चेषश्चोर्जश्च
सहंश्च सहस्यंश्च तपंश्च तपस्यंश्चो-पयामगृहीतोऽसि
सुः सपोऽस्यः हस्पत्याय त्वा ॥ 15

(मधुंश्च - त्रिंशत्) (A14)

TS 1.4.15.1

इन्द्राग्नी आ गंतः सुतं गीर्भिर्नभो वरेण्यं । अस्य पातं धियेषिता ॥
उपयामगृहीतो - ऽसीन्द्राग्निभ्यां त्वेष ते योनिरिन्द्राग्निभ्यां त्वा ॥

16

(इन्द्राग्नी विंशतिः) (A15)

TS 1.4.16.1

ओमांसश्चर्षणीधृतो विश्वे देवास आगत ।
दाश्वांसो दाशुषः सुतं ॥
उपयामगृहीतो-ऽसि विश्वेभ्यस्त्वा देवेभ्य एष ते योनिर्विश्वेभ्यस्त्वा
देवेभ्यः ॥ 17 (ओमांसो विंशतिः) (A16)

TS 1.4.17.1

मरुत्वंन्तं ऽवृषभं ऽवावृधानमकंवारिं दिव्यं शासमिन्द्र ।
विश्वासाहमवंसे नूतनायोग्रं संहोदामिह तं हुवेम ॥

उ॒प॒या॒म॒गृ॒ही॒तो-ऽसी॒न्द्रा॒य त्वा म॒रु॒त्वंत ए॒ष ते यो॒नि॒रि॒न्द्रा॒य
त्वा म॒रु॒त्वंते ॥ 18 (म॒रु॒त्वंन्त॑ - ष॒ट्ति॑श॒तिः) (A17)

TS 1.4.18.1

इन्द्रं मरुत्व इह पाहि सोमं यथा शार्याते अपिबः सुतस्य ।
तव प्रणीती तव शूर शर्मन्ना-विवासन्ति कवयः सुयज्ञाः ॥

उ॒प॒या॒म॒गृ॒ही॒तो-ऽसी॒न्द्रा॒य त्वा म॒रु॒त्वंत ए॒ष ते यो॒नि॒रि॒न्द्रा॒य
त्वा म॒रु॒त्वंते ॥ 19 (इन्द्रै॒कान्न त्रि॑श॒त्) (A18)

TS 1.4.19.1

म॒रु॒त्वां॑ इन्द्र वृष॒भो रणा॑य पि॒बा सोम॑मनुष्व॒धं म॒दा॒य ।
आ सिञ्च॑स्व ज॒ठरे॒ म॒द॒ध्वं ऊ॒र्मिं त्व॑ राजा॑ऽसि प्र॒दिवः॑ सु॒तानां॑ ॥

उ॒प॒या॒म॒गृ॒ही॒तो-ऽसी॒न्द्रा॒य त्वा म॒रु॒त्वंत ए॒ष ते यो॒नि॒रि॒न्द्रा॒य
त्वा म॒रु॒त्वंते ॥ 20 (म॒रु॒त्वा॒नेका॒न्न त्रि॑श॒त्) (A19)

TS 1.4.20.1

म॒हा॑ इन्द्रो॒ य ओज॑सा प॒र्जन्यो॑ वृष्टि॒मा॑ इ॒व ।
स्तोमै॑र्व॒त्सस्य॑ वावृ॒धे ॥

उ॒प॒या॒म॒गृ॒ही॒तो-ऽसि म॒हेन्द्रा॑य त्वैष ते योनिं महेन्द्राय त्वा ॥ 21
(म॒हा॒नेका॒न्न - वि॑श॒तिः) (A20)

TS 1.4.21.1

म॒हा॑ इन्द्रो॒ नृ॒व॒दा च॑र्षणि॒प्रा उ॒त द्वि॒बर्हा॑ अ॒मि॒नः स॒हो॒भिः ।

अ॒स्म॒द्रि॒यंग्वावृ॑धे वी॒र्या॑यो॒रुः पृ॒थुः सु॒कृतः॑ क॒र्तृभि॑र्भूत् ॥
उ॒प॒या॒मगृ॑हीतो - ऽसि महेन्द्राय त्वैष ते योनिर्महेन्द्राय त्वा ॥ 22
(म॒हान् नृ॒वथ् - षड्विं॑शतिः) (A21)

TS 1.4.22.1

क॒दा च॒न स्त॒रीर॑सि॒ नेन्द्र॑ सश्चसि दा॒शुषे॑ ।
उ॒पो॒पे॒न्नु म॑घव॒न् भू॒य इ॒न्नु ते॒ दानं॑ दे॒वस्य॑ पृच्यते ॥
उ॒प॒या॒मगृ॑हीतोऽस्या-दि॒त्येभ्य॑स्त्वा ॥
क॒दा च॒न प्र यु॑च्छस्यु॒भे नि पा॑सि जन्म॑नी ।
तु॒रीया॑दित्य॒ सवनं॑ त इन्द्रि॒यमा त॑स्था-व॒मृतं॑ दि॒वि ॥
य॒ज्ञो दे॒वानां॑ प्रत्ये॑ति सु॒म्रमा॑दित्यासो॒ भव॑ता मृ॒डय॑न्तः ॥
आ वो॒ () ऽर्वा॑चीं सु॒म॒ति-र्व॑वृ॒त्यादुः॑ हो॒श्चि॒द्या व॑रि॒वो॒वित्तरा॑ऽसन्तः ॥
वि॒वंस्व आ॑दि॒त्यैष ते॑ सोमपी॒थस्तेन॑ म॒न्दस्व॒ तेन॑ तृ॒प्य तृ॒प्यास्मं॑
ते व॒यं त॑र्पयि॒तारो॒ या दि॒व्या वृ॑ष्टि॒स्तयां॑ त्वा श्री॒णामि॑ ॥ 23
(वः - स॒प्तविं॑शतिश्च) (A22)

TS 1.4.23.1

वा॒मम॒द्य स॑वितर्वा॒ममु॒ श्वो दि॒वेदि॑वे वा॒मम॒स्मभ्यं॑ सा॒वीः ।
वा॒मस्य॑ हि क्षय॑स्य दे॒व भू॑रै॒रया॑ धि॒या वा॑म॒भाजः॑ स्याम ॥
उ॒प॒या॒मगृ॑हीतो - ऽसि दे॒वाय॑ त्वा सवि॒त्रे ॥ 24
(वा॒मं - चतु॑र्विं॑शतिः) (A23)

TS 1.4.24.1

अद॑ब्धेभिः सवितः पा॒युभि॑ष्टुः शि॒वेभि॑र॒द्य परि॑ पाहि नो॒ गयँ॑ ।

हिरण्यजिह्वः सुविताय नव्यंसे रक्षा माकिर्नो अघशंस ईशत ॥
उपयामगृहीतोऽसि देवाय त्वा सवित्रे ॥ 25
(अदब्धेभि - स्त्रियोविंशतिः) (A24)

TS 1.4.25.1

हिरण्यपाणिमूतये सवितारमुप ह्वये । स चेत्तां देवतां पदं ॥
उपयामगृहीतोऽसि देवाय त्वा सवित्रे ॥ 26
(हिरण्यपाणिं - चतुर्दश) (A25)

TS 1.4.26.1

सुशर्माऽसि सुप्रतिष्ठानो बृहदुक्षे नम एष ते योनि
विश्वेभ्यस्त्वा देवेभ्यः ॥ 27 (सुशर्मा - द्वादश) (A26)

TS 1.4.27.1

बृहस्पति-सुतस्य त इन्दो इन्द्रियावन्तः पत्नीवन्तं ग्रहं
गृह्णाम्यग्रा(3)इ पत्नीवा(3) स्सजूर्देवेन त्वष्ट्रा सोमं पिब स्वाहा ॥ 28
(बृहस्पतिसुतस्य - पञ्चदश) (A27)

TS 1.4.28.1

हरिरसि हारियोजनो हर्योः स्थाता वज्रस्य भर्ता पृश्नेः प्रेता तस्य ते
देव सोमेष्टयं जुषः स्तुतस्तोमस्य शस्तोक्थस्य हरिवन्तं ग्रहं गृह्णामि
हरीः स्थ हर्योर्द्वाः संहसोमा इन्द्राय स्वाहा ॥ 29
(हरिरसि - षड्विंशतिः) (A28)

TS 1.4.29.1

अ॒ग्न॒ आयू॑ःषि पवस॒ आ सु॒वोर्ज॑मिषं च नः ।

आ॒रे बा॑धस्व दु॒च्छुना॑ ॥

उ॒प॒या॒म॒गृ॑हीतो-ऽस्य॒ग्रये॑ त्वा॒ तेज॑स्वत ए॒ष ते॒ योनि॑र॒ग्रये॑ त्वा॒
तेज॑स्वते ॥ 30 (अ॒ग्न॒ आयू॑ःषि - त्रयो॑विं॒शतिः) (A29)

TS 1.4.30.1

उ॒त्ति॒ष्ठ॒न्नो॒ज॑सा स॒ह पी॒त्वा शि॒प्रे अ॒वेप॑यः । सोमं॑मिन्द्र च॒मू सु॒तं ॥

उ॒प॒या॒म॒गृ॑हीतो-ऽसीन्द्रा॑य॒ त्वौज॑स्वत ए॒ष ते॒ योनि॑रिन्द्रा॑य॒
त्वौज॑स्वते ॥ 31 (उ॒त्ति॒ष्ठ॒न्नेक॑विं॒शतिः) (A30)

TS 1.4.31.1

त॒रणिं॑ वि॒श्वद॑र्शतो ज्योति॒ष्कृद॑सि सूर्य । वि॒श्वमा॑ भा॒सि रोच॑नं ॥

उ॒प॒या॒म॒गृ॑हीतो - ऽसि॒ सूर्या॑य॒ त्वा॒ भ्राज॑स्वत ए॒ष ते॒ योनिः॑ सूर्या॑य॒
त्वा॒ भ्राज॑स्वते ॥ 32 (त॒रणिं॑ - विं॒शतिः) (A31)

TS 1.4.32.1

आ प्या॑यस्व मदि॒न्तम् सोम॑ वि॒श्वाभि॑-रू॒तिभिः॑ ।

भवा॑ नः स॒प्रथ॑स्तमः ॥ 33 (आ प्या॑यस्व - नव॑) (A32)

TS 1.4.33.1

ई॒युष्टे॑ ये पूर्॒वतरा॑मप॑श्यन् व्यु॒च्छन्ती॑मु॒षसं॑ म॒र्त्यासिः॑ ।

अ॒स्माभि॑रू॒ नु प्र॑ति॒चक्ष्या॑ऽभू॒दो ते य॑न्ति॒ ये अ॑प॒रीषु॑ प॒श्यान् ॥ 34
(ई॒यु - रेक॑न्न विं॒शतिः) (A33)

TS 1.4.34.1

ज्योतिष्मतीं त्वा सादयामि ज्योतिष्कृतं त्वा सादयामि
ज्योतिर्विदं त्वा सादयामि भास्वतीं त्वा सादयामि
ज्वलन्तीं त्वा सादयामि मल्मलाभ्वन्तीं त्वा सादयामि
दीप्यमानां त्वा सादयामि रोचमानां त्वा सादयाम्यजस्रां
त्वा सादयामि बृहज्ज्योतिषं त्वा सादयामि
बोधयन्तीं त्वा सादयामि जाग्रतीं त्वा सादयामि ॥ 35
(ज्योतिष्मतीꣳ - षट्त्रिंशत्) (A34)

TS 1.4.35.1

प्रयासाय स्वाहा ऽऽयासाय स्वाहा वियासाय स्वाहा संꣳयासाय
स्वाहोꣳद्यासाय स्वाहाऽवयासाय स्वाहा शुचे स्वाहा शोकाय स्वाहा

तप्यत्वै स्वाहा तपंते स्वाहा ब्रह्महत्यायै स्वाहा सर्वस्मै स्वाहा ॥ 36
(प्रयासाय - चतुर्विंशतिः) (A35)

TS 1.4.36.1

चित्तꣳ संतानेनं भुवं ऽयक्ना रुद्रं तनिम्ना पशुपतिꣳस्थूल-
हृदयेनाग्निꣳ हृदयेन रुद्रं ऽलोहितेन शर्वं मत्तस्नाभ्यां महादेवमन्तः
पार्श्वेनौषिष्ठहनꣳ शिङ्गी-निकोश्याभ्यां ॥ 37
(चित्त - मृष्टादश) (A36)

TS 1.4.37.1

आ तिष्ठ वृत्रहन् रथं ऽयुक्ता ते ब्रह्मणा हरीं ।

अ॒र्वा॒ची॒नः॑ सु ते मनो॒ ग्रा॒वां कृ॒णोतु व॒ग्रुनां॑ ॥
उ॒प॒या॒म॒गृ॒हीतो॒ऽसीन्द्रा॑य त्वा षोड॒शिनं॑ ए॒ष ते योनि॒रिन्द्रा॑य
त्वा षोड॒शिनै॑ ॥ 38 (आ तिष्ठ - षट्विंशतिः) (A37)

TS 1.4.38.1

इन्द्र॑मिद्धरी॑ वह॒तो-ऽप्र॑तिधृष्ट-शव॒स॒मृषी॑णां च स्तुतीरुपं
य॒ज्ञं च॒ मानु॑षाणां ॥

उ॒प॒या॒म॒गृ॒हीतो॒ऽसीन्द्रा॑य त्वा षोड॒शिनं॑ ए॒ष ते योनि॒रिन्द्रा॑य
त्वा षोड॒शिनै॑ ॥ 39 (इन्द्रमित् - त्रयोविंशतिः) (A38)

TS 1.4.39.1

असा॑वि सोमं इन्द्र ते शवि॑ष्ठ धृष्ण॒वा ग॑हि ।
आ त्वां पृ॒णक्त्विन्द्रि॑यः रजः॒ सूर्यं॑ न र॒श्मिभिः॑ ॥
उ॒प॒या॒म॒गृ॒हीतो॒ऽसीन्द्रा॑य त्वा षोड॒शिनं॑ ए॒ष ते योनि॒रिन्द्रा॑य
त्वा षोड॒शिनै॑ ॥ 40 (असा॑वि - सप्तविंशतिः) (A39)

TS 1.4.40.1

सर्व॑स्य प्रति॒शीव॑री॒ भूमि॑स्त्वो॒पस्थ॒ आऽधि॑त ।
स्यो॒नाऽस्मै॑ सु॒षदां॑ भव॒ यच्छा॑ऽस्मै॒ शर्म॑ स॒प्रथाः॑ ॥
उ॒प॒या॒म॒गृ॒हीतो॒ऽसीन्द्रा॑य त्वा षोड॒शिनं॑ ए॒ष ते योनि॒रिन्द्रा॑य
त्वा षोड॒शिनै॑ ॥ 41 (सर्व॑स्य षड्विंशतिः) (A40)

TS 1.4.41.1

म॒हाः॑ इन्द्रो॒ वज्रं॑ बाहुः षोड॒शी शर्म॑ यच्छतु ।

स्व॒स्ति नो॑ म॒घवा॑ करोतु ह॒न्तुं पा॒प्मानं॑ ऽयो॑ऽस्मान् द्वेष्टि ॥

उ॒प॒या॒म॒गृ॒ही॒तो॒ऽसी॒न्द्रा॒य त्वा षोड॒शिनं॑ ए॒ष ते॒ योनि॒रिन्द्रा॑य
त्वा षोड॒शिनै॑ ॥ 42 (म॒हान् - षड्विं॑शतिः) (A41)

TS 1.4.42.1

स॒जोषा॑ इन्द्रः सग॑णो म॒रुद्भिः॑ सोमं॑ पिब वृ॒त्रह॑ञ्छूर वि॒द्वान् ।
ज॒हि शत्रूँ॑ रप॒ मृधो॑ नुद॒स्वाऽथा भ॑यं कृणुहि वि॒श्वतो॑ नः ॥
उ॒प॒या॒म॒गृ॒ही॒तो॒ऽसी॒न्द्रा॒य त्वा षोड॒शिनं॑ ए॒ष ते॒ योनि॒रिन्द्रा॑य त्वा
षोड॒शिनै॑ ॥ 43 (स॒जोषा॑ - त्रिं॑शत्) (A42)

TS 1.4.43.1

उदु॑ त्यं जा॒तवे॑दसं दे॒वं ऽव॑हन्ति के॒तवः॑ । दृ॒शे वि॒श्वाय॑ सूर्यं ॥
चि॒त्रं दे॒वाना॑-मुद॑गा॒दनी॑कं चक्षु॑ मि॒त्रस्य॑ वरु॒णस्या॑ऽग्नेः ।
आऽप्रा॑ द्यावा॑पृथि॒वी अ॒न्तरि॑क्ष॒ सूर्य॑ आ॒त्मा जग॑तस्त॒स्थुष॑श्च ॥
अ॒ग्ने नय॑ सु॒पथा॑ रा॒ये अ॒स्मान् वि॒श्वा॒नि दे॒व व॒युना॑नि वि॒द्वान् ।
यु॒यो॒द्ध्यंस्म-ज्जु॑हुरा॒ण मे॒नो भू॒यिष्ठां॑ ते॒ नम॑ उ॒क्तिं वि॒धेम ॥
दि॒वं गच्छ॑ सु॒वः प॒त रू॒पेण॑ - [] 44

TS 1.4.43.2

वो रू॒पम॒भ्यैमि॒ वय॑सा॒ वयः॑ ।

तुथो वो वि॒श्व वे॒दा वि भ॑जतु वर॒.षि॑ष्ठे अधि॒ नाके॑ ॥
 ए॒तत्ते॑ अ॒ग्ने रा॒ध ऐ॒ति सोम॑च्युतं तन्मि॒त्रस्य॑ प॒था न॑य॒र्तस्य॑ प॒था प्रे॒त
 च॒न्द्रद॑क्षिणा य॒ज्ञस्य॑ प॒था सु॑वि॒ता न॑य॒न्ती ब्रा॑ह्म॒णम॒द्य
 रा॒ध्यास॑मृषि॒मार्.षे॒यं पि॑तृमन्तं पैतृम॒त्यः सु॑धातुंदक्षिणं ॐ॒वि सु॒वः
 प॒श्य व्य॑न्तरि॒क्षं ॐ॒यत॑स्व सद॒स्यै () र॒स्मद्वा॑त्रा दे॒वत्रा॑ गच्छत
 मधु॑मतीः प्रदा॒तार॒मा वि॑श॒ताऽन॑वहायाऽस्मान् दे॒व्याने॑न प॒थेत॑
 सु॒कृता॑ ॐ॒लोके॑ सी॒दत॑ तन्नः स॒७स्कृ॑तं ॥ 45
 (रूपेण - सद॒स्यै - र॒ष्टाद॑श च) (A43)

TS 1.4.44.1

धा॒ता रा॒तिः सं॒वि॒तेदं जु॑षन्तां प्र॒जाप॑न्ति नि॒धिप॑तिर्नो अ॒ग्निः ।
 त्वष्टा॑ विष्णुः प्र॒जया॑ सः ररा॒णो य॑ज॒माना॑य द्रवि॑णं दधातु ॥
 समि॑न्द्र णो मन॑सा नेषि गोभिः सः सूरिभिर्म॒घव॑न्थ स॒७ स्व॒स्त्या ।
 सं ब्र॑ह्म॒णा दे॒व कृ॑तं ॐ॒यद॑स्ति सं दे॒वाना॑ः सु॒म॒त्या य॒ज्ञिया॑नां ॥
 सं ॐ॒वर्च॑सा प॒यसा॑ सं त॒नूभि॑ - रग॑न्महि मन॑सा सः शि॒वेन॑ ॥
 त्वष्टा॑ नो अ॒त्र वरि॑वः कृ॒णो - [] 46

TS 1.4.44.2

त्व॒नुं मा॑र्षु॒ त॒नुवो॑ यद्वि॒लिष्टं॑ ॥
 यद॒द्य त्वा॑ प्र॒यति॑ य॒ज्ञे अ॒स्मिन्न॑ग्ने हो॒ता॒र॒मवृ॑णीमही॒ह ।
 ऋ॒ध॒गया॑ऽध॒गुता॑ऽश॒मिष्ठाः॑ प्र॒जा॒नन् य॒ज्ञमु॑प॒ याहि॑ वि॒द्वान् ॥
 स्व॒गा वो॑ दे॒वाः स॒दन॑मक॒र्म य आ॑ज॒ग्म स॒वने॑दं जु॑षा॒णाः ।
 ज॒क्षि॒वाः सः प॒पि॒वाः स॑श्च वि॒श्वेऽस्मे॑ ध॒त्त व॑सवो वसू॒नि ॥

यानाऽवंह उशतो देव देवान् तान् - [] 47

TS 1.4.44.3

प्रेरयु स्वे अंग्रे सुधस्थे ।

वहमाना भरमाणा हवींषि वसुं घर्म दिवमा तिष्ठतानु ॥

यज्ञं यज्ञं गच्छ यज्ञपतिं गच्छ स्वां योनिं गच्छ स्वाहैष ते यज्ञो
यज्ञपते सहसूक्तवाकः सुवीरः स्वाहा देवां गातुविदो गातुं वित्त्वा

गातुमित् मनसस्पत इमं नो देव देवेषु यज्ञं स्वाहा वाचि स्वाहा
वार्ते धाः ॥ 48 (कृणोतु - तान् - ष्टाचत्वारिंशच्च)(A44)

TS 1.4.45.1

उरुं हि राजा वरुणश्चकार सूर्याय पन्थामन्वेतवा उं ।

अपदे पादा प्रतिधातवे - ऽकरुता - ऽपवक्ता हृदयाविधंश्चित् ॥

शतं ते राजन् भिषजः सहस्रं मुर्वी गंभीरा सुमतिष्ठे अस्तु ।

बाधंस्व द्वेषो निर्ऋतिं पराचैः कृतं चिदेनः प्र मुमुग्ध्यस्मत् ॥

अभिष्टितो वरुणस्य पाशोऽग्नेरनीकमुप आ विवेश ।

अपात्रपात् प्रतिरक्षन्न सूर्यं दमैदमे - [] 49

TS 1.4.45.2

सुमिधं यक्ष्यग्रे ।

प्रति ते जिह्वा घृतमुच्चरण्येथ समुद्रे ते हृदयमुपस्वन्तः ।

सं त्वां विशन्त्वोषधी-रुताऽऽपो यज्ञस्य त्वा यज्ञपते हविर्भिः ।

सूक्तवाके नमोवाके विधेमाऽवभृथ नि चङ्कुण निचेरुरंसि नि

चङ्कुणाऽव देवैर्देव-कृतमेनोऽयाडव मर्त्यैर्मर्त्य-कृतमुरोरा नो
देव

रिषस्पांहि सुमित्रा न आप ओषधयः - [] 50

TS 1.4.45.3

सन्तु दुर्मित्रास्तस्मै भूयासु योऽस्मान् द्वेष्टि यं च वयं द्विष्मो
देवीराप एष वो गर्भस्तं ऽवः सुप्रीतुः सुभृतमकर्म
देवेषु नः सुकृतो ब्रूतात्-प्रतियुतो वरुणस्य पाशः प्रत्यस्तो
वरुणस्य पाश एधोऽस्येधिषीमहि समिदंसि तेजोऽसि तेजो मयि
धेह्यपो अन्वचारिषु रसेन समसृक्षमहि ।

पर्यस्वाः अग्र आ () ऽगमं तं मा सः सृज वर्चसा ॥ 51

(दमेदम् - ओषधय - आ - षट्च) (A45)

TS 1.4.46.1

यस्त्वां हृदा कीरिणा मन्यमानो ऽमर्त्यं मर्त्यो जोहवीमि ।
जातवेदो यशो अस्मासु धेहि प्रजाभिरग्रे अमृतत्वमंश्यां ॥
यस्मै त्वः सुकृते जातवेद उ लोकमग्रे कृणवः स्योनं ।
अश्विनः स पुत्रिणं वीरवन्तं गोमन्तः रुयिं नशते स्वस्ति ॥
त्वे सु पुत्र शवसोऽवृत्रन् कामं कातयः । न त्वामिन्द्रातिं रिच्यते ॥
उक्थ-उक्थे सोम इन्द्रं ममाद नीथेनीथे मुघवानः - [] 52

TS 1.4.46.2

सुतासः ।

यदी॑ः सु॒बाधः॑ पि॒तरं॑ न पु॒त्राः संमा॑नद॒क्षा अव॑से हव॒न्ते ॥
 अ॒ग्ने रसे॑न॒ तेज॑सा॒ जात॑वेदो॒ वि रो॑चसे । र॒क्षो॒हाऽमी॑व॒चात॑नः ॥
 अ॒पो अन्व॑चारिषु॒ः रसे॑न॒ सम॑सृक्ष्महि ।
 पय॑स्वा॒ः अ॒ग्न आऽग॑मं॒ तं मा॒ स॒ः सृ॑ज॒ वर्च॑सा ॥
 वसु॑र्वसु॒पति॑र् हि॒क॒मस्य॑ग्ने वि॒भाव॑सुः । स्यामं॑ ते सु॒म॒ताव॑पि ॥
 त्वाम॑ग्ने वसु॒पतिं॑ ऽवसू॒नाम॑भि प्र म॒न्दे - [] 53

TS 1.4.46.3

अ॒द॒ध्वरे॑षु॒ राज॑न् ।
 त्वया॒ वाजं॑ ऽवाज॒यन्तो॑ जयेमा॒ऽभि ष्या॑म पृथ्सु॒ती र्म॑त्या॒नां ।
 त्वाम॑ग्ने वाज॒सात॑मं॒ ऽवि॒प्रा व॑र्द्धन्ति सु॒ष्टुतं॑ । स नो॑ रास्व सु॒वीर्यं॑ ॥
 अ॒यं नो॑ अ॒ग्निर्व॑रि॒वः कृ॑णोत्व॒यं मृ॑धः पुर ए॒तु प्र॑भि॒न्दन् ।
 अ॒यः श॒त्रूञ्ज॑यतु जर्.ह॑षाणो॒ऽयं ऽवाजं॑ जयतु वाज॒सातौ॑ ॥
 अ॒ग्निना॑ऽग्निः समि॑द्ध्यते क॒वि गृ॑हप॒ति र्यु॑वा ।
 ह॒व्य॒वाड्-जु॒ह्वा॑स्यः ॥
 त्व॒ऽ ह्य॑ग्ने () अ॒ग्निना॒ वि॒प्रो वि॒प्रेण॑ सन्ध्स॒ता ।
 सखा॒ सख्या॑ समि॒द्ध्यसे॑ ॥
 उ॒द॑ग्ने शुच॑य॒स्तव॑ > 1, वि ज्योति॑षा > 2 ॥ 54
 (म॒घवा॑नं - म॒न्दे - ह्य॑ग्ने - चतु॑र्दश च) (A46)

Prasna Korvai with starting Padams of 1 to 46

Anuvaakams :-

आ दंदे-वाचस्पतये-उपयामगृहीतोऽस्या वायो - अयं ऽवां -
ऽयावँ-प्रातर्युजां-वयं-तं -ऽये देवा-स्त्रिंश- दुपयामगृहीतोऽसी-
मूर्द्धानं-मधुश्चे-न्द्राग्नि ओमांसो-मरुत्वंन्त-
मिन्द्रं मरुत्वो-मरुत्वान्-महान्-महान्नुवत्-कदा-वाम-मदब्धेभि
हिरण्यपाणिः-सुशर्मा-बृहस्पतिं सुतस्य - हरिरस्य-ग्रं- उत्तिष्ठन्-
तरणि-राप्तायस्वे-युष्टे ये- ज्योतिष्मतीं- प्रयासायं- चित्त-मातिष्ठे-
न्द्र-मसांवि-सर्वस्य-महान्-सृजोषा-
उदुत्यं-धातो-रुं हि-य-स्त्वा षट्चत्वारिंशत् ।

Special Korvai for this Prasnam:-

वाच प्राणायं त्वा । उपयामगृहीतोऽस्यपानायं त्वा ।
 आ वायो वायवे सजोषाभ्यां त्वा । अयमृतायुभ्यां त्वा ।
 या वामश्विभ्यां माध्वीभ्यां त्वा । प्रातर्युजांश्चिभ्यामश्विभ्यां त्वा ।
 अयं शण्डाय वीरतां पाहि । तं मर्कयि प्रजाः पाहि ।
 ये देवा स्त्रिंशदाग्रयणोऽसि विश्वेभ्यस्त्वा देवेभ्यः ।
 उपयामगृहीतोऽसीन्द्राय त्वोक्थायुवे । मूर्ध्निमग्रये त्वा
 वैश्वानराय । मधुश्च सः सर्पोऽसि । इन्द्राग्नी इन्द्राग्निभ्यां त्वा ।
 ओमांसो विश्वेभ्यस्त्वा देवेभ्यः । मरुत्वं तन्त्रीणीन्द्राय त्वा मरुत्वंते
 ।

महान्दे महेन्द्रायं त्वा । कदा चनाऽऽदित्येभ्यस्त्वा । कदा चन स्तूरी
 विवस्व आदित्य । इद्रः शुचिरपः । वामन्त्रीणीं देवायं त्वा सवित्रे ।
 सुशर्माऽसि विश्वेभ्यस्त्वा देवेभ्यः । बृहस्पति-सुतस्य त्वष्ट्रा सोमं
 पिब स्वाहा । हरिरसि सहसोमा इन्द्राय स्वाहा । अग्र
 आयूष्मग्रये त्वा तेजस्वते । उत्तिष्ठन्निन्द्राय त्वौजस्वते । तुरणिः
 सूर्याय त्वा भ्राजस्वते । आ तिष्ठाद्याषट्तिन्द्राय त्वा षोडशिनै ।
 उदु त्यं चित्रं । अग्रे नय दिवं गच्छ । उरूमायुष्टे यद्देवा मुमुग्धि ।
 अग्नाविष्णू सुक्रतू मुमुक्तं । परा वै पृङ्क्त्यः । देवा वै ये देवाः
 पृङ्क्त्यो । परा वै स वाच । भूमिर्व्यतृष्यन् ।
 प्रजापति व्यक्षुध्यन् । भूमिरादिया वै । अग्निहोत्रमादित्यो वै ।
 भूमिर्लेकः सलेकः सुलेकः । विष्णोरुदुत्तमं ।

अन्नपते पुनस्वाऽऽदित्याः । उरुः सः सृज वर्यसा ।
यस्त्वा सुष्टुतं । त्वमंग्रे युक्ष्वा हि सुष्टितिं ।
त्वमंग्रे विचर्षणे । यत्वा वि रौचसे ।

Korvai with starting Padams of 1, 11, 21 Series of
Panchaatis :-

(आ दंदे-ये देवा-महा-नुत्तिष्ठन्-सर्वस्य-सन्तु दुर्मित्रा-
श्चतुष्पञ्चाशत् ।)

First and Last Padam of Fourth Prasnam :-

(आ दंदे-वि ज्योतिषा ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे चतुर्थः प्रश्नः
समाप्तः ॥

1.4.1 Annexure for 1.4

1.4.46.3 उद॑ग्रे शुच॑य॒स्तव॒ > 1

उद॑ग्रे शुच॑य॒स्तव॒ शुक्रा॑ भ्राज॑न्त ईर॑ते । तव॒ ज्योती॑ऽऽर्चयः ।

(TS 1-3-14-8)

1.4.46.3 -वि ज्योति॑षा > 2

विज्योति॑षा बृ॒हता॑ भा॒त्यग्निरा॒वि-र्वि॒श्वानि॑ कृ॒णुते॑म॒ह्रित्वा॑ ।

प्रादे॑वी-र्मा॒याः संह॑ते-दु॒रेवाः॒ शिशी॑ते शृ॒ङ्गे रक्ष॑से वि॒निक्षे॑ ।

(TS 1-2-14-7)

=====

=====

ओं नमः परमात्मने, श्री महागणपतये नमः,
श्री गुरुभ्यो नमः ॥ हरिः ओं

1.4 प्रथमकाण्डेपञ्चमः प्रश्नः पुनराधानं

TS 1.5.1.1

दे॒वा॒सुराः॑ सं॒ज्य॑न्ता आस॒न्ते दे॒वा वि॑ज॒यमु॑प॒यन्तो॒ऽग्नौ वा॒मं ऽव॑सु सं
न्य॑द॒धते॑दमुं नो भविष्यति॒ यदि॑ नो जे॒ष्यन्ती॑ति॒ तद॒ग्नि॑र्न्य॒काम॑यत्
तेनापा॑*क्राम॒त् तद्दे॒वा वि॑जित्या*व॒रुरु॑त्स॒माना॒ अन्वा॑यन् तद॒स्य
सह॑साऽऽ*दि॒त्सन्त॒ सोऽरो॑दी॒द्यद॑रो॒दीत् तद् रु॒द्रस्य॑ रु॒द्रत्वं
ज्य॑दश्च॒शीय॑त् तद् - [] 1

TS 1.5.1.2

रंजुतः हिरण्यमभवत् तस्माद्-रंजुतः हिरण्यमदक्षिण्यमश्रुजः
हि यो बर्हिषि ददाति पुराऽस्य सं०००वत्सराद् गृहे रुदन्ति
तस्माद्-

बर्हिषि न देयः सोऽग्निरब्रवीद्-भाग्यसान्यथं व इदमिति
पुनराधेयं ते केवलमित्यब्रुवन्-नृद्धवत् खलु स इत्यब्रवीद्यो
मद्देवत्यमग्निमादधाता इति तं पूषाऽऽधत्ते तेन - [] 2

TS 1.5.1.3

पूषाऽऽर्धोत् तस्मात् पौष्णाः पशवं उच्यन्ते तं त्वष्टाऽऽधत्ते तेन
त्वष्टाऽऽर्धोत् तस्मात् त्वाष्ट्राः पशवं उच्यन्ते तं मनुराऽधत्ते तेन
मनुरार्धोत् तस्मान्मानव्यः प्रजा उच्यन्ते तं धाताऽऽ*धत्ते तेन
धाताऽऽ*र्धोत् सं००वत्सरो वै धाता तस्मात् सं०००वत्सरं प्रजाः
पशवोऽनु प्र जायन्ते य एवं पुनराधेयस्यर्द्धि वेद - [] 3

TS 1.5.1.4

धोत्येव योऽस्यैवं बन्धुतां वेद बन्धुमान् भवति भागधेयं वा
अग्निराहित इच्छमानः प्रजां पशून् यजमानस्योपं दोद्रावोद्वास्य
पुनरा दधीत भागधेयेनैवैनः समर्द्धयत्यथो शान्तिरेवास्यैषा
पुनर्वस्वोरा
दधीतैतद्वै पुनराधेयस्य नक्षत्रं यत् पुनर्वसू स्वायामेवैनं
देवतायामाधाय ब्रह्मवर्चसी भवति दुर्भे () रा दधात्ययांतयामत्वाय
दुर्भेरा दधात्यद्भ्य एवैनमोषधीभ्यो ऽवरुद्ध्या ऽऽ*धत्ते पञ्चकपालः
पुरोडाशो भवति पञ्च वा ऋतवं ऋतुभ्य एवैनमवरुद्ध्याऽऽ*धत्ते ॥

4

(अशीयत् तत्- तेन-वेद- दुर्भैः पञ्चविंशतिश्च) (A1)

TS 1.5.2.1

परा वा एष यज्ञं पशून् वपति योऽग्निमुद्वासयते पञ्चकपालः
पुरोडाशो भवति पाङ्क्तो यज्ञः पाङ्क्ताः पशवो यज्ञमेव पशून् व
रुन्धे वीरहा वा एष देवानां योऽग्निमुद्वासयते न वा एतस्य ब्राह्मणा
ऋतायवः पुरान्नमक्षन् पाङ्क्त्यो याज्यानुवाक्या भवन्ति पाङ्क्तो
यज्ञः पाङ्क्तः पुरुषो देवानेव वीरं निरवदायाग्निं पुनरा - [] 5

TS 1.5.2.2

धत्ते शताक्षरा भवन्ति शतायुः पुरुषः शतेन्द्रिय आयुष्येवेन्द्रिये
प्रति तिष्ठति यद्वा अग्निराहितो नद्धर्यते ज्यायो भागधेयं
निकामयमानो यदाग्नेयं सर्वं भवति सैवास्यर्द्धिः सं वा एतस्य
गृहे वाक्सृज्यते योऽग्निमुद्वासयते स वाचः स७ सृष्टां यजमान
ईश्वरोऽनु पराभवितो विभक्तयो भवन्ति वाचो विधृत्यै
यजमानस्या-पराभावाय - [] 6

TS 1.5.2.3

विभक्तिं करोति ब्रह्मैव तदंकरु पाशु यजति यथा वामं वसुं
विविदानो गूहन्ति तादृगेव तदग्निं प्रति स्विष्टकृतं निराह यथा वामं
वसुं विविदानः प्रकाशं जिगमिषति तादृगेव तद्विभक्तिमुक्त्वा
प्रयाजेन वषट्करोत्यायतनादेव नैति यजमानो वै पुरोडाशः पशवं

एते आहुंती यदुभितः पुरोडाशमेते आहुंती - [] 7

TS 1.5.2.4

जुहोति यजमानमेवोभयतः पशुभिः परिं गृह्णातिकृतयजुः सं
भृतसंभार इत्याहुर्न संभृत्याः संभारा न यजुः कर्तव्यमित्यथो खलु
संभृत्या एव संभाराः कर्तव्यं यजुं यज्ञस्य समृद्धयैपुनर्निष्कृतो
रथो दक्षिणा पुनरुत्स्यूतं वासः पुनरुत्सृष्टोऽनुड्वान् पुनराधेयस्य
समृद्धयै सप्त ते अग्रे समिधः सप्त जिह्वा इत्यग्निहोत्रं
जुहोति यत्रयत्रैवास्य न्यक्तं तत - [] 8

TS 1.5.2.5

एवैनमव रुन्धे वीरहा वा एष देवानां योऽग्निमुद्वासयते तस्य
वरुण
एवर्णयादाग्निवारुण-मेकादशकपालमनु निर्वपेद्यं चैव हन्ति
यश्चास्यर्णयात्तौ भागधेयेन प्रीणाति नाऽऽर्तिमाच्छति यजमानः ॥ 9
(आ-ऽपराभावाय-पुरोडाशमेते-आहुंती-ततः-षट्त्रिंशच्च)(A2)

TS 1.5.3.1

भूमिं भूम्ना द्यौर्वरिणाऽन्तरिक्षं महित्वा ।
उपस्थे ते देव्यदिते ऽग्निमन्त्रादमन्त्राद्याया ऽऽदधे ॥
आऽयं गौः पृश्निरक्रमीदसनन् मातरं पुनः ।
पितरं च प्रयन्त्सुवः ॥
त्रिंशब्दाम् वि राजति वाक् पतंगायां शिश्रिये । प्रत्यस्य वह द्युभिः

॥ अस्य प्राणादपानत्यन्तश्चरति रोचना । व्यख्यन् महिषः सुवः ॥
यत्त्वा-[] 10

TS 1.5.3.2

क्रुद्धः परोवपं मन्युना यदवर्त्या ।
सुकल्पमग्रे तत्तव पुनस्त्वोद्दीपयामसि ॥
यत्ते मन्युपरोप्तस्य पृथिवीमनु दध्वसे ।
आदित्या विश्वे तद्देवा वसंवश्च समाभरन् ॥
मनो ज्योतिर्जुषतामाज्यं विच्छिन्नं यज्ञं समिमं दधातु ।

बृहस्पतिस्तनुतामिमं नो विश्वे देवा इह मादयन्तां ॥
सप्त ते अग्रे समिधः सप्त जिह्वाः सप्तर - [] 11

TS 1.5.3.3

षयः सप्त धामं प्रियाणि ।
सप्त होत्राः सप्तधा त्वां यजन्ति सप्त योनीरा पृणस्वा घृतेन ॥
पुनरूर्जा नि वर्तस्व पुनरग्र इषाऽऽयुषा । पुनर्नः पाहि विश्वतः ॥
सह रय्या नि वर्तस्वाग्रे पिन्वस्व धारया ।
विश्वप्स्त्रिया विश्वतस्परि ॥
लेकः सलेकः सुलेकस्ते न आदित्या आज्यं जुषाणा विंयन्तु केतः
सकेतः सुकेतस्ते न () आदित्या आज्यं जुषाणा विंयन्तु विवस्वा
अदितिर्देवजूतिस्ते न आदित्या आज्यं जुषाणा विंयन्तु ॥ 12
(त्वा-जिह्वाः सप्त-सुकेतस्ते न-स्त्रयो दश च) (A3)

TS 1.5.4.1

भूमिं भूम्रा द्यौ वरिणेत्याहा-ऽऽशिषैवैनमा धत्तेसर्पा वै जीर्यन्तो
ऽमन्यन्त स एतं कंसर्णीरः काद्रवेयो मन्त्रमपश्यत् ततो वै ते
जीर्णास्तनूरपाघ्नत सर्पराज्ञियां ऋग्भिर्गार्.हंपत्यमा दधाति
पुनर्नवमेवैनमजरं कृत्वा ऽऽ*धत्तेऽथो पूतमेव पृथिवीमन्नाद्यं
नोपानमथ्सैतं - [] 13

TS 1.5.4.2

मन्त्रमपश्यत् ततो वै तामन्नाद्यमुपानमद्यथ-सर्पराज्ञियां ऋग्भिर्
गार्.हंपत्य-मादधात्यन्नाद्यस्या वरुद्ध्या अथो अस्यामेवैनं
प्रतिष्ठितमाधत्ते यत्त्वां क्रुद्धः परोवपेत्याहापं हनुत एवास्मै तत्
पुनस्त्वोद्दीपयामसीत्याह समिन्ध एवैनं यत्ते मन्युपरोप्तस्येत्याह
देवताभिरेवै - [] 14

TS 1.5.4.3

नृः सं भरति वि वा एतस्य यज्ञश्छिद्यते योऽग्निमुद्वासयते
बृहस्पतिवत्यर्चोपं तिष्ठते ब्रह्म वै देवानां बृहस्पति ब्रह्मणैव
यज्ञः सं दधाति विच्छिन्नं यज्ञः समिमं दधात्वित्याह संतत्यै
विश्वे देवा इह मादयन्तामित्याह सन्तत्यैव यज्ञं देवेभ्योऽनु दिशति
सप्त ते अग्ने समिधः सप्त जिह्वा - [] 15

TS 1.5.4.4

इत्याह सप्तसप्त वै सप्तधाऽग्नेः प्रियास्तनुवस्ता एवाव रुन्धे

पुनरूर्जा सह रय्येत्यभितः पुरोडाशमाहुंती जुहोति
यजमानमेवोर्जा च रय्या चोभयतः परि गृह्णात्यादित्या वा
अस्माल्लोकादमुं
ॐ लोकमायन्तेऽमुष्मिन् ॐ लोके व्यतृष्यन्त इमं ॐ लोकं
पुनरभ्यवेत्या ऽग्निमाधायैतान् () होमानजुहवुस्त आर्द्धधुवन्ते
सुवर्गं ॐ लोकमायन् यः पराचीनं पुनराधेयादग्निमादधीत स एतान्
होमाँ

जुहुयाद्यामेवाऽऽदित्या ऋद्धिमार्द्धधुवन् तामेवर्द्धोति ॥ 16
(सैतं-देवताभिरेव-जिह्वा-एतान्-पञ्चविंशतिश्च)(A4)

TS 1.5.5.1

उपप्रयन्तो अद्ध्वरं मन्त्रं ॐ वोचेमाग्र्यै । आरे अस्मे च शृण्वते ॥
अस्य प्रत्नामनु द्युतं शुक्रं दुदुहे अहयः । पयः सहस्रसामृषिं ॥
अग्निर्मूर्द्धा दिवः ककुत्पतिः पृथिव्या अयं ।
अपां रेतांसि जिन्वति ॥
अयमिह प्रथमो धायि धातृभिर् होता यजिष्ठो अद्ध्वरेष्वीड्यः ।
यमप्रवानो भृगवो विरुरुचुर्वनेषु चित्रं ॐ विभुवं ॐ विशेविंशे ॥
उभा वामिन्द्राग्री आहुवद्ध्या - [] 17

TS 1.5.5.2

उभा राधंसः सह मादयद्ध्यै ।
उभा दाताराविषां रयीणामुभा वाजस्य सातये हुवे वां ॥
अयं ते योनिर् ऋत्वियो यतो जातो अरोचथाः ।

तं जानन्नग्र आ रोहाथा नो वर्द्धया रुयिं ॥
अग्र आयूःषि पवस आ सुवोर्जमिषं च नः ।
आरे बांधस्व दुच्छुनां ॥
अग्रे पवस्व स्वपां अस्मे वर्चः सुवीर्यं ।
दधत्पोषं रुयिं - [] 18

TS 1.5.5.3

मयिं ॥
अग्रे पावक रोचिषा मन्द्रयां देव जिह्वयां ।
आ देवान् वक्षि यक्षि च ॥
स नः पावक दीदिवोऽग्रे देवाः इहा ऽऽ*वंह ।
उप यज्ञः हविश्च नः ॥
अग्निः शुचिव्रततमः शुचिर्विप्रः शुचिः कृविः ।
शुचीं रोचत आहुतः ॥ उदग्रे शुचयस्तव शुक्रा भ्राजन्त ईरते ।
तव ज्योतीं ऽर्चयः ॥
आयुर्दा अग्रेऽस्यायुर्मे- [] 19

TS 1.5.5.4

देहि वर्चोदा अग्रेऽसि वर्चो मे देहि तनूपा अग्रेऽसि तनुवं मे
पाह्यग्रे यन्मे तनुवां ऊनं तन्म आ पृण चित्रावसो स्वस्ति ते
पारमशीयेन् धानास्त्वा शतः हिमा द्युमन्तः समिन्धीमहि
वयस्वन्तो वयस्कृतं यशस्वन्तो यशस्कृतं सुवीरांसो अदाभ्यं ।
अग्रे सपत्नदंभनं ऽवर्षिष्ठे अधि नार्कै ॥

सं त्वमंग्रे सूर्यस्य वर्चसा () ऽगथाः समृषीणां ऽ स्तुतेन
सं प्रियेण धाम्ना ।

त्वमंग्रे सूर्यवर्चा असि सं मामायुषा वर्चसा प्रजया सृज ॥ 20
(आहुवद्ध्यै-पोषं रयिं-मे-वर्चसा-सप्त दश च)(A5)

TS 1.5.6.1

सं पश्यामि प्रजा अहमिडप्रजसो मानवीः । सर्वा भवन्तु नो गृहे ॥
अंभः स्थाम्भो वो भक्षीय महः स्थ महो वो भक्षीय सहः स्थ
सहो वो भक्षीयोर्यः स्थोर्जं वो भक्षीय रेवती रमद्ध्वमस्मिन्
लोके ऽस्मिन् गोष्ठे ऽस्मिन् क्षये ऽस्मिन् योनाविहैव स्तेतो मा ऽप
गात ब्रह्मीर्मे भूयास्त - [] 21

TS 1.5.6.2

संहिता ऽसि विश्वरूपीरा मोर्जा विशा ऽ ऽ*गौपत्येना
ऽ*रायस्पोषेण
सहस्रपोषं वो पुष्यासं मयि वो रायः श्रयन्तां ॥
उप त्वा ऽग्रे दिवेदिवे दोषावस्तर्द्धिया वयं । नमो भरन्त एमसि ॥
राजन्तमद्ध्वराणां गोपामृतस्य दीदिविं । वर्द्धमानं स्वे दमे ॥
स नः पितेवं सूनवे ऽग्रे सूपायनो भव । सचस्वा नः स्वस्तये ॥ अग्रे
- [] 22

TS 1.5.6.3

त्वं नो अन्तमः । उत त्राता शिवो भव वरूत्थ्यः ॥
 तं त्वां शोचिष्ठ दीदिवः । सुम्नाय नूनमीमहे सखिभ्यः ॥
 वसुरग्निर्वसुश्रवाः । अच्छा नक्षि द्युमत्तमो रुयिं दाः ॥
 ऊर्जा वः पश्याम्यूर्जा मां पश्यत रायस्पोषेण वः पश्यामि
 रायस्पोषेण मा पश्यतेडाः स्थ मधुकृतः स्योना मा ऽऽविंशतेरा
 मदः ।

सहस्रपोषं ऽवः पुष्यासं - [] 23

TS 1.5.6.4

मयि वो रायः श्रयन्तां ॥
 तत्संवितुर्वरेण्यं भर्गो देवस्य धीमहि । धियो योनः प्रचोदयात् ॥
 सोमान् ७ स्वरणं कृणुहि ब्रह्मणस्पते । कक्षीवन्तं ऽय औशिजं ॥
 कदा च न स्तरीरसि नेन्द्रं सश्वसि दाशुषे ।
 उपोपेन्नु मंघवन्भूय इन्नु ते दानं देवस्य पृच्यते ॥
 परि त्वाऽग्ने पुरं ऽवयं ऽविप्रं सहस्य धीमहि ।
 धृषद्वर्णं () दिवेदिवे भेत्तारं भङ्गुरावतः ॥
 अग्रे गृहपते सुगृहपतिरहं त्वया गृहपतिना भूयासः सुगृहपतिर्मया
 त्वं गृहपतिना भूयाः शतः हिमास्तामाशिषमा शांसे तन्तवे
 ज्योतिष्मतीं तामाशिषमा शांसे ऽमुष्मै ज्योतिष्मतीं ॥ 24
 (भूयास्त-स्वस्तयेऽग्ने-पुष्यासं-धृषद्वर्णं-मेकान्न त्रिंशच्च) (A6)

TS 1.5.7.1

अयंज्ञो वा एष योऽसामोपंप्रयन्तो अद्ध्वरमित्याह स्तोममेवास्मै

युन॒क्त्युपेत्या॑ह प्र॒जा वै प॒शव॒ उपे॑मं ऽलो॒कं प्र॒जामे॒व प॒शूनि॒मं
ऽलो॒कमुपै॑त्यस्य प्र॒त्नामनु॑ द्युत॒मित्या॑ह सुव॒र्गो वै लो॒कः प्र॒त्नः
सुव॒र्गमे॒व लो॒कः सु॒मारो॑हत्य॒ग्निर्मूर्द्धा॑ दि॒वः
क॒कुदित्या॑ह मूर्द्ध॒नि- [] 25

TS 1.5.7.2

मे॒वैनं॑ स॒मा॒नानां॑ करोत्यथो॑ दे॒वलो॒कादे॒व म॑नुष्यलो॒के प्रति॑
तिष्ठत्य॒यमि॒ह प्र॑थ॒मो धा॑यि धा॒तृभि॒रित्या॑ह मुख्यं॒मे॒वैनं॑ करोत्यु॒भा
वा॑मिन्द्रा॒ग्नी आ॒हुव॒द्भ्या॒ इत्या॒हौजो॒ बल॑मे॒वाव॑ रुन्धे ऽयं ते यो॒निर्

ऋ॒त्विय॒ इत्या॑ह प॒शवो॒ वै र॒यिः प॒शूने॒वाव॑ रुन्धे
ष॒ड्भि॒रुप॑तिष्ठते ष॒ड्वा - [] 26

TS 1.5.7.3

ऋ॒तव॑ ऋ॒तुष्वे॒व प्रति॑ तिष्ठति ष॒ड्भि॒रुत्तरा॑भि॒रुप॑ तिष्ठते द्वा॒दश॑
संप॑द्यन्ते द्वा॒दश॑ मा॒साः सं॒वत्स॒रः सं॒वत्स॒र ए॒व प्रति॑ तिष्ठति
यथा॒

वै पुरु॑षोऽश्वो॒ गौर्जी॑र्यत्ये॒वम॒ग्निरा॑हि॒तो जी॑र्यति स॒म्वत्स॒रस्य॑
प॒रस्ता॑दा॒ग्निपा॑वमा॒नीभि॒रुप॑ तिष्ठते पु॒नर्न॒वमे॒वैनं॑म॒जरं॑ करोत्यथो॑
पु॒नात्ये॒वोप॑ तिष्ठते यो॒ग ए॒वास्यै॒ष उप॑ तिष्ठते - [] 27

TS 1.5.7.4

द॒म ए॒वास्यै॒ष उप॑ तिष्ठते या॒च्चै॒वा॒स्यैषो॑प॑ तिष्ठते यथा॒
पापी॑या॒च्छेय॑स

आ॒हत्य॑ नम॒स्यति॑ ता॒दृगे॒व तदा॑ यु॒र्दा अ॒ग्रेऽस्या॑यु॒र्मे
दे॒हीत्या॑हा*ऽऽयु॒र्दा ह्ये॑ष व॒र्चो॒दा अ॒ग्रेऽसि॑ व॒र्चो॑ मे दे॒हीत्या॑ह व॒र्चो॒दा
ह्ये॑ष त॒नूपा अ॒ग्रेऽसि॑ त॒नुवं॑ मे पा॒हीत्या॑ह - [] 28

TS 1.5.7.5

त॒नूपा ह्ये॑षोऽग्रे॒ यन्मे॑ त॒नुवा॑ ऊ॒नं तन्म॒ आ पृ॑णे॒त्याह॒ यन्मे॑
प्र॒जायै॑ पशूनामू॒नं तन्म॒ आ पू॒रये॑ति वावै॒तदा॑ह॒चित्रा॑व॒सो स्व॒स्ति ते॑
पा॒रम॑शी॒येत्या॑ह॒ रात्रि॑र्वै चि॒त्राव॑सु॒रव्यु॑ष्ट्यै वा ए॒तस्यै॑ पु॒रा
ब्रा॑ह्म॒णा अ॑भैषुर्व्यु॒ष्टिमे॒वाव॑ रु॒न्ध इ॒न्धा॑नास्त्वा श॒तः - [] 29

TS 1.5.7.6

हि॒मा इ॒त्याह॑ श॒तायुः॑ पु॒रुषः॑ श॒तेन्द्रि॑य॒ आयु॑ष्ये॒वेन्द्रि॑ये प्र॒ति
तिष्ठ॑त्येषा
वै सू॒र्मी क॑र्ण॒काव॑त्ये॒तया॑ ह स्म॒ वै दे॒वा असु॑राणा॒ः शत॑तृ॒हा॒
स्तृ॑ः ह॒न्ति य॑दे॒तया॑ स॒मिध॑मा॒दधा॑ति वज्र॑मे॒वैतच्छ॑त॒घ्नीं व्य॑ज॒मानो॑
भ्रातृ॑व्याय॒ प्र ह॑रति॒ स्तृत्या॒ अछं॑बट्कार॒ः सं त्वम॑ग्रे॒ सूर्य॑स्य
व॒र्चसा॑ऽग॒था इ॒त्याहै॑त॒त्त्वम॑सी॒दम॒हं () भू॑यास॒मिति॑ वावै॒तदा॑ह
त्वम॑ग्रे॒ सूर्य॑व॒र्चा अ॒सीत्या॑हाऽऽशिष॑मे॒वैता॑मा शा॒स्ते ॥ 30
(मूर्ध्ना॒ः-षड्वा-ए॒ष उ॒पं तिष्ठ॑ते-पा॒हीत्या॑ह-श॒त-म॒हः
षोड॑श च) (A7)

TS 1.5.8.1

सं प॑श्यामि प्र॒जा अ॒हमि॒त्याह॑ याव॑न्त ए॒व ग्रा॒म्याः प॒शव॑स्ताने॒वाव॑
रु॒न्धेऽम्भः॒ स्था॒म्भो वो॑ भक्षी॒येत्या॑हाम्भो ह्ये॒ता महः॑ स्थ॒ महो॑ वो

भक्षीयेत्याह महो ह्येताः सहः स्थ सहो वो भक्षीयेत्याह सहो
ह्येता ऊर्जः स्थोर्जो ऽवो भक्षीयेत्या - [] 31

TS 1.5.8.2

होर्जो ह्येता रेवती रमद्ध्वमित्याह पशवो वै रेवतीः पशूनेवात्मन्
रमयत इहैव स्तेतो माऽपं गातेत्याह ध्रुवा एवैना अनपगाः कुरुत
इष्टकचिद्वा अन्योऽग्निः पशुचिदन्यः संहितासि विश्वरूपीरिति
वत्समभि मृशत्युपैवैनं धत्ते पशुचितमेनं कुरुते प्र - [] 32

TS 1.5.8.3

वा एषोऽस्माल्लोकाच्च्यवते य आहवनीयमुप तिष्ठते
गार्हपत्यमुप तिष्ठते ऽस्मिन्नेव लोके प्रति तिष्ठत्यथो
गार्हपत्यायैव नि हनुते
गायत्रीभिरुप तिष्ठते तेजो वै गायत्री तेज एवात्मन् धत्तेऽथो यदेतं
तृचमन्वाह संत्तै गार्हपत्यं वा अनु द्विपादो वीराः प्र
जायन्ते

य एवं ऽविद्वान् द्विपदाभि गार्हपत्यमुपतिष्ठत - [] 33

TS 1.5.8.4

आऽस्य वीरो जायत ऊर्जा वः पश्यां ऽयूर्जा मां पश्यते-त्याह
ऽऽशिषमेवैतामा शास्ते तत्संवितुर्वरेण्यमित्याह प्रसूत्यै सोमान्
स्वरणमित्याह सोमपीथमेवाव रुन्धे कृणुहि ब्रह्मणस्पत इत्याह
ब्रह्मवर्चसमेवाव रुन्धे कदा च न स्तरीसीत्याह न स्तरीः

रात्रिं॑ ऽवसति॒ - [] 34

TS 1.5.8.5

य एवं॑ ऽवि॒द्वान॒ग्निमु॑प॒तिष्ठ॑ते परि॑ त्वाऽग्रे॑ पु॒रं॑ ऽव॒यमि॒त्याह॑
परि॒धिमे॒वैतं॑ परि॑ दधा॒त्यस्क॑न्दा॒याग्रे॑ गृहप॒त॒ इत्या॑ह
यथा॒यजुरे॒वैतच्छ॑तः॒ हिमा॒ इत्या॑ह श॒तं त्वा॑ हेम॒न्तानि॑न्धिषी॒येति॑ वा
वैतदा॑ह पु॒त्रस्य॑ नामं गृह्णा॒त्यन्ना॒दमे॒वैनं॑ करोति॒ तामा॑शिष॒मा शा॑से
तन्त॑वे ज्योति॑ष्मती॒मिति॑ ब्रूया॒द्यस्य॑ पु॒त्रोऽजा॑तः स्यात् तेज॑स्व्ये॒वास्य॑
ब्रह्म॑वर्च॒सी पु॒त्रो जा॑यते॒ तामा॑शिष॒मा शा॑से ऽमुष्मै॒ ज्योति॑ष्मती॒ ()
मिति॑ ब्रूया॒द्यस्य॑ पु॒त्रो जा॑तः स्यात् तेजं॑ ए॒वास्मिन्॑ ब्रह्म॑वर्च॒सं
द॑धाति ॥ 35

(ऊ॒र्जं॑ ऽवो भक्षी॒येति॑-प्र-गार्.हंप॒त्यमु॑प॒तिष्ठ॑ते-वसति॒-ज्योति॑ष्मती॒-
मेका॒न्न त्रि॑ःश॒च्च) (A8)

TS 1.5.9.1

अ॒ग्निहो॑त्रं जु॒होति॒ यदे॒व किं॑ च॒ यज॑मानस्य॒ स्वं तस्यै॒व तद्रेतः॑
सिञ्च॑ति प्र॒जन॑ने प्र॒जन॑नः॒ हि वा अ॒ग्निरथौष॑धीरन्त॑गता दहति॒
तास्ततो॑ भूय॑सीः प्र जा॑यन्ते॒ यत्सा॒यं जु॒होति॒ रेतं॑ ए॒व तत्सि॑ञ्चति॒ प्रैव॑
प्रा॑त॒स्तने॑न जनयति॒ तद्रेतः॑ सि॒क्तं न त्वष्ट्रा॑ऽवि॒कृतं॑ प्रजा॑यते
याव॑च्छो वै रेत॑सः सि॒क्तस्य॑ - [] 36

TS 1.5.9.2

त्वष्टां रूपाणि विकृरोति तावच्छो वै तत्प्र जायत एष वै दैव्यस्त्वष्टा
यो यजंते ब्रह्मीभिरुपं तिष्ठते रेतंस एव सिक्तस्य बहुशो रूपाणि वि
करोति स प्रैव जायते श्वःश्चो भूयान् भवति य एवं
ॐ विद्वानग्निमुपतिष्ठते ऽहर्देवानामासीद्-रात्रिरसुराणां तेऽसुरा
यद्देवानां ॐ वित्तं ॐ वेद्यमासीत्तेन सह- [] 37

TS 1.5.9.3

रात्रिं प्राऽविंशन्ते देवा हीना अमन्यन्त तैऽपश्यन्नाग्नेयी
रात्रिराग्नेयाः पशवं इममेवाग्निं स्तंवाम् स नः स्तुतः पशून्
पुनर्दास्यतीति तैऽग्निमस्तुवन्त्स एभ्यः स्तुतो रात्रिया अध्यहरभि
पशून्निर्जते
देवाः पशून् वित्त्वा कामां अकुर्वन्त य एवं ॐ विद्वानग्निमुपतिष्ठते
पशुमान् भव- [] 38

TS 1.5.9.4

त्यादित्यो वा अस्माल्लोकाद्गमुं ॐ लोकमैत्सोऽमुं ॐ लोकं गत्वा
पुनरिमं ॐ लोकमभ्यङ्क्ष्यायथ स इमं ॐ लोकमागत्य
मृत्योरंबिभेन्मृत्युसंयुत
इव ह्ययं ॐ लोकः सोऽमन्यते-ममेवाग्निं स्तवानि स मां स्तुतः
सुवर्गं ॐ लोकं गमयिष्यतीति सोऽग्निमस्तौथ स एनं स्तुतः सुवर्गं
ॐ लोकमंगमयद्य - [] 39

TS 1.5.9.5

एवं ॐ विद्वानग्निमुपतिष्ठते सुवर्गमेव लोकमेति सर्वमायुरेत्यभि

वा एषोऽग्नी आ रोहति य एनावुपतिष्ठते यथा खलु वै
 श्रेयान्भ्यारूढः कामयते तथा करोति नक्तमुप तिष्ठते न प्रातः
 सः हि नक्तं व्रतानि सृज्यन्ते सह श्रेयांश्च पापीयाश्च श्वासाते
 ज्योतिर्वा अग्निस्तमो रात्रिर्य - [] 40

TS 1.5.9.6

नक्तमुपतिष्ठते ज्योतिषैव तमस्तर-त्युपस्थेयोऽग्नी(3) नोपस्थेया(3)
 इत्याहुर्मनुष्यायेन्वै योऽहरहराहत्याऽथैनं व्याचति स इन्वै
 तमुपाच्छ्रित्यथ को देवानहरहर्याचिष्यतीति तस्मान्नोपस्थेयो ऽथो
 खल्वाहुराशिषे वै कं यजमानो यजत इत्येषा खलु वा - [] 41

TS 1.5.9.7

आहिताग्रेराशी र्यदग्निमुपतिष्ठते तस्मादुपस्थे यः प्रजापतिः
 पशूनंसृजत ते सृष्टा अहोरात्रे प्राऽ*विशन् ताञ्छन्दोभिरन्वविन्दद्-
 यच्छन्दोभिरुपतिष्ठते स्वमेव तदन्विच्छति न तत्र जाम्यंस्ती-
 त्याहुर्यो ऽहरहरुप तिष्ठत इति यो वा अग्निं प्रत्यङ्ङुप तिष्ठते
 प्रत्येनमोषति यः पराङ् विष्वङ् प्रजयां पशुभिं () रेति
 कवातिर्यङ्ङिःवोपं तिष्ठेत नैनं प्रत्योषति न विष्वङ् प्रजयां
 पशुभिरेति ॥ 42

(सिक्तस्य-सह-भवति-यो-यत्-खलु वै-पशुभि-स्तयोदश च) (A9)

TS 1.5.10.1

मम॒ नामं॑ प्रथ॒मं जा॑तवेदः पि॒ता मा॒ता च॑ दधतुर्यद॒ग्रे ।
तत्त्वं बि॑भृहि पुन॒रा मदै॑तो॒स्तवा॒हं नामं॑ बिभराण्य॒ग्रे ॥
मम॒ नाम॒ तव॑ च जा॒तवेदो॑ वास॑सी इव वि॒वसा॑नौ॒ ये चरा॑वः ।
आयु॑षे त्वं जी॒वसे॑ व॒यं ऽय॑थाय॒थं ऽवि परि॑ दधाव॒है पुन॑स्ते ॥
नमो॑ऽग्रये ऽप्र॑तिवि॒द्वाय॒ नमो॑ऽना॑धृ॒ष्टाय॒ नमः॑ स॒म्राजै॑ ।
अषा॑ढो - [] 43

TS 1.5.10.2

अ॒ग्निर्बृ॑हद्व॒या वि॒श्वजि॒त्सह॑न्त्यः श्रेष्ठो॑ गन्ध॒र्वः ॥
त्वत्पि॑तारो अ॒ग्रे दे॒वास्त्वा-मा॑हुतय॒स्त्व-द्वि॑वाचनाः ।
सं मा॒मायु॑षा॒ सं गौ॑प॒त्येन॒ सुहि॑ते मा धाः ॥
अ॒यम॒ग्निः श्रेष्ठ॑तमो॒ ऽयं भग॑वत्तमो॒ ऽयं स॑हस्र॒सात॑मः ।
अ॒स्मा अ॑स्तु सु॒वीर्यं॑ ॥
मनो॑ ज्योतिं जु॒षता॒माज्यं॑ ऽविच्छि॑न्नं ऽय॒ज्ञं स॒मिमं॑ द॒धातु॑ ।

या इ॒ष्टा उ॒षसो॑ नि॒मृच॑श्च॒ ताः सं द॑धामि ह॒विषा॑ घृ॒तेन॑ ॥
पय॑स्वती॒रोष॑धयः - [] 44

TS 1.5.10.3

पयस्वद्वीरुधां पयः ।

अपां पयसो यत्पयस्तेन मामिन्द्र सः सृज ॥

अग्नें व्रतपते व्रतं चरिष्यामि तच्छकेयं तन्मै राद्ध्यतां ॥

अग्निः होतारमिह तः हुवे देवान् यज्ञियानिह यान् हवामहे ॥

आ यन्तु देवाः सुमनस्यमाना वियन्तु देवा हविषो मे अस्य ॥

कस्त्वा युनक्ति स त्वा युनक्तु यानि घर्मे

कपालान्युपचिन्वन्ति-[] 45

TS 1.5.10.4

वेधसः ।

पूष्णस्तान्यपि व्रत इन्द्रवायू वि मुञ्चतां ॥

अभिन्नो घर्मो जीरदानुर्यत आत्तस्तदगन् पुनः ।

इद्धो वेदिः परिधयश्च सर्वे यज्ञस्याऽऽयुरनु सं चरन्ति ॥

त्रयस्त्रिः शतन्तवो ये वितन्तिरे य इमं ऽयज्ञं स्वधया ददन्ते

तेषां छिन्नं प्रत्येतद्धामि स्वाहां घर्मो देवाः अप्येतु ॥ 46

(अषाढ-ओषधय-उपचिन्वन्ति-पञ्चचत्वारिंशच्च) (A10)

TS 1.5.11.1

वैश्वानरो न ऊत्याऽऽ प्र यातु परावतः । अग्निरुक्थेन वाहंसा ॥

ऋतावानं ऽवैश्वानरमृतस्य ज्योतिषस्पतिं । अजंसं घर्ममीमहे ॥

वैश्वानरस्य द्रुसनाभ्यो बृहदरिणादेकः स्वपुस्यया कृविः ।

उभा पितरा महयन्नजायताग्निर्द्यावापृथिवी भूरिरेतसा ॥

पृष्ठो दिवि पृष्ठो अग्निः पृथिव्यां पृष्ठो विश्वा ओषधीरा विवेश ।

वैश्वानरः सहसा पृष्टो अग्निः सनो दिवा स - [] 47

TS 1.5.11.2

रिषः पातु नक्तं ॥

जातो यदग्ने भुवना व्यख्यः पशुं न गोपा इर्यः परिज्मा ।
वैश्वानर ब्रह्मणे विन्द गातुं ययुं पात स्वस्तिभिः सदा नः ॥
त्वमग्ने शोचिषा शोशुचान् आ रोदसी अपृणा जायमानः ।
त्वं देवाः अभिशस्तेरमुञ्चो वैश्वानर जातवेदो महित्वा ॥
अस्माकमग्ने मघवत्सु धारयानामि क्षत्रमजरं सुवीर्यं ।
वयं जयेम शतिनं सहस्रिणं वैश्वानर - [] 48

TS 1.5.11.3

वाजमग्ने तवोतिभिः ॥

वैश्वानरस्यं सुमतौ स्याम राजा हिकं भुवनानामभिप्रीः ।
इतो जातो विश्वमिदं वि चष्टे वैश्वानरो यतते सूर्येण ॥
अवं ते हेडो वरुण नमोभिरवं युज्ञेभिरीमहे हविर्भिः ।
क्षयन्नस्मभ्यमसुर प्रचेतो राजन्नेनांसि शिश्रथः कृतानि ॥
उदुत्तमं वरुण पाशमस्मदवाऽधुमं विमद्ध्यमऽश्रथाय ।
अथा वयमादित्य - [] 49

TS 1.5.11.4

व्रते तवाऽनागसो अदितये स्याम ॥
दधिक्राव्णो अकारिषं जिष्णोरश्वस्य वाजिनः ॥
सुरभिनो मुखां कर्त्त प्रण आयूषि तारिषत् ॥

आ दधि॑क्राः शव॑सा॒ पञ्च॑ कृ॒ष्टीः सूर्य॑ इव॒ ज्योति॑षाऽपस्त॑तान ।
स॒हस्र॑साः श॑त॒सा वा॒ज्यर्वा॑ पृ॒णक्तु॑ म॒ध्वा॒ समि॑मा वचा॑ःसि ॥
अ॒ग्नि॒र्मूर्धा॑ > 1, भुवः॑ > 2 ।
मरु॑तो॒ यद्ध॑ वो दि॒वः सु॑म्ना॒ यन्तो॒ हवा॑महे ।

आ तू न - [] 50

TS 1.5.11.5

उप॑ गन्तन ॥

या वः॑ शर्म॑ शशमा॒नाय॑ सन्ति॑ त्रि॒धातू॑नि दा॒शुषे॑ यच्छ॒ताधि॑ ।
अ॒स्मभ्यं॑ तानि॑ मरुतो॒ वि य॑न्त र॒यिं नो॑ धत्त वृषणः सु॒वीरं॑ ॥
अ॒दि॒तिर्न॑ उरुष्य॒त्वदि॑तिः शर्म॑ यच्छतु । अ॒दि॒तिः पा॒त्वः हंसः॑ ॥
म॒हीमू॑षु मा॒तरं॑ सु॒व्रता॑नामृ॒तस्य॑ पत्नी॒मव॑से हुवेम ।
तुवि॑क्ष॒त्राम॒जर॑न्तीमु॒रूची॑ सु॒शर्मा॑णि॒मदि॑तिः सु॒प्रणी॑तिं ॥
सु॒त्रामा॑णं पृथि॒वीं द्याम॑ने॒हसं॑ सु॒शर्मा॑णि॒मदि॑तिः सु॒प्रणी॑तिं ।
दैवीं॑ नाव॑ऽऽ स्वरि॒त्राम॑नांगस॒मस्र॑वन्ती॒मा रु॑हेमा स्व॒स्तये॑ ॥

इ॒माः सु॑ नाव॒माऽरु॑हः श॒तारि॑त्राः श॒तस्प॑र्या ।

अच्छि॑द्रां पारयि॒ष्णुं ॥ 51

(दिवा॒ स-स॑हस्रिणं ॐवैश्वान॑राऽऽ-दित्य॒- तू नो॑-ऽने॒हसं॑
सु॒शर्मा॑णि॒- मेका॒न्न वि॑ःश॒तिश्च॑)(A11)

Prasna Korvai with starting Padams of 1 to 11

Anuvaakams :-

(देवा॒सुराः-परा॒-भूमि॒-भूमि॑-रुप॒प्रयन्तः॒-सं पं॒श्या॒-म्ययं॑ज्ञः-
सं पं॒श्या॒-म्यग्नि॑होत्रं-मम॒ नाम॑-वैश्वान॒र-एका॑दश) ।

Korvai with starting Padams of 1, 11, 21 Series of
Panchaatis :-

(देवा॒सुराः-क्रु॒द्धः-सं पं॒श्यामि॒-सं पं॒श्यामि॒-नक्त॒-मुप॑गन्त॒-
नैकं॑पञ्चा॒शत्)

First and Last Padam of Fifth Prasnam :-

(देवा॒सुराः-पा॑रयि॒ष्णुं)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे
पञ्चमः प्रश्नः समाप्तः ॥

1.5.1 Annexure for 1.5

1.5.11.4 अ॒ग्नि॒र्मूर्धा॑ > 1

अ॒ग्नि॒र्मूर्धा॑ दि॒वः क॒कुत् पतिः॑ पृथि॒व्या अ॒यं ।

अ॒पा॒र॒ रेता॑र॒सि जि॒न्वति॑ । (TS 4-4-4-1)

1.5.11.4 भुवः॑ > 2

भुवो यज्ञस्य रजसश्च नेता यत्रा नियुद्धिः सचसे शिवाभिः ।
दिवि मूर्धानं दधिषे सुवर्षा जिह्वामंग्रे चकृषे हव्यवाहं ।
(TS 4-4-4-4)

=====

ओं नमः परमात्मने, श्री महागणपतये नमः,
श्री गुरुभ्यो नमः ॥ हरिः ओं

1.5 प्रथमकाण्डे षष्ठः प्रश्नः याजमानकाण्डं

TS 1.6.1.1

सं त्वां सिञ्चामि यजुषा प्रजामायुर्द्धनं च ।
बृहस्पतिं प्रसूतो यजमान इह मा रिषत् ॥
आज्यमसि सत्यमसि सत्यस्याद्ध्यक्षमसि हविरसि वैश्वानरं
वैश्वदेवमुत्पूत-शुष्मं सत्यौजाः सहोऽसि
सहमानमसि सहस्वारांतीः सहस्वारातीयुतः सहस्व पृतनाः सहस्व
पृतन्युतः । सहस्रवीर्यमसि तन्मां जिन्वाज्यस्याज्यमसि सत्यस्य
सत्यमसि सत्यायु -[] 1

TS 1.6.1.2

रसि सत्यशुष्ममसि सत्येनं त्वाऽभि घोरयामि तस्य ते भक्षीय
पञ्चानां त्वा वातानां अयन्त्राय धर्त्राय गृह्णामिपञ्चानां त्वर्तूनां
अयन्त्राय धर्त्राय गृह्णामिपञ्चानां त्वा दिशां अयन्त्राय धर्त्राय गृह्णामि
पञ्चानां त्वा पञ्चजनानां अयन्त्राय धर्त्राय गृह्णामिचरोस्त्वा

पञ्चबिलस्य यन्त्राय धृत्राय गृह्णामि ब्रह्मणस्त्वा तेजसे यन्त्राय धृत्राय
गृह्णामि क्षत्रस्य त्वौजसे यन्त्राय - [] 2

TS 1.6.1.3

धृत्राय गृह्णामि विशे त्वा यन्त्राय धृत्राय गृह्णामि सुवीर्याय त्वा गृह्णामि
सुप्रजास्त्वाय त्वा गृह्णामि रायस्पोषाय त्वा गृह्णामि ब्रह्मवर्चसाय त्वा
गृह्णामि भूरस्माकं हविर्देवानां-माशिषो यजमानस्य देवानां
त्वा देवताभ्यो गृह्णामि कामाय त्वा गृह्णामि ॥ 3

(सत्यायु-रोजसे यन्त्राय-त्रयस्त्रिंशच्च) (A1)

TS 1.6.2.1

ध्रुवोऽसि ध्रुवोऽहः संजातेषु भूयासं धीरश्चेत्तां
वसुविदुग्रोऽस्युग्रोऽहः संजातेषु भूयासमुग्रश्चेत्तां
वसुविदंभि-भूरस्यभिभूरहः संजातेषु भूयास-मभिभूश्चेत्तां
वसुविद्युनज्मिं त्वा ब्रह्मणा दैव्येन हव्यायास्मै वोढवे जातवेदः ॥

इन्धांनास्त्वा सुप्रजसः सुवीरा ज्योग्जीवेम बलिहृतो वयं ते ॥

यन्मै अग्रे अस्य यज्ञस्य रिष्या - [] 4

TS 1.6.2.2

द्यद्वा स्कन्दा-दाज्यस्योत विष्णो ।

तेन हन्मि सपत्नं दुर्मरायुमैनं दधामि निर्ऋत्या उपस्थे ।

भूर्भुवस्सुवुरुच्छुष्मो अग्रे यजमानायैधि निशुष्मो अभिदासंते ।

अग्रे देवैर्द्ध्र मन्विर्द्ध्र मन्द्रं जिह्वा-मर्त्यस्य ते

होतमूर्द्धन्ना जिघर्मि रायस्पोषाय सुप्रजास्त्वाय सुवीर्यायिमनोऽसि
प्राजापत्यं मनसा मा भूतेना *विंश वागस्यैन्द्री
संपत्क्षयणी - [] 5

TS 1.6.2.3

वाचा मैन्द्रियेणा *विंश वसन्तमृतूनां प्रीणामि स मां प्रीतः प्रीणातु
ग्रीष्ममृतूनां प्रीणामि स मां प्रीतः प्रीणातु वर्षा ऋतूनां प्रीणामि ता
मां प्रीताः प्रीणन्तु शरदमृतूनां प्रीणामि सा मां प्रीता प्रीणातु
हेमन्त -शिशिरावृतूनां प्रीणामि तौ मां प्रीतौ प्रीणीतामग्रीषोमयोरहं
दैवयज्यया चक्षुष्मान् भूयासमग्नेरहं दैवयज्ययात्रादो
भूयासं - [] 6

TS 1.6.2.4

दब्धिरस्यदब्धो भूयासमुं दभेयमग्रीषोमयोरहं
दैवयज्यया वृत्रहा भूयासमिन्द्राग्नियोरहं
दैवयज्ययैन्द्रियाव्यत्रादो भूयासमिन्द्रस्याऽहं
दैवयज्ययैन्द्रियावी भूयासं महेन्द्रस्याऽहं
दैवयज्यया जेमानं महिमानं गमेयमग्नेः स्विष्टकृतोऽहं
दैवयज्ययाऽऽयुष्मान् युजेनं प्रतिष्ठां गमेयं ॥ 7
(रिष्याथ-सपत्क्षयण्य-त्रादो भूयास-षट्त्रिंशच्च) (A2)

TS 1.6.3.1

अग्निर्मा दुरिष्टात् पातु सविताऽघशं साद्यो मेऽन्ति दूरेऽरातीयति
तमेतेनं जेषुं सुरूपवर्षवर्ण एहीमान् भद्रान् दुर्यां अभ्येहि

मामनुव्रता न्युं शीर्षाणि मृद्वमिड एह्यदित एहि सरस्वत्येहि
रन्तिरसि रमन्तिरसि सूनर्यसि जुष्टे जुष्टिं तेऽशीयोपहृत उपहृवं- []

8

TS 1.6.3.2

तेऽशीय सा मे सत्याऽऽशीरस्य यज्ञस्य भूयादरेडता मनसा
तच्छकेयं अयज्ञो दिवं रोहतु यज्ञो दिवं गच्छतु यो देवयानः
पन्थास्तेन यज्ञो देवा अप्येत्वस्मास्विन्द्र इन्द्रियं दधात्वस्मान्नायं
उत यज्ञाः संचन्तामस्मासु सन्त्वाशिषः सा नः प्रिया सुप्रतूर्तिर्मघोनी
जुष्टिरसि जुषस्व नो जुष्टा नो - [] 9

TS 1.6.3.3

ऽसि जुष्टिं ते गमेयं मनो ज्योतिं जुषतामाज्यं अविच्छिन्नं अयज्ञं
समिमं दधातु । बृहस्पतिं-स्तनुतामिमन्नो विश्वे देवा इह मादयन्तां
।

ब्रद्धं पिन्वस्व ददतो मे मा क्षायि कुर्वतो मे मोषं
दसत् प्रजापते-भर्गोऽस्यूजस्वान् पयस्वान् प्राणापानौ मे पाहि
समानव्यानौ मे पाह्युदानव्यानौ मे पाह्यक्षितोऽस्यक्षित्यै
त्वा () मा मे क्षेष्ठा अमुत्रामुष्मिन् अलोके ॥ 10
(उपहृवं-जुष्टानस्-त्वा षट्च) (A3)

TS 1.6.4.1

बृ॒ह॒हि॒षोऽहं॑ दे॒वय॒ज्यया॑ प्र॒जावा॑न् भूयासं॒ नरा॒शः॑ संस्याहं
दे॒वय॒ज्यया॑ पशु॒मान् भूया॑सम॒ग्नेः स्वि॑ष्ट॒कृतोऽहं॑
दे॒वय॒ज्यया॑ऽऽयु॒ष्मान्
य॒ज्ञेन॑ प्र॒तिष्ठां॑ ग॒मेयम॒ग्नेर॒ह-मुज्जि॑ति-मनू॒ज्जेष॑ः सोम॑स्याह-
मुज्जि॑ति-मनू॒ज्जेषम॒ग्नेर॒ह-मुज्जि॑ति-मनू॒ज्जेषम॒ग्नी-
षोम॑यो॒रह-मुज्जि॑ति-मनू॒ज्जेष-मिन्द्रा॑ग्रि॒यो॒रह-मुज्जि॑ति॒ मनू॒ज्जेष॑-
मिन्द्र॑स्याह - [] 11

TS 1.6.4.2

मुज्जि॑ति॒मनू॒ज्जेषं॑ महेन्द्र॑स्याह॒ मुज्जि॑ति॒मनू॒ज्जेषम॒ग्नेः स्वि॑ष्ट॒कृतोऽहं॑
मुज्जि॑ति॒मनू॒ज्जेषं॑ ऽवा॒जस्य॑ मा प्र॒सवे॑नो॒द्वाभे॑णोद॒ग्रभी॑त् ।
अथा॑ स॒पत्नाः॑ इन्द्रो॑ मे नि॒ग्राभे॑णाध॒राः अकः॑ ॥
उ॒द्वाभं॑ च॒ निग्रा॑भं च॒ ब्रह्म॑ दे॒वा अ॑वीवृ॒धन् ।
अथा॑ स॒पत्ना॑-निन्द्रा॒ग्नी मे॑ विषू॒चीना॑न्-व्य॑स्यतां ॥
ए॒मा अ॑ग्न॒न्नाशि॑षो॒ दोह॑कामा॒ इन्द्र॑वन्तो - [] 12

TS 1.6.4.3

वना॑महे धुक्षी॒महि॑ प्र॒जामि॑षं ॥
रोहि॑तेन त्वाऽग्नि॒र्दे॒वता॑ गमयतु॒ हरि॑भ्यां॒ त्वेन्द्रो॑ दे॒वता॑ गमय॒त्वेत॑ं शेन

त्वा॒ सूर्यो॑ दे॒वतां॑ गमयतु॒ वि ते॑ मुञ्चामि र॒शना॑ वि र॒श्मीन्॑ वि योक्त्वा॒
यानि॑ परि॒चर्त॑नानि धृ॒त्ताद॑स्मासु॒ द्रवि॑णं ऽयच्च॑ भ॒द्रं प्र॑णो॑
ब्रूताद्-भा॒ग॒धान् दे॒वता॑सु ॥
विष्णोः॑ श॒म् ऽयो॒र॒हं दे॑व॒य॒ज्यया॑ य॒ज्ञेन॑ प्र॒ति॒ष्ठां ग॑मेय॒ः सोम॑स्या॒हं
दे॑व॒य॒ज्यया॑ - [] 13

TS 1.6.4.4

सुरेता॒ रेतो॑ धिषीय॒ त्वष्टु॑र॒हं दे॑व॒य॒ज्यया॑ पशूना॒ः रू॒पं पु॑षेयं
दे॒वानां॑ पत्नी॑र॒ग्नि गृ॑हप॒ति र्य॑ज्ञस्य॑ मिथुनं तयो॑र॒हं दे॑व॒य॒ज्यया॑
मिथु॑नेन॒ प्रभू॑यासं ऽवे॒दोऽसि॑ वि॒त्तिर॑सि वि॒देय॑ कर्मा॑ऽसि
क॒रुण॑मसि
क्रि॒यासं॑ स॒निर॑सि स॒नि॒ताऽसि॑ स॒नेयं॑ घृ॒तव॑न्तं कुला॒यिनं॑
रा॒य॒स्पोषं॑ स॒ह॒स्रि॑णं ऽवे॒दो द॑दातु वा॒जिनं॑ ॥ 14 (इन्द्र॑स्या॒ह-
मिन्द्र॑वन्तः-सोम॑स्या॒हं दे॑व॒य॒ज्यया॑-चतु॑श्चत्वारि॒ः श॒च्च)(A4)

TS 1.6.5.1

आ प्या॑यतां ध्रु॒वा घृ॑तेन॑ य॒ज्ञं ऽय॑ज्ञं प्र॒ति दे॒व॒य॒द्भ्यः॑ ।
सूर्या॑या॒ ऊ॒धोऽदि॑त्या उ॒प॒स्थं उ॒रु॒धा॒रा पृ॑थि॒वी य॒ज्ञे अ॒स्मिन् ॥
प्र॒जाप॑ते वि॒भान्ना॑म॒ लो॒क॒स्तस्मि॑ ७ स्त्वा द॒धामि॑ स॒ह य॑ज॒माने॑न॒
सद॑सि॒ सन्मे॑ भूयाः॒ सर्व॑मसि॒ सर्व॑ मे भूयाः॒ पूर्ण॑मसि॒ पूर्ण॑ मे
भूया॑ अक्षि॑तमसि॒ मा मे॑ क्षे॒ष्टाः प्रा॒च्या दि॒शि दे॒वा ऋ॑त्विजो॑
मा॒र्जय॑न्तां दक्षि॑णायां - [] 15

TS 1.6.5.2

दिशि मासाः॑ पितरो॑ मार्जयन्तां प्रतीच्यां॑ दिशि गृहाः पशवो॑
मार्जयन्ता॑मुदीच्यां॑ दिश्याप॒ ओषधयो॒ वनस्पतयौ॑
मार्जयन्ता॑मूर्द्ध्वायां॑ दिशि यज्ञः सं॒वत्सरो॒ यज्ञपति॑ मार्जयन्तां॒
ॐविष्णोः॑

क्रमो॑ऽस्यभिमाति॒हा गा॒य॒त्रेण॒ छन्द॑सा पृथि॒वीमनु॑ वि क्र॒मे निर्भ॑क्तः
स यं द्वि॒ष्मो वि॒ष्णोः॑ क्रमो॑ऽस्यभि॒शस्ति॒हा त्रैष्टु॑भेन॒
छन्द॑सा॒ऽन्तरि॑क्षमनु॒
वि क्र॒मे निर्भ॑क्तः स यं द्वि॒ष्मो वि॒ष्णोः॑ क्रमो॑ऽस्यरातीय॒तो ह॒न्ता
जाग॑तेन॒ छन्द॑सा॒ दि॒वमनु॑ वि क्र॒मे निर्भ॑क्तः स यं द्वि॒ष्मो वि॒ष्णोः॑
क्रमो॑ऽसि शत्रूय॒तो ह॒न्ताऽऽनु॑ष्टुभेन॒ छन्द॑सा॒ दि॒शोऽनु॑ वि क्र॒मे
निर्भ॑क्तः स यं द्वि॒ष्मः ॥ 16

(दक्षिणाया - मन्तरि॑क्षमनु॒ वि क्र॒मे निर्भ॑क्तः स यं द्वि॒ष्मो
वि॒ष्णो- रेका॒न्न त्रि॒ंशच्च॑) (A5)

TS 1.6.6.1

अग॑न्म॒ सुवः॑ सुव॑रगन्म॒ संदृ॑शस्ते॒ मा छि॑त्सि॒ यत्ते तप॑स्तस्मै॒ ते
माऽऽ वृ॑क्षि सुभू॑रसि॒ श्रेष्ठो॑ रश्मी॒नामा॑यु॒र्द्धा अ॒स्यायु॑र्मै धेहि॒ वर्चो॑धा
अ॑सि॒ वर्चो॑ मयि॒ धेही॒दम॑हम॒मुं भ्रातृ॑व्यमा॒भ्यो दि॒ग्भ्यो॑ऽस्यै दि॒वो
ऽस्माद॑न्तरि॑क्षाद॒स्यै पृ॑थि॒व्या अ॒स्माद॑न्नाद्या॒न्निर्भ॑जामि
निर्भ॑क्तः स यं द्वि॒ष्मः ॥ 17

TS 1.6.6.2

सं ज्योतिषाऽभूवमैन्द्री-मावृतमन्वावर्ते समहं प्रजया सं मया प्रजा
समहः रायस्पोषेण सं मया रायस्पोषः समिद्धो अग्रे मे दीदिहि
समेद्धा ते अग्रे दीद्यासं ऽवसुमान् यज्ञो वसीयान् भूयासमग्र

आयूँषि पवस आ सुवोर्जमिषं च नः ।

आरे बांधस्व दुच्छुनां ॥ अग्रे पवस्व स्वपां अस्मे वर्चः सुवीर्यं । 18

TS 1.6.6.3

दधृत्पोषं रुयिं मयि ।

अग्रे गृहपते सुगृहपतिरहं त्वया गृहपतिना भूयासः सुगृहपतिर्मया
त्वं गृहपतिना भूयाः शतः हिमास्तामाशिषमा शांसे तन्तवे
ज्योतिष्मतीं तामाशिषमा शांसेऽमुष्मै ज्योतिष्मतीं कस्त्वां युनक्ति
स त्वा विमुञ्चत्वग्रे व्रतपते व्रतमचारिषं तदशकं तन्मेऽराधि यज्ञो
बभूव स आ -[] 19

TS 1.6.6.4

बभूव स प्रजज्ञे स वावृधे ।

स देवानामधिपति बभूव सो अस्माः अधिपतीन् करोतु वयं
स्याम पतयो रयीणां ॥

गोमाः अग्रेऽविमाः अश्वी यज्ञो नृवत्संखा सदमिदप्रमृष्यः ।

इडांवाः एषो असुर प्रजावान् दीर्घो रुयिः पृथुबुद्धः सभावान् ॥

20

(द्विष्मः-सुवीर्यं-स आ-पञ्चत्रिंशच्च) (A6)

TS 1.6.7.1

यथा वै संमृतसोमा एवं वा एते संमृतयज्ञा यद्दृशपूर्णमासौ
कस्य वाऽहं देवा यज्ञमागच्छन्ति कस्य वा न बहूनां
अयजमानानां अयो वै देवताः पूर्वः परिगृह्णाति स एनाः श्वो
भूते यजत एतद्वै देवानामायतनं अयदाहवनीर्योऽन्तराऽग्नी
पशूनां गार्हपत्यो मनुष्याणा-मन्वाहार्यपचनः
पितृणामग्निं गृह्णाति स्व एवायतने देवताः परि - [] 21

TS 1.6.7.2

गृह्णाति ताः श्वो भूते यजते व्रतेन वै मेद्ध्योऽग्निं व्रतपतिं ब्राह्मणो
व्रतभृद्-व्रतमुपैष्यन् ब्रूयादग्नें व्रतपते व्रतं चरिष्यामीत्यग्निर्वै
देवानां अव्रतपति-स्तस्मा एव प्रतिप्रोच्य व्रतमा लभते बर्हिषा
पूर्णमासे व्रतमुपैति वत्सैरमावास्या-यामेतद्ध्येतयो-
रायतनमुपस्तीर्यः पूर्वश्चाग्निरपरश्चेत्याहु मनुष्या - [] 22

TS 1.6.7.3

इन्वा उपस्तीर्ण-मिच्छन्ति किमु देवा येषां नवावसान-
मुपास्मिञ्छो यक्ष्यमाणे देवता वसन्ति य एवं
अविद्वानग्निमुपस्तृणाति यजमानेन ग्राम्याश्च पशवोऽवरुद्ध्या
आरण्याश्चेत्याहु र्यद्ग्राम्यानुप वसन्ति तेन ग्राम्यानवं रुन्धे
यदारण्यस्याश्नाति तेनारण्यान् यदनाश्वानुपवसेत् पितृदेवत्यः

स्यादारुण्यस्यां-श्रातीन्द्रियं - [] 23

TS 1.6.7.4

ॐवा आरुण्यमिन्द्रियमेवाऽऽत्मं धत्ते यदनांश्चानुपवसेत् क्षोधुंकः
स्याद्यदंश्रीयाद्रुद्रोऽस्य पशून्भि मन्येताऽपोऽश्राति तन्नेवांशितं
नेवाऽनंशितं न क्षोधुंको भवति नास्य रुद्रः पशून्भि मन्यते वज्रो
वै यज्ञः क्षुत्खलु वै मनुष्यस्य भ्रातृव्यो यदनां ऽश्चानुपवसति वज्रेणैव
साक्षात् () क्षुधं भ्रातृव्यं हन्ति ॥ 24

(परिं-मनुष्यां-इन्द्रियं-साक्षात्-त्रीणि च) (A7)

TS 1.6.8.1

यो वै श्रद्धामनारभ्य यज्ञेन यजते नास्येष्टाय श्रद्धं धत्तेऽपः प्रणयति
श्रद्धा वा आपः श्रद्धामेवाऽऽरभ्य यज्ञेन यजत उभयैऽस्य
देवमनुष्या

इष्टाय श्रद्धं धत्ते तदाहुरति वा एता वत्रं नेदन्त्यति वाचं मनो वावैता
नार्ति नेदन्तीति मनसा प्रणयतीयं ॐवै मनो - [] 25

TS 1.6.8.2

ऽनयैवैनाः प्रणयत्य-स्कन्नहवि भवति य एवं ॐवेदं
यज्ञायुधानि सं भरति यज्ञो वै यज्ञायुधानि यज्ञमेव तत्सं भरति
यदेकमेकं संभरेत्-पितृदेवत्यानि स्युर्यथ सह सर्वाणि मानुषाणि
द्वेद्वे संभरति याज्यानुवाक्ययोरेव रूपं करोत्यथो मिथुनमेवयो वै
दशं यज्ञायुधानि वेदं मुखतोऽस्य यज्ञः कल्पते स्म्यः - [] 26

TS 1.6.8.3

चं कृपालानि चाग्निहोत्रहवणी च शूर्पं च कृष्णाजिनं च शम्यां
चोलूखलं च मुसलं च दृषच्चोपला चैतानि वै दशं
यज्ञायुधानि य एवं ऽवेदं मुखतोऽस्य यज्ञः कल्पते यो वै देवेभ्यः
प्रतिप्रोच्यं यज्ञेन यजते जुषन्तेऽस्य देवा हव्यः हवि
निरूप्यमाणमभि मन्त्रयेताऽग्निः होतारमिह तः हुव इति-[] 27

TS 1.6.8.4

देवेभ्य एव प्रतिप्रोच्यं यज्ञेन यजते जुषन्तेऽस्य देवा हव्यमेष
वै यज्ञस्य ग्रहो गृहीत्वैव यज्ञेन यजते तदुदित्वा वाचं ऽयच्छति
यज्ञस्य धृत्या अथो मनसा वै प्रजापति र्यज्ञमतनुत मनसैव तद्यज्ञं
तनुते रक्षसा-मनन्ववचाराय यो वै यज्ञं ऽयोग आगते युनक्तिं
युङ्क्ते युञ्जानेषु कस्त्वा युनक्ति स त्वा युनक्तिव () त्याह
प्रजापतिर्वै कः प्रजापतिनैवैनं ऽयुनक्ति युङ्क्ते युञ्जानेषु ॥ 28
(वैमनः-स्फ्य-इति-युनक्त्वे-कादश च) (A8)

TS 1.6.9.1

प्रजापति र्यज्ञा-नसृजताग्निहोत्रं चाग्निष्टोमं च पौर्णमासीं चोक्थ्यं
चामावास्यां चातिरात्रं च तानुदमिमीत यावदग्निहोत्र-मासीत्
तावानग्निष्टोमो यावन्ती पौर्णमासी तावानुक्थ्यो यावत्यमावास्यां
तावानतिरात्रो य एवं ऽविद्वानग्निहोत्रं जुहोति

यावदग्निष्टोमेनोपाप्नोति तावदुपाऽऽप्नोति य एवं ऽविद्वान्
पौर्णमासीं ऽयजते
यावदुक्थ्येनोपाप्नोति - [] 29

TS 1.6.9.2

तावदुपाऽऽप्नोति य एवं ऽविद्वानमावास्यां ऽयजते
यावदतिरात्रेणोपाप्नोति तावदुपाऽऽप्नोति परमेष्ठिनो वा एष यज्ञोऽग्रं
आसीत् तेन स परमां काष्ठां गच्छत् तेन प्रजापतिं निरवासाययत्
तेन प्रजापतिः परमां काष्ठां गच्छत् तेनेन्द्रं निरवासाययत् तेनेन्द्रः
परमां काष्ठां गच्छत् तेनाऽग्नीषोमौ निरवासाययत् तेनाग्नीषोमौ
परमां काष्ठां गच्छतां ऽय - [] 30

TS 1.6.9.3

एवं ऽविद्वान् दर्.शपूर्णमासौ यजते परमामेव काष्ठां गच्छति यो वै
प्रजातेन यज्ञेन यजते प्रप्रजयां पशुभिर्मिथुनैर्जयिते द्वादश मासाः
सं०वत्सरो द्वादश द्वन्द्वानि दर्.शपूर्णमासयोस्तानि
संप्राद्यानीत्याहुर्वत्सं चोपावसृजत्युखां चाधि श्रयत्यव च हन्ति
दृषदौ च समाहन्त्यधि च वपते कपालानि चोपं दधाति पुरोडाशं- [] 31

TS 1.6.9.4

चाऽधिश्रयत्याज्यं च स्तंबयजुश्च हरत्यभि च गृह्णाति वेदिं च परि
गृह्णाति पर्णी च संनहति प्रोक्षणीश्चाऽऽसादयत्याज्यं चैतानि वै

द्वादश द्वन्द्वानि दर्.शपूर्णमासयोस्तानि य एव॑ संपाद्य यजते
प्रजातेनैव यज्ञेन यजते प्र प्रजयां पशुभिर्मिथुनैर्जयिते ॥ 32
(उक्थ्येनोपाप्रोत्य-गच्छतां ऽयः- पुरोडाशं-चत्वारिंशच्च)(A9)

TS 1.6.10.1

ध्रुवोऽसि ध्रुवोऽह॑ संजातेषु भूयासमित्याह ध्रुवानेवैनान् कुरुत
उग्रोऽस्युग्रोऽह॑ संजातेषु भूयासमित्याहा प्रतिवादिन एवैनान्
कुरुते-ऽभिभूरस्यभिभूरह॑ संजातेषु भूयासमित्याह य एवैनं
प्रत्युत्पिपीते तमुपास्यते युनज्मिं त्वा ब्रह्मणा दैव्येनेत्याहैष वा
अग्नेर्योगस्तेनै - [] 33

TS 1.6.10.2

वैनं ऽयुनक्ति यज्ञस्य वै समृद्धेन देवाः सुवर्गं ऽलोकमायन् यज्ञस्य
वृद्धेनासुरान् परां भावयन् यन्मे अग्ने अस्य यज्ञस्य रिष्यादित्याह
यज्ञस्यैव तत्समृद्धेन यजमानः सुवर्गं ऽलोकमेति यज्ञस्य वृद्धेन
भ्रातृव्यान् परां भावयत्यग्निहोत्र-मेताभिर्व्याहृतीभिरुप
सादयेद्यज्ञमुखं ऽवा अग्निहोत्रं ब्रह्मैता व्याहृतयो यज्ञमुख एव ब्रह्म -
[] 34

TS 1.6.10.3

कुरुते सं॒वत्स॒रे प॒र्याग॑न्त ए॒ताभि॑रे॒वोप॑ सादयेद्-ब्रह्मणै॒वोभ॑यतः
सं॒वत्स॒रं परि॑ गृह्णाति दर्.शपूर्णमासौ चा॒तुर्मा॑स्यान् या॒लभ॑मान
ए॒ताभि॑र्व्याहृतीभिर्ह॒वी॒ष्वासा॑दयेद्यज्ञमुखं ऽवै दर्.शपूर्णमासौ

चा॒तुर्मा॒स्यानि॒ ब्रह्मै॒ता व्या॒ह॒तयो॑ य॒ज्ञमु॒ख ए॒व ब्र॒ह्म कुरु॑ते सं॒वत्स॒रे
प॒र्या॒ग॒न्त ए॒ताभि॑रे॒वासा॑दयेद् ब्र॒ह्म॒णै॒वो॒भ॒यतः॑ सं॒वत्स॒रं प॑रि॒गृ॒ह्णाति॒
यद्वै य॒ज्ञस्य॒ साम्नां॑ क्रि॒यते॑ रा॒ष्ट्रं - [] 35

TS 1.6.10.4

ॐय॒ज्ञस्या॒- *शीर्ग॑च्छति॒ यदृ॒चा वि॒शं ॐय॒ज्ञस्या॒*शीर्ग॑च्छत्यथ॑
ब्रा॒ह्म॒णोऽना॒शीर्के॑ण य॒ज्ञेन॑ यज॒ते सा॒मिधे॒नीर॑नुव॒क्ष्यन्ने॒ता व्या॒ह॒तीः
पु॒रस्ता॑द॒द्भ्याद् ब्र॒ह्मै॒व प्र॑ति॒पदं॑ कुरु॒ते तथा॑ ब्रा॒ह्म॒णः सा॒शीर्के॑ण
य॒ज्ञेन॑ यज॒ते यं का॒मये॑त् यज॑मानं॒ भ्रातृ॑व्यमस्य
य॒ज्ञस्या॒*शीर्ग॑च्छेदिति॒ तस्यै॒ ता व्या॒ह॒तीः पु॒रोनु॒वा॒क्यायां॑ द॒द्भ्याद्
भ्रातृ॑व्यदे॒व॒त्या वै पु॒रोनु॒वा॒क्यां भ्रातृ॑व्यमे॒वास्य॑ य॒ज्ञस्या॒ - [] 36

TS 1.6.10.5

ऽऽशीर्ग॑च्छति॒ यान् का॒मये॑त् यज॑मानान् स॒माव॑त्येनान् य॒ज्ञस्या॒
ऽऽशीर्ग॑च्छेदिति॒ तेषां॑मे॒ता व्या॒ह॒तीः पु॒रोऽनु॒वा॒क्याया॑ अ॒र्द्ध॒र्च ए॒कां
द॒द्भ्याद्या॒ज्यायै॑ पु॒रस्ता॑दे॒कां ॐया॒ज्याया॑ अ॒र्द्ध॒र्च ए॒कां तथै॑नान्
स॒माव॑ती य॒ज्ञस्या॒ ऽऽशीर्ग॑च्छति॒ यथा॒ वै प॒र्जन्यः॑ सु॒वृष्टं॑ ॐव॒र्ष॒त्ये॒वं
ॐय॒ज्ञो यज॑मानाय व॒र्षति॑ स्थल॑योद॒कं प॑रि॒गृ॒ह्णन्त्या॒शिषां॑ य॒ज्ञं
ॐयज॑मानः प॑रि॒गृ॒ह्णाति॒मनो॑ऽसि प्रा॒जाप॒त्यं - [] 37

TS 1.6.10.6

मनसा मा भूतेना ऽऽविशेत्याहु मनो वै प्राजापत्यं प्राजापत्यो यज्ञो
मन एव यज्ञमात्मन् धत्ते वागस्यैन्द्री संपत्क्षयणी वाचा
मैन्द्रियेणाऽऽविशेत्याहैन्द्री वै वाग्वाचं-मेवैन्द्री-मात्मन् धत्ते ॥ 38
(तेनै-व ब्रह्मं- राष्ट्र-मेवास्यं यज्ञस्यं-प्राजापत्यं-षट्त्रिंशच्च)
(A10)

TS 1.6.11.1

यो वै सप्तदशं प्रजापतिं ऽयज्ञमन्वायन्तं ऽवेद प्रति यज्ञेन तिष्ठति
न यज्ञाद् भ्रंशत आ श्रावयेति चतुरक्षरमस्तु श्रौषडिति चतुरक्षरं
ऽयजेति द्व्यक्षरं ऽये यजामह इति पञ्चाक्षरं द्व्यक्षरो वषट्कार
एष वै सप्तदशः प्रजापतिं यज्ञमन्वायन्तो य एवं ऽवेद प्रति यज्ञेन
तिष्ठति न यज्ञाद् भ्रंशते यो वै यज्ञस्य प्रायणं प्रतिष्ठा- [] 39

TS 1.6.11.2

मुदयन्तं ऽवेद प्रतिष्ठितेनारिष्टेन यज्ञेन सृष्ट्यां गच्छत्या
श्राव्यास्तु श्रौषड्यज ये यजामहे वषट्कार एतद्वै यज्ञस्य
प्रायणमेषा प्रतिष्ठैतदुदयन्तं ऽय एवं ऽवेद प्रतिष्ठितेनाऽरिष्टेन यज्ञेन
सृष्ट्यां गच्छति यो वै सूनृतायै दोहं ऽवेदं दुह एवैनां ऽयज्ञो
वै सूनृता ऽऽश्रावयेत्यैवैनां-महदस्तु - [] 40

TS 1.6.11.3

श्रौषडित्युपावांस्त्रायजेत्युदनैषीद्ये यजामह
इत्युपाऽसद्वषट्कारेण
दोग्ध्येष वै सूनृतायै दोहो य एवं ऽवेदं दुह एवैनां देवा वै सत्रमांसतु

तेषां दिशोऽदस्यन्त एतामाद्रां पङ्क्तिमपश्यन्ना श्रावयेति
पुरोवात-मंजनयन्नस्तु श्रौषडित्यभ्रः समप्लावयन्.
यजेति विद्युतं - [] 41

TS 1.6.11.4

मजनयन्. ये यजामह इति प्रावर्षयन्नभ्यस्तनयन् वषट्कारेण
ततो वै तेभ्यो दिशः प्राप्यायन्त य एवं ऽवेद प्रास्मै दिशः प्यायन्ते
प्रजापतिं त्वो वेदं प्रजापतिस्त्वं ऽवेद यं प्रजापतिर्वेद स पुण्यो
भवत्येष वै छन्दस्यः प्रजापतिरा श्रावयाऽस्तु श्रौषड्यज ये यजामहे
वषट्कारो

य एवं ऽवेद पुण्यो भवति वसन्त - [] 42

TS 1.6.11.5

मृतूनां प्रीणामीत्याहर्तवो वै प्रयाजा ऋतूनेव प्रीणाति तैऽस्मै प्रीता
यथापूर्वं कल्पन्ते कल्पन्तेऽस्मा ऋतवो य एवं ऽवेदाग्नीषोमयोरहं
दैवयज्यया चक्षुष्मान् भूयासमित्याहाग्नीषोमाभ्यां वै यज्ञश्चक्षुष्मान्-
ताभ्यामेव चक्षुरात्मन् धत्ते ऽग्रेरहं दैवयज्ययात्रादो
भूयासमित्याहाग्निं वै देवानामन्नादस्ते नै वा - [] 43

TS 1.6.11.6

ऽन्नाद्यमात्मन् धत्ते दब्धिरस्यदब्धो भूयासममुं दंभेयमित्याहैतया
वै दब्ध्या देवा असुरानदभ्नुवन्तयैव भ्रातृव्यं दभ्नोत्यग्नीषोमयोरहं
दैवयज्यया वृत्रहा भूयासमित्याहाऽग्नीषोमाभ्यां ऽवा इन्द्रो

वृत्रमंहन्ताभ्यामेव भ्रातृव्यꣳ स्तृणुत इन्द्राग्रियोरुहं
देवयुज्ययेन्द्रियाव्यन्त्रादो भूयासमित्याहेन्द्रियाव्येवान्त्रादो
भवतीन्द्रस्या - [] 44

TS 1.6.11.7

ऽहं देवयुज्ययेन्द्रियावी भूयासमित्याहेन्द्रियाव्येव भवति
महेन्द्रस्याऽहं देवयुज्यया जेमानं महिमानं गमेयमित्याह
जेमानमेव महिमानं गच्छत्यग्नेः स्विष्टकृतोऽहं
देवयुज्ययाऽऽयुष्मान्
यज्ञेनं प्रतिष्ठां गमेयमित्याहायुरेवात्मन् धत्ते प्रति यज्ञेनं-तिष्ठति ॥
45

(प्रतिष्ठा-महद्दस्तु-विद्युतं-वसन्तं-तेनैवे-न्द्रस्या-ष्टात्रिंशच्च)
(A11)

TS 1.6.12.1

इन्द्रं वो विश्वतस्परि हवामहे जनैभ्यः । अस्माकमस्तु केवलः ॥
इन्द्रं नरो नेमधिंता हवन्ते यत्पार्यायुनजंते धियस्ताः ।
शूरो नृषांता शवंसश्चकान आ गोमंति वृजे भजा त्वन्नः ॥
इन्द्रियाणि शतक्रतो या ते जनैषु पञ्चसु । इन्द्र तानि त आ वृणे ॥

अनु ते दायि मह इन्द्रियाय सत्रा ते विश्वमनु वृत्रहत्ये ।

अनु-[] 46

TS 1.6.12.2

क्षत्रमनु स॒हो यज॒त्रेन्द्रं दे॒वेभि॒रनु॑ ते नृ॒षहो॑ ॥
 आय॒स्मिन् त्सु॒प्तवा॑स॒वा स्तिष्ठ॑न्ति स्वा॒रुहो॑ यथा ।
 ऋषि॑र्ह दी॒र्घश्रु॑त्त॒म इन्द्र॑स्य घ॒र्मो अति॑थिः ॥
 आ॒मासु॑ प॒क्कमैर॑य॒ आ सूर्य॑ः रो॒हयो दि॒वि ।
 घ॒र्मं न सामं॑ तप॒ता सुवृ॑क्तिभि॒र्जुष्टं॑ गिर्व॑णसे गिरः॑ ॥
 इन्द्र॑मिद् गा॒थिनो॑ बृ॒हदिन्द्रं॑ म॒र्केभि॑ र॒र्किणः॑ । इन्द्रं॑ ऽवाणी॑रनूष॒त ॥
 गाय॑न्ति त्वा गाय॒त्रिणो॑ - [] 47

TS 1.6.12.3

ऽर्चं॑ त्य॒र्क म॒र्किणः॑ ।

ब्र॒ह्माण॑स्त्वा श॒तक्र॑त्-वु॒द्वः श॒मिव॑ येमिरे ॥
 अ॒ःहो॒मुचे॑ प्र भ॒रेमा मनी॑षा मो॒षिष्ठु॑-दा॒न्त्रे सु॒मतिं॑ गृ॒णानाः॑ ।
 इ॒दमिन्द्र॑ प्र॒ति ह॒व्यं गृ॑भाय स॒त्याः सं॒न्तु यज॑मानस्य॒ कामाः॑ ॥
 वि॒वेष॑ यन्मा॑ धि॒षणा॑ ज॒जानु॑ स्तवै॑ पुरा पा॒र्यादिन्द्र॑ महः॑ ।
 अ॒ःहंसो॑ यत्र॑ पी॒पर॒द्यथा॑ नो ना॒वेव॑ या॒न्तं मु॒भये॑ हवन्ते ॥
 प्र स॒म्राजं॑ प्रथ॒म म॑द॒ध्वरा॑णा - [] 48

TS 1.6.12.4

मः॑ हो॒मुचं॑ ऽवृ॒षभं॑ ऽय॒ज्ञिया॑नां ।
 अ॒पां नपा॑तम॒श्विना॑ ह॒यन्त॑ म॒स्मिन्न॑र इन्द्रि॒यं ध॑त्त॒मोजः॑ ॥
 वि न॑ इन्द्र॒ मृधो॑ जहि नी॒ चा य॑च्छ पृ॒तन्य॑तः ।
 अ॒ध॒स्पदं॑ तमी॑ कृ॒धि यो अ॒स्माः अ॑भि॒दास॑न्ति ॥
 इन्द्रं॑ क्ष॒त्रम॒भि वा॒ममो॑जो ऽजा॑यथा वृष॒भ चर्ष॑णी॒नां ।

अपा॑नुदो॒ जन॑ममि॒त्र यन्तं॑ मु॒रुं दे॒वेभ्यो॑ अकृ॒णोरु॑ लो॒कं ॥

मृ॒गो न भी॒मः कु॑च॒रो गि॑रि॒ष्ठाः प॑रा॒वत॒ - [] 49

TS 1.6.12.5

आ ज॑गामा॒ पर॑स्याः ।

सृ॒कꣳ सृ॒ꣳशा॒यं पु॒विमि॑न्द्र ति॒ग्मं ॐ॒वि शत्रू॑न् ता॒ढि वि॒मृधो॑ नुदस्व ॥

वि शत्रू॑न् वि मृ॒धो नुद॒ विवृ॑त्रस्य॒ हनू॑ रुज ।

वि म॒न्युमि॑न्द्र भा॒मि॒तो ऽमि॑त्रस्याऽभि॒ दास॑तः ॥

त्रा॒ता॒रमि॑न्द्रं म॒वि॒ता॒र मि॑न्द्रꣳ ह॒वे ह॒वे सु॒हवꣳ शू॒रमि॑न्द्रं ।

हु॒वे नु श॒क्रं पु॑रु॒हूतमि॑न्द्रꣳ स्व॒स्ति नो॑ म॒घवा॑ धा॒त्विन्द्रः॑ ॥

मा ते॑ अ॒स्याꣳ - [] 50

TS 1.6.12.6

सं॒हसा॑व॒न् परि॑ष्टा व॒घाय॑ भूम॒ हरि॑वः प॒रा॒दै ।

त्रा॒यस्व॑ नो ऽवृ॒केभि॑-र्व॒रूथै॑ स्त॒वं प्रि॒यासः॑ सू॒रिषु॑ स्याम ॥

अ॒न॒वस्ते॑ रथ॒मश्वा॑य तक्षन्-त्व॒ष्टा वज्रं॑ पु॒रुहू॑त द्युमन्तं ।

ब्र॒ह्माण॑ इन्द्रं॑ म॒हय॑न्तो अ॒र्केर॑व॒र्द्धय॑न्न॒हये॑ हन्त॒ वा उ॑ ॥

वृ॒ष्णे यत् ते॑ वृष॑णो अ॒र्कम॑र्चा॒निन्द्र॑ ग्रा॒वा॒णो अ॒दि॒तिः सृ॒जोषाः॑ ।

अ॒न॒श्वा॒सो ये पु॒वयो॑ऽर॒था इन्द्रै॑षि॒ता अ॒भ्यव॑र्त्त॒त द॑स्यून् ॥ 51

(वृ॒त्रह॑त्येऽनु॑-गा॒य॒त्रि॒णो-ऽध्व॑रा॒णां-प॑रा॒वतो॑-ऽस्या-

मृ॒ष्टाच॑त्वारिꣳश॒च्च) (A12)

Prasna Korvai with starting Padams of 1 to 12

Anuvaakams :-

(संत्वां सिञ्चामि-ध्रुवो-ऽस्यग्निर्मा-बर्-हिषोऽह-मा प्यायता-मगन्म-
यथा वै-यो वै श्रद्धां- प्रजापतिर्यज्ञान्-ध्रुवोसीत्याह-यो वै सप्तदश-
मिन्द्रं ऽवो-द्वादश ।)

Korvai with starting Padams of 1, 11, 21 Series of
Panchaatis :-

(संत्वां-बर्-हिषोऽहं-यथा वा-एवं ऽविद्वा-ज्छ्रौषट्-साहसाव-
न्नेकपञ्चाशत् ।)

First and Last Padam of Sixth Prasnam:-

(संत्वां-सिञ्चामि दस्यून् ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

षष्ठः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.6 प्रथमकाण्डे सप्तमः प्रश्नः याजमान-ब्राह्मणं

TS 1.7.1.1

पाकयज्ञं वा अन्वाहिताग्नेः पशव उषं तिष्ठन्त इडा खलु वै
पाकयज्ञः सैषाऽन्तरा प्रयाजानूयाजान् यजमानस्य लोकेऽवहिता
तामाह्वियमाणामभि मन्त्रयेत् सुरूपवर्षवर्ण एहीति पशवो वा
इडा

पशून्नेवोषं ह्वयते यज्ञं वै देवा अदुहन् यज्ञोऽसुराः अदुहत्
तेऽसुरा

यज्ञदुग्धाः पराऽभवन् यो वै यज्ञस्य दोहं विद्वान् - [] 1

TS 1.7.1.2

यजतेऽप्यन्यं यजमानं दुहे सा मे सत्याऽऽशीरस्य यज्ञस्य
भूयादित्याहैष वै यज्ञस्य दोहस्तेनैवैनं दुहे प्रत्ता वै गौर्दुहे प्रत्तेडा
यजमानाय दुह एते वा इडांयै स्तना इडोपहूतेति वायुर्वत्सो यर्हि
होतेडामुपह्वयेत् तर्हि यजमानो होता रमीक्षमाणो वायुं
मनसाद्ध्यायेन् - [] 2

TS 1.7.1.3

मात्रे वत्समुपावसृजति सर्वेण वै यज्ञेन देवाः सुवर्गं लोकमायन्
पाकयज्ञेन मनुरश्राम्यत्सेडा मनुमुपावर्तत तां देवासुरा व्यह्वयन्त
प्रतीचीं देवाः परांचीमसुराः सा देवानुपावर्तत पशवो वै तद्
देवानवृणत पशवोऽसुरानजहुर्य कामयेता पशुः स्यादिति परांचीं

तस्येडा॒मुपं ह्वयेता॑प॒शुरेव भ॑वति॒ यं - [] 3

TS 1.7.1.4

का॒मये॑त प॒शुमा॑न्त् स्या॒दिति॑ प्र॒तीचीं॑ तस्येडा॒मुपं॑ह्वयेत प॒शुमा॑ने॒व
भ॑वति ब्र॒ह्मवा॑दि॒नो वद॑न्ति॒ स त्वा इडा॑मुपं ह्वयेत् य इडा॑मुप॒-
हूया॑त्मा॒न्-मिडा॑यामुप॒-ह्वये॑तेति॒ सा नः॑ प्रि॒या
सुप्र॑तू॒र्ति-र्म॒घोनी॑त्या॒-हेडा॑मे॒वोप॑हूया॒ऽऽत्मा॑-
न॒मिडा॑यामुपं॑ह्वयते॒ व्य॑स्तमि॒व वा ए॒तद्य॑ज्ञस्य॒ यदि॑डां
सा॒मि प्रा॑श्रन्ति॒ - [] 4

TS 1.7.1.5

सा॒मि मा॑र्जयन्त ए॒तत् प्रति॑ वा अ॒सुरा॑णां अ॒य॒ज्ञो व्य॑च्छिद्यत्
ब्र॒ह्म॑णा दे॒वाः सम॑दधु बृ॒हस्प॑ति॒-स्तनु॑तामि॒मं न॒ इत्या॑ह
ब्र॒ह्म वै दे॒वानां॑ बृ॒हस्प॑ति॒ ब्र॒ह्म॑णै॒व य॒ज्ञः सं द॑धाति॒ विच्छि॑न्नं
अ॒य॒ज्ञः स॒मि॒मं द॑धा॒त्वित्या॑ह संत॑त्यै॒ विश्वे॑ दे॒वा इ॒ह
मा॑दयन्ता॒मित्या॑ह
स॒न्तत्यै॑व य॒ज्ञं दे॒वेभ्यो॑ऽनुं दि॒शति॑ यां अ॒वै - [] 5

TS 1.7.1.6

य॒ज्ञे दक्षि॑णां ददा॑ति॒ ताम॑स्य प॒शवो॑ऽनु सं क्रा॑मन्ति॒ स ए॒ष
ई॒जा॒नो॑ऽप॒शुर्भा॑वु॒को य॑ज॒माने॑न् खलु॒ वै तत्का॑र्य॒-मि॒त्याहु॑ र्यथा॑
दे॒व॒त्रा द॒त्तं कु॑र्वी॒तात्म॑न् प॒शून् र॒मये॑तेति॒ ब्र॒द्धं पि॒न्वस्वे॒त्याह
य॒ज्ञो वै ब्र॒द्धो य॒ज्ञमे॒व तन्म॑हय॒त्यथो॑ दे॒व॒त्रैव द॒त्तं कु॑रुत
आ॒त्मन् प॒शून् र॑मयते दद॑तो मे () मा क्षा॒यीत्या॑हाक्षि॑तिमे॒वोपै॑ति

कुर्वतो मे मोपं दसदित्याह भूमानमेवोपैति ॥ 6
(विद्वान्-ध्यायेद्-भवति यं-प्राश्नन्ति-यां ऽवै-म्-
एकान्न विंशतिश्च) (A1)

TS 1.7.2.1

स॒७ श्र॑वा ह सौवर्च॑न॒सः तुमि॑ञ्ज॒मौपो॑दिति-मुवाच॒
यत्स॒त्रिणा॑ होताऽभूः कामि॑डा॒मुपा॑ह॒था इति॑
तामुपा॑ह॒ इति॑ होवाच॒ या प्रा॑णेन॑ देवान् दा॒धारं व्या॑नेन॑
मनु॑ष्या॒नपा॑नेन॑
पि॒तृनि॑तिं छि॒नन्ति॑ सा न छि॑न॒त्ती(3) इति॑ छि॒नन्ती॑तिं होवाच॒ शरी॑रं
ॽवा अ॑स्यै तदुपा॑ह॒था इति॑ होवाच॒ गौर्वा - [] 7

TS 1.7.2.2

अ॑स्यै शरी॑रं गां ॽवाव तौ तत् पर्य॑वदतां ॽया यु॒ज्ञे दी॒यते॑ सा
प्रा॑णेन॑ देवान् दा॒धार यया॑ मनु॑ष्या जीव॑न्ति सा व्या॑नेन॑
मनु॑ष्यान् यां पि॒तृभ्यो॑ घ्नन्ति॑ साऽपा॑नेन॑ पि॒तृन् य एवं ॽवेदं॑
पशु॑मान् भ॑वत्यथ॒ वै तामुपा॑ह॒ इति॑ होवाच॒ या प्र॒जाः प्र॒भव॑न्तीः
प्रत्या॑भव॒तीत्य॑न्नं ॽवा अ॑स्यै तदु - [] 8

TS 1.7.2.3

पा॑ह॒था इति॑ होवाचौष॑धयो॒ वा अ॑स्या॒ अन्न॑मोष॑धयो॒ वै प्र॒जाः
प्र॒भव॑न्तीः प्रत्या॑ भ॑वन्ति॒ य एवं ॽवेदा॑न्ना॒दो भ॑वत्यथ॒ वै तामुपा॑ह॒
इति॑
होवाच॒ या प्र॒जाः प॑रा॒भव॑न्ती-रनु॑गृह्णाति॒ प्रत्या॑भव॑न्ती गृ॑ह्णातीति॑

प्रतिष्ठां

ॐवा अंस्यै तदुपाह्वथा इति होवाचे यं ॐवा अंस्यै प्रतिष्ठे- [] 9

TS 1.7.2.4

यं ॐवै प्रजाः पराभवंन्तीरनुं गृह्णाति प्रत्याभवंन्ती गृह्णाति
य एवं ॐवेद् प्रत्येव तिष्ठत्यथ वै तामुपाह्व इति होवाच यस्यै
निक्रमणे घृतं प्रजाः संजीवंन्तीः पिबन्तीति छिनत्ति सा न
छिनत्ती(3) इति न छिनत्तीति होवाच प्र तु जनयतीत्येष वा
इडामुपाह्वथा इति

() होवाच वृष्टिर्वा इडा वृष्ट्यै वै निक्रमणे घृतं प्रजाः संजीवंन्तीः
पिबन्ति य एवं ॐवेद् प्रैव जायतेऽन्नादो भवति ॥ 10
(गौर्वा-अंस्यै-तत्-प्रतिष्ठा-ऽह्वथा-इति-विंशतिश्च) (A2)

TS 1.7.3.1

परोक्षं ॐवा अन्ये देवा इज्यन्ते प्रत्यक्षमन्ये यद्यजते य एव देवाः
परोक्षमिज्यन्ते तानेव तद्यजतियदन्वाहार्य-माहरत्येते वै देवाः
प्रत्यक्षं

ॐयद् ब्राह्मणास्तानेव तेन प्रीणात्यथो दक्षिणैवास्यैषाऽथो यज्ञस्यैव
छिद्रमपि दधाति यद्वै यज्ञस्यं क्रूरं ॐयद्विलिष्टं तदन्वाहार्येणा - []

11

TS 1.7.3.2

ऽन्वाहरति तदन्वाहार्यस्या-न्वाहार्यत्वं देवदूता वा एते यदृत्विजो
यदन्वाहार्य-माहरति देवदूतानेव प्रीणातिप्रजापति देवेभ्यो यज्ञान्
व्यादिशथ् स रिरिचानोऽमन्यत् स एतमन्वाहार्य-मभक्त-मपश्यत्
त

मात्मन्नधत्तस वा एष प्राजापत्यो यदन्वाहार्यो यस्यैवं
ऽविदुषोऽन्वाहार्य

आह्रियते साक्षादेव प्रजापतिमृद्ध्योत्य-परिमितो निरुप्योऽपरिमितः
प्रजापतिः प्रजापते- [] 12

TS 1.7.3.3

राप्त्यै देवा वै यद्यज्ञेऽकुर्वत् तदसुरा अकुर्वत् ते देवा एतं
प्राजापत्य-मन्वाहार्य-मपश्यन् तमन्वाहरन्त ततो देवा अभवन्
परासुरा यस्यैवं ऽविदुषोऽन्वाहार्य आह्रियते भवत्यात्मना परास्य
भ्रातृव्यो भवति यज्ञेन वा इष्टी पृक्तेन पूर्ती यस्यैवं ऽविदुषोऽन्वाहार्य
आह्रियते स त्वेवेष्टापूर्ती प्रजापतेर्भागोऽसी- [] 13

TS 1.7.3.4

त्याह प्रजापतिमेव भागधेयेन समर्द्धयत्यूर्जस्वान्
पयस्वानित्याहोर्ज-मेवास्मिन् पयो दधाति प्राणापानौ मे पाहि
समानव्यानौ मे पाहीत्याहा- ऽऽशिषमेवैतामा शास्ते ऽक्षितो
ऽस्यक्षित्यै त्वा मा मे क्षेष्टा अमुत्रामुष्मिन् ऽलोक इत्याह क्षीयते
वा अमुष्मिन् ऽलोके ऽन्नमितः प्रदानं ह्यमुष्मिन् ऽलोके ()

प्रजा उ॒पजी॒वन्ति॒ यदे॒व- म॒भि॒मृ॒शत्य॑क्षि॒ति-मे॒वैन॑द्र॒मय॑ति
नास्या॒मुष्मि॑न् ँलो॒केऽन्नं॑ क्षीयते ॥ 14

(अ॒न्वा॒हार्ये॑ण-प्र॒जाप॑ते-र॒सि-ह्य॑मुष्मि॑न् ँलो॒के-पञ्च॑दश च)(A3)

TS 1.7.4.1

ब॒र्.हि॒षोऽहं॑ दे॒वय॑ज्यया॑ प्र॒जावा॑न् भूयास॒मित्या॑ह ब॒र्.हि॒षा वै
प्र॒जाप॑तिः प्र॒जा अ॑सृजत॒ तेनै॒व प्र॒जाः सृ॑जते॒ नरा॒शः
संस्या॒हं दे॒वय॑ज्यया॑ पशु॒मान् भू॑यास॒मित्या॑ह नरा॒शः सैन॑ वै
प्र॒जाप॑तिः प॒शून॑सृजत॒ तेनै॒व प॒शून् सृ॑जतेऽग्रेः स्वि॑ष्टकृ॒तोऽहं॑
दे॒वय॑ज्यया॑ऽऽयु॑ष्मान् य॒ज्ञेन॑ प्रति॒ष्ठां ग॑मेय॒मित्या॑हाऽऽयु॑रे॒वात्म॑न्
ध॑त्ते प्र॒ति य॒ज्ञेन॑ तिष्ठति द॒र्.श॑पूर्णमा॒सयो॑र् - [] 15

TS 1.7.4.2

वै दे॒वा उ॒ज्जि॑ति-म॒नूद॑जयन् द॒र्.श॑पूर्णमा॒साभ्या॑-मसु॑रा॒नपा॑-
नुद॑न्ता॒ग्रे-र॒हमु॑ज्जि॑ति-म॒नूज्जै॑ष-मि॒त्याह॑ द॒र्.श॑पूर्णमा॒सयो॑रे॒व
दे॒वता॑नां॒ ँय॑ज॒मान् उ॒ज्जि॑तिम॒नूज्ज॑यति द॒र्.श॑पूर्णमा॒साभ्या॑
भ्रातृ॑व्या॒नपं॑ नुदते॒ वाज॑वतीभ्यां॒ ँव्यू॑ह॒त्यन्नं॑ ँवै वाजोऽन्न॑मे॒वाव॑
रु॒न्धे द्वा॒भ्यां

प्र॒ति॒ष्ठित्यै॒यो वै य॒ज्ञस्य॑ द्वौ दो॒हौ वि॒द्वान् य॑ज॒न्त उ॒भय॑त - [] 16

TS 1.7.4.3

ए॒व य॒ज्ञं दु॑हे पु॒रस्ता॑च्चो॒परि॑ष्टाच्चै॒ष वा अ॒न्यो य॒ज्ञस्य॑ दो॒ह
इ॒डा॒याम॒न्यो य॒र्.हि॒ होता॑ यज॒मान॑स्य॒ नामं॑ गृ॒हीया॑त् त॒र्.हि॑
ब्रू॒यादे॒मा अ॑ग्न॒न्नाशि॑षो॒ दोह॑कामा॒ इति॑ स॒७स्तु॑ता ए॒व दे॒वता॑

दुहेऽथो उभयत

एव यज्ञं दुहे पुरस्तां-च्चोपरिष्ठा-च्चरोहितेन त्वाऽग्निर्देवतां
गमयत्वित्याहैते वै देवाश्वा - [] 17

TS 1.7.4.4

यजमानः प्रस्तुरो यदेतैः प्रस्तरं प्रहरन्ति देवाश्चैरेव यजमानः
सुवर्गं ऽलोकं गमयति वि ते मुञ्चामि रशना वि रश्मीनित्याहैष वा
अग्नेर्विमोकस्ते-नैवैनं ऽविमुञ्चतिविष्णोः शं ऽयोरहं देवयज्यया
यज्ञेन प्रतिष्ठां गमेयमित्याहयज्ञो वै विष्णुर्यज्ञ एवान्ततः प्रतितिष्ठति
सोमस्याहं देवयज्यया सुरेता - [] 18

TS 1.7.4.5

रेतो धिषीयेत्याह सोमो वै रेतोधास्तेनैव रेतं आत्मन् धत्तेत्वष्टुरहं
देवयज्यया पशूनां रूपं पुषेयमित्याहत्वष्टा वै पशूनां मिथुनानां
रूपकृत्तेनैव पशूनां रूपमात्मन् धत्ते देवानां पत्नीरग्निर्गृहपति
र्यज्ञस्य मिथुनं तयोरहं देवयज्यया मिथुनेन प्रभूयासमित्याहै-
तस्माद्वै मिथुनात् प्रजापति मिथुनेन - [] 19

TS 1.7.4.6

प्राजायत तस्मादेव यजमानो मिथुनेन प्रजायतेवेदोऽसि वित्तिरसि
विदेयेत्याह वेदेन वै देवा असुराणां ऽवित्तं ऽवेद्यमविन्दन्त तद्वेदस्य

वेद॒त्वं ऽयद्यद्भ्रातृ॑व्यस्याभि॒द्भ्यायेत् तस्य॑ नामं गृ॒ह्णीयात् तदे॒वास्य॑
सर्वं॑ ऽवृ॒ङ्क्ते घृ॒तव॑न्तं कु॒ला॒यिनं॑ꣳ रा॒यस्पोषं॑ꣳ सह॒स्रिणं॑ ऽवे॒दो
द॑दातु

वा॒जिन॒मित्या॑ह प्रस॒हस्रं॑ प॒शूना॑प्रो॒त्या () स्यं प्र॒जायां॑ ऽवा॒जी
जा॑यते॒ य एवं॑ ऽवेदं॑ ॥ 20

(द॒र्.श॒पूर्ण॑मा॒सयो॑-रु॒भ्यतो॑-दे॒वा॒श्वाः-सु॒रेताः॑-प्र॒जाप॑न्ति॒र्मिथु॑नेना॑-
ऽऽप्रो॒त्य-ष्टौ च॑) (A4)

TS 1.7.5.1

ध्रु॒वां ऽवै रि॒च्यमा॑नां ऽय॒ज्ञोऽनु॑ रि॒च्यते॑ य॒ज्ञं ऽय॑ज॒मानो॒ यज॑मानं
प्र॒जा

ध्रु॒वामा॑प्याय॒मानां॑ ऽय॒ज्ञोऽन्वा प्या॑यते॒ य॒ज्ञं ऽय॑ज॒मानो॒ यज॑मानं
प्र॒जा

आप्या॑यतां ध्रु॒वा घृ॑तेनेत्या॑ह ध्रु॒वामे॒वाऽऽप्या॑यति-तामा॑प्याय॒मानां
ऽय॒ज्ञोऽन्वा प्या॑यते॒ य॒ज्ञं ऽय॑ज॒मानो॒ यज॑मानं प्र॒जाः प्र॒जाप॑न्ते
वि॒भान्नामं॑

लो॒कस्तस्मि॑ꣳस्त्वा द॒धामि॑ स॒ह य॑ज॒माने॒नेत्यां॑ - [] 21

TS 1.7.5.2

हा॒यं ऽवै प्र॒जाप॑न्ते वि॒भान्नामं॑ लो॒कस्तस्मि॑न्ने॒वैनं॑ द॒धाति॑ स॒ह
य॑ज॒माने॒नु रि॒च्यन्त॑ इ॒व वा ए॒तद्य॑ज॒न्तेय॑द्यज॒मानभा॑गं
प्रा॒श्रात्या॑त्मानं॒मेव॑

प्रीणात्येतावान्. वै यज्ञो यावान् यजमानभागो यज्ञो यजमानो
यद्यजमानभागं प्राश्नाति यज्ञ एव यज्ञं प्रतिष्ठापयत्येतद्वै सूयवंसुः
सोदकं यद् बर्हिश्चाऽऽपश्चैतद् - [] 22

TS 1.7.5.3

यजमानस्याऽऽयतनं अद्वेदिर्यत् पूर्णपात्रमन्तर्वेदि निनयति स्व
एवाऽऽयतने सूयवंसुः सोदकं कुरुते सदसि सन्मे भूया
इत्याहाऽऽपो वै यज्ञ आपोऽमृतं अयज्ञमेवामृतं-मात्मन् धत्ते सर्वाणि
वै भूतानि व्रतमुपयन्तमनूपं यन्ति प्राच्यां दिशि देवा ऋत्विजो
मार्जयन्तामित्याहैष वै दर्शपूर्णमासयोरवभृथो - [] 23

TS 1.7.5.4

यान्येवैनं भूतानि व्रतमुपयन्तमनूपयन्ति तैरेव सहावभृथमवैति
विष्णुमुखा वै देवा श्छन्दोभिरिमान् लोका-
ननपज्यमभ्यजयन्. यद्विष्णुक्रमान् क्रमते विष्णुरेव भूत्वा
यजमान् श्छन्दोभिरिमान्-
लोका-ननपज्यमभि जयति विष्णोः क्रमोऽस्यभिमातिहेत्याह
गायत्री
वै पृथिवी त्रैष्टुभमन्तरिक्षं जागतीद्यौरानुष्टुभीर्दिश
श्छन्दोभिरेवेमान्-
लोकान् यथापूर्वमभि जयति ॥ 24
(यजमानेनेति-चै तद-वभृथो-दिशः-सप्त च) (A5)

TS 1.7.6.1

अगन्म सुवः सुवरगन्मेत्याह सुवर्गमेव लोकमेतिसुदृशस्ते
 मा छिंत्सि यत्ते तपस्तस्मै ते मा वृक्षीत्याहयथायजुरेवैतत् सुभूरसि
 श्रेष्ठो रश्मीनामायुर्द्धा अस्यायुर्मे धेहीत्याहाऽऽशिषमेवैतामा शास्ते
 प्र वा एषोऽस्मान् लोकाच्च्यवते यो - [] 25

TS 1.7.6.2

विष्णुक्रमान् क्रमंते सुवर्गाय हि लोकाय विष्णुक्रमाः क्रम्यन्ते
 ब्रह्मवादिनो वदन्ति सत्वे विष्णुक्रमान् क्रमेत् य इमान् लोकां
 भ्रातृव्यस्य संविद्य पुनरिमं लोकं प्रत्यवरोहेदित्येष वा अस्य
 लोकस्य प्रत्यवरोहो यदाहेदमहममुं भ्रातृव्यमाभ्यो दिग्भ्योऽस्यै
 दिव इतीमानेव

लोकान् भ्रातृव्यस्य संविद्य पुनरिमं लोकं प्रत्यवरोहति सं - []
 26

TS 1.7.6.3

ज्योतिषाऽभूवमित्याहस्मिन्नेव लोके प्रति तिष्ठत्यै-
 न्द्रीमावृतमन्वावर्त

इत्याहासौ वा आदित्य इन्द्रस्तस्यैवाऽऽवृतमनु पर्यावर्तते दक्षिणा
 पर्यावर्तते स्वमेव वीर्यमनु पर्यावर्तते तस्माद् दक्षिणोऽर्द्ध आत्मनो
 वीर्यावत्तरोऽथो आदित्यस्यैवाऽऽवृतमनु पर्यावर्तते समहं प्रजया
 सं मया प्रजेत्याहाऽऽशिष - [] 27

TS 1.7.6.4

मे॒वैता॒मा शा॑स्ते॒ समि॑द्धो अ॒ग्ने मे दी॑दिहि॒ समे॒द्धा ते॑ अ॒ग्ने
दी॒द्यास॑मित्या॒ह यथा॑ य॒जुरे॒वैत॑द्वसु॒मान् य॒ज्ञो वसी॑यान्-
भूया॑स॒मित्या॒हा ऽऽशि॑षंमे॒वैता॒मा शा॑स्ते ब॒हु वै गा॒र्.ह॑पत्य॒स्यान्ते॑
मि॒श्रमि॑व चर्यत आ॒ग्निपा॑वमा॒नीभ्यां॑ गा॒र्.ह॑पत्य॒मुप॑ तिष्ठते
पु॒नात्ये॒वाग्निं॑ पु॒नी॒त आ॒त्मानं॑ द्वाभ्यां॑ प्र॒ति॑ष्ठित्या॒ अ॒ग्ने गृ॑हप॒त इत्या॑ह
- [] 28

TS 1.7.6.5

यथा॑ य॒जुरे॒वैत॑च्छ॒तः हि॒मा इत्या॑ह श॒तं त्वा॑ हेम॒न्तानि॑न्धिषी॒येति॑
वा॒वैत॑दा॒ह पु॒त्रस्य॑ ना॒मं गृ॑हात्य॒न्नाद॑मे॒वैनं॑ करोति॒ तामा॑शि॒ष॒मा शा॑से
तन्तं॒वे ज्योति॑ष्मती॒मिति॑ ब्रूया॒द्यस्य॑ पु॒त्रोऽजा॑तः॒ स्यात् ते॑ज॒स्व्ये॒वास्य॑
ब्र॒ह्मव॑र्च॒सी पु॒त्रो जा॑यते॒ तामा॑शि॒ष॒मा शा॑सेऽमु॒ष्मै ज्योति॑ष्मती॒मिति॑
ब्रूया॒द्यस्य॑ पु॒त्रो - [] 29

TS 1.7.6.6

जा॒तः स्या॑त्तेजं॒ एवा॑स्मिन् ब्र॒ह्मव॑र्च॒सं द॑धाति॒ यो वै य॒ज्ञं प्र॑युज्य॒ न
वि॑मुञ्चत्यं॒ प्रति॑ष्ठानो॒ वै स भ॑वति॒ कस्त्वा॑ यु॒नक्ति॑ स त्वा॒ वि
मु॑ञ्च॒त्वित्या॑ह प्र॒जाप॑न्ति॒र्वै कः प्र॒जाप॑न्ति॒नैवैनं॑ ऽयु॒नक्ति॑ प्र॒जाप॑न्तिना॒
वि मु॑ञ्चति॒ प्र॒ति॑ष्ठित्या॒ ईश्व॑रं ऽवै व्र॒तम॑वि॒सृष्टं॑ प्र॒दहो॑ऽग्ने॒ व्रत॑पते
व्र॒तमं॑चा॒रिष॑मित्या॒ह व्र॒तमे॒व - [] 30

TS 1.7.6.7

वि सृजते शान्त्या अप्रदाहाय पराङ् वाव यज्ञ एति न नि वर्तते
 पुनर्यो वै यज्ञस्य पुनरालंभं ऽविद्वान् यजते तमभि निवर्तते यज्ञो
 बभूव स आ बभूवेत्याहैष वै यज्ञस्य पुनरालंभस्तेनैवेनं पुनरा
 लंभते ऽनवरुद्धा वा एतस्य विराड्य आहिताग्निः सन्नसुभः
 पशवः खलु वै () ब्राह्मणस्य सुभेष्टा प्राङ्मुत्क्रम्य ब्रूयाद्गोमां
 अग्नेऽविमां अश्वी यज्ञ इत्यव सुभां रुन्धे प्र सहस्रं
 पशूनां प्रोत्यास्य प्रजायां ऽवाजी जायते ॥ 31
 (यः-स-मासिषं-गृहपत-इत्याहा-ऽमुष्मै ज्योतिष्मतीमिति ब्रूयाद्-
 यस्य पुत्रो-व्रतमेव-खलु-वै-चतुर्विंशतिश्च) (A6)

TS 1.7.7.1

देवं सवितः प्र सुव यज्ञं प्र सुव यज्ञपतिं भगाय दिव्यो गन्धर्वः ।
 केतुपूः केतं नः पुनातु वाचस्पति वचमद्य स्वदाति नः ॥
 इन्द्रस्य वज्रोऽसि वार्त्रघ्नस्त्वयाऽयं ऽवृत्रं ऽवद्ध्यात् ॥
 वाजस्य नु प्रसवे मातरं महीमदिति नाम वचसा करामहे ।
 यस्यामिदं ऽविश्वं भुवनमाविवेश तस्यां नो देवः संविता
 धर्म साविषत् ॥

अप्स्व - [] 32

TS 1.7.7.2

न्तरमृतमप्सु भेषजमपामुत प्रशस्तिष्वश्वा भवथ वाजिनः ॥
 वायुर्वा त्वा मनुर्वा त्वा गन्धर्वाः सुप्तविंशतिः ।

ते अग्रे अश्वमायुञ्जन्ते अस्मिञ्जवमादधुः ॥
अपां नपादाशु हेमन्. य ऊर्मिः ककुद्मान् प्रतूर्ति
वाजसातमस्तेनायं वाजं सेत् ॥
विष्णोः क्रमोऽसि विष्णोः क्रान्तमसि विष्णो विक्रान्तमस्यङ्गौ
न्यङ्गा () वृभितो रथं यौ ध्वान्तं वाताग्रमनु संचरन्तौ दूरेहेति-
रिन्द्रियावांन् पतत्री ते नोऽग्रयः पप्रयः पारयन्तु ॥ 33
(अप्सु-न्यङ्गौ-पञ्चदश च) (A7)

TS 1.7.8.1

देवस्याहं संवितुः प्रसवे बृहस्पतिना वाजजिता वाजं जेषं
देवस्याहं संवितुः प्रसवे बृहस्पतिना वाजजिता वर्षिष्ठं नाकं
रुहेयमिन्द्राय वाचं वदतेन्द्रं वाजं जापयतेन्द्रो वाजमजयित् ॥
अश्वाजनि वाजिनि वाजेषु वाजिनीवत्यश्वान् त्समत्सु वाजय ॥
अर्वासि सप्तिरसि वाज्यसि वाजिनो वाजं धावत मरुतां प्रसवे
जयत वियोजना मिमीद्ध्वमद्ध्वनः स्कभ्नीत - [] 34

TS 1.7.8.2

काष्ठां गच्छत वाजेवाजेऽवत वाजिनो नो धनेषु विप्रा अमृता
ऋतज्ञाः ॥
अस्य मद्ध्वः पिबत मादयद्ध्वं तृप्ता यात पृथिभिर्देवयानैः ॥

ते नो अर्वन्तो हवनश्रुतो हवं ऽविश्वे शृण्वन्तु वाजिनः ॥
 मितद्रवः सहस्रसा मेधसांता सनिष्यवः ।
 महो ये रत्नः समिथेषु जभ्रिरे शत्रो भवन्तु वाजिनो हवेषु ॥
 देवतांता मितद्रवः स्वर्काः ।
 जंभयन्तोऽहिं ऽवृकः रक्षांसि सनैम्यस्मद्युयव - [] 35

TS 1.7.8.3

न्नमीवाः ॥
 एष स्य वाजी क्षिपुणिं तुरण्यति ग्रीवायां बद्धो अपिकक्ष आसनि ।
 क्रतुं दधिक्रा अनु संतवीत्वत् पथामङ्का ७ स्यन्वापनीफणत् ॥
 उत स्मास्य द्रवतस्तुरण्यतः पूर्णं न वेरनु वाति प्रगुर्द्धिनः ।
 श्येनस्येव ध्रजंतो अङ्कसं परि दधिक्राव्णः सहोर्जा तरित्रतः ॥
 आ मा वाजस्य प्रस्रवो जंगम्यादा द्यावापृथिवी विश्वशंभू ।
 आ मा गन्तां पितरा - [] 36

TS 1.7.8.4

मातरा चाऽऽ मा सोमो अमृतत्वाय गम्यात् ॥
 वाजिनो वाजजितो वाजः सरिष्यन्तो वाजं जेष्यन्तो बृहस्पते
 भगिमवं जिघ्रत वाजिनो वाजजितो वाजः ससृवाः सो वाजं
 जिगिवाः सो बृहस्पते भगि नि मृद्वमियं ऽवः सा सत्या
 संधाभूद्यामिन्द्रेण समधदध्वमजीजिपत वनस्पतय इन्द्रं ऽवाजं
 ऽविमुच्यद्ध्वं ॥ 37

(स्क॒भी॒त॒-यु॒य॒व॒न्-पि॒तरा॒-द्वि॒च॒त्वा॒रि॒ः॒श॒च्च) (A8)

TS 1.7.9.1

क्ष॒त्र॒स्यो॒ल्ब॑म॒सि क्ष॒त्र॒स्य॒ योनि॑र॒सि जा॒य ए॒हि सु॒वो रो॒हा॑व॒ रोहा॑व॒
हि सु॒व॑र॒हं ना॑वु॒भयोः॒ सु॒वो रो॒क्ष्या॑मि॒ वाज॑श्च॒ प्र॒स॒वश्चा॑पि॒जश्च॒ क्रतु॑श्च॒
सु॒व॑श्च॒ मूर्द्धा॑ च॒ व्य॒श्रि॒यश्चा॑ऽऽन्त्या॒य॒नश्चान्त्य॑श्च॒ भौ॒व॒नश्च॒
भु॒व॑न॒श्चाधि॑पतिश्च ।

आयु॑र्य॒ज्ञेन॑ कल्पतां प्रा॒णो य॒ज्ञेन॑ कल्पतामपा॒नो - [] 38

TS 1.7.9.2

य॒ज्ञेन॑ कल्पतां ॐव्या॒नो य॒ज्ञेन॑ कल्पतां चक्षु॑र्य॒ज्ञेन॑ कल्पता॒ ७
श्रो॒त्रं ॐय॒ज्ञेन॑ कल्पतां मनो॑ य॒ज्ञेन॑ कल्पतां ॐवा॒ग्य॒ज्ञेन॑कल्पता॒-
मा॒त्मा

य॒ज्ञेन॑ कल्पतां ॐय॒ज्ञो य॒ज्ञेन॑ कल्पता॒ः सु॒व॑र्दे॒वाः अ॑गन्मा॒मृता॑
अ॒भूम॑

प्र॒जाप॑तेः प्र॒जा अ॑भूम॒सम॒हं प्र॒जया॒ सं मया॑ प्र॒जा सम॒हः
रा॒य॒स्पोषे॑ण॒ सं मया॑ रा॒य॒स्पोषो॑ ऽन्ना॒य त्वा॒ ऽन्ना॒द्याय॑ त्वा॒ वाजा॑य ()
त्वा वाज॑जि॒त्यायै॑ त्वा॒ ऽमृ॑तम॒सि पु॒ष्टि॑र॒सि प्र॒जन॑नम॒सि ॥ 39
(अ॒पा॒नो-वाजा॑य॒-नव॑ च) (A9)

TS 1.7.10.1

वाज॑स्ये॒मं प्र॑स॒वः सु॑षु॒वे अ॒ग्रे सोम॑ः॒ राजा॑न॒मोष॑धीष्व॒प्सु ।

ता अ॒स्मभ्यं॑ मधु॑मती॒र्भवन्तु॑ व॒यः॑ रा॒ष्ट्रे जा॑ग्रियाम॒ पुरोहि॑ताः ॥
वाज॑स्येदं प्र॑स॒व आ ब॑भूवे॒मा च॑ विश्वा॒ भुव॑नानि स॒र्वतः॑ ।
स वि॒राजं॑ पर्येति प्रजा॒नन् प्र॒जां पु॒ष्टिं ऽव॒र्द्धय॑मानो अ॒स्मे ॥
वाज॑स्ये॒मां प्र॑स॒वः शि॑श्रिये दि॒वमि॒मा च॑ विश्वा॒ भुव॑नानि स॒म्राट् ।
अदि॑त्सन्तं दापयतु प्रजा॒नन् र॒यिं - [] 40

TS 1.7.10.2

च॑ नः॒ सर्व॑वीरा॒नि य॑च्छतु ॥
अ॒ग्रे अ॒च्छां व॒देह॑ नः॒ प्रति॑ नः सु॒मना॑ भव ।
प्र॒णो य॒च्छ भुव॑स्पते ध॒न॒दा अ॑सि न॒स्त्वं ॥
प्र॒णो य॒च्छ त्व॑र्य॒मा प्र॑भगः॒ प्रबृ॑हस्पतिः ।
प्र॒ दे॒वाः प्रो॑त सू॒नृता॒ प्रवा॑ग्दे॒वी द॑दातु नः ॥
अ॒र्य॒मण॑म् बृहस्पति॒मिन्द्रं॑ दाना॑य चोदय ।
वाचं॑ ऽविष्णुः॒ सर॑स्वतीः॒ सवि॑तारं - [] 41

TS 1.7.10.3

च॑ वा॒जिनं॑ ॥
सोम॑ः॒ राजा॑नं॒ ऽवरु॑णम॒ग्नि-म॒न्वारं॑ भामहे ।
आ॒दि॒त्यान् वि॒ष्णुः॒ सूर्यं॑ ब्र॒ह्माणं॑ च॒ बृह॑स्पतिं ॥
दे॒वस्य॑त्वा सवि॒तुः प्र॑स॒र्वेऽश्वि॑नो॒ ब॒हुभ्या॑ पृ॒ष्णो ह॑स्ता॒भ्याः॒ सर॑स्वत्यै
वा॒चो य॑न्तु र्य॒न्त्रेणा॒ग्नेस्त्वा॒ साम्रा॑ज्येना॒भिषि॑ञ्चामीन्द्र॑स्य॒ बृह॑स्पते॑स्त्वा
साम्रा॑ज्येना॒भिषि॑ञ्चामि ॥ 42

(रयि॑-संवि॒तार॑-षट्त्रिं॑शच्च)(A10)

TS 1.7.11.1

अ॒ग्निरेका॑क्षरेण॒ वाच॑मुद॑जयद॒श्विनौ॒ द्व्य॑क्षरेण प्राणापा॒नावुद॑जयतां
ॐविष्णु॑स्त्र्य॑क्षरेण॒ त्रीन् ॐलो॒कानु॑-द॑जय॒थ सोम॑श्चतु॑रक्षरेण॒ चतु॑ष्पदः
प॒शूनुद॑जयत् पू॒षा पञ्चा॑क्षरेण॒ प॒ङ्क्ति॑मुद॑जयद् धा॒ता षड॑क्षरेण॒
षड्-ऋ॒तूनुद॑जयन् म॒रुतः॑ स॒प्ताक्ष॑रेण स॒प्तप॑दा॒ शक्न॑री॒मुद॑जयन्
बृह॑स्पति॑र॒ष्टाक्ष॑रेण गाय॒त्री मुद॑जयन् मि॒त्रो नवा॑क्षरेण त्रि॒वृत् ७
स्तोम॑मुद॑जयद् - [] 43

TS 1.7.11.2

वरु॑णो॒ दशा॑क्षरेण वि॒राज॑-मुद॑जयदिन्द्र॒ एका॑दशाक्षरेण
त्रि॒ष्टुभ॑-मुद॑जयद् वि॒श्वे दे॒वा द्वा॑दशाक्षरेण॒ जग॑ती॒मुद॑जयन्
वस॑व॒स्त्रयो॑ दशाक्षरेण त्रयोद॒श ७ स्तोम॑मुद॑जयन्
रु॒द्राश्चतु॑र्दशाक्षरेण चतु॒र्दश ७ स्तोम॑मुद॑जयन्नादित्याः
पञ्च॑दशाक्षरेण पञ्चद॒श ७
स्तोम॑मुद॑जयन्नादितिः॒ षोड॑शाक्षरेण षोड॒श ७ स्तोम॑मुद॑जयत्
प्र॒जाप॑तिः स॒प्तद॑शाक्षरेण सप्तद॒श ७ स्तोम॑मुद॑जयत् ॥ 44
(त्रि॒वृत् ७ स्तोम॑मुद॑जय॒थ-षट्च॑त्वारि॑शच्च)(A11)

TS 1.7.12.1

उ॒प॒या॒मगृ॑हीतोऽसि नृ॒षदं॑ त्वा द्रु॒षदं॑ भुव॒नस॑दमिन्द्रा॒य
जुष्टं॑ गृह्णाम्येष ते योनि॒रिन्द्रा॑य त्वोप॒या॒मगृ॑हीतोऽस्यप्सुषदं॑

त्वा घृतसदं ऽव्योमसदमिन्द्राय जुष्टं गृह्णाम्येष ते
योनिरिन्द्राय त्वोपयामगृहीतोऽसि पृथिविषदं त्वाऽन्तरिक्षसदं
नाकसदमिन्द्राय जुष्टं गृह्णाम्येष ते योनिरिन्द्राय त्वा ॥

ये ग्रहाः पञ्चजनीना येषां तिस्रः परमजाः ।

दैव्यः कोशः - [] 45

TS 1.7.12.2

समुब्जितः ।

तेषां ऽविशिंप्रियाणा-मिषमूर्जः समग्रभीमेष ते योनिरिन्द्राय त्वा ॥

अपाः रसमुद्वयसः सूर्यरश्मिः समाभृतं ।

अपाः रसस्य यो रसस्तं ऽवो गृह्णाम्युत्तममेष ते योनिरिन्द्राय त्वा
॥

अया विष्ठा जनयन् कर्वराणि स हि घृणिरुरुर्वराय गातुः ।

स प्रत्युदैद्धरुणो मदध्वो अग्र७ स्वायां ऽयत् तनुवां () तनूमैरयत
।

उपयामगृहीतोऽसि प्रजापंतये त्वा जुष्टं गृह्णाम्येष ते योनिः

प्रजापंतये त्वा ॥ 46

(कोश-स्तनुवां-त्रयोदश च)(A12)

TS 1.7.13.1

अन्वह मासा अन्विद्वनान्यन्वोषधीरनु पर्वतासः ।

अन्विन्द्रः रोदसी वावशाने अन्वापो अजिहत जायमानं ॥

अनुं ते दायि म॒ह इन्द्रि॒याय॑ स॒त्रा ते॒ विश्व॑मनु वृ॒त्र ह॒त्ये ।

अनुं क्ष॒त्रमनु॑ सहो॑ यज॒त्रेन्द्र॑ दे॒वेभि॑रनु ते नृ॒षह्ये॑ ॥

इन्द्रा॒णीमा॒सु ना॒रि॑षु सु॒पत्नी॑ म॒हम॑श्रवं ।

न ह्य॑स्या अ॒परं च॒न ज॒रसा॒ - [] 47

TS 1.7.13.2

मर॑ते॒ पतिः॑ ॥

नाहमिन्द्राणि रारण॑ स॒ख्युर्वृ॑षाक॒पेर् ऋ॒ते ।

यस्ये॒दमप्य॑ ह॒विः प्रि॒यं दे॒वेषु॑ गच्छ॑ति ॥

यो जा॒त ए॒व प्र॑थ॒मो मन॑स्वान् दे॒वो दे॒वान् क्र॑तु॒ना प॒र्यभू॑षत् ।

यस्य॑ शुष्मा॒द्रोद॑सी॒ अभ्य॑सेतां नृ॒म्णस्य॑ म॒ह्ना स॒ ज॑नासु॒ इन्द्रः॑ ॥

आ ते॑ म॒ह इन्द्रो॑त्यु॒ग्र सम॑न्यवो॒ यथ॑ स॒मर॑न्त॒ सेनाः॑ ।

पता॑ति दि॒द्युन्न॑र्यस्य बाहुवो॒र्मा ते॒ - [] 48

TS 1.7.13.3

मनो॑ विष्व॒द्रिय॑ग्वि चा॒रीत् ॥

मा नो॑ म॒र्द्धी॒रा भ॑रा द॒द्धि तन्नः॑ प्र दा॒शुषे॑ दात॒वे भूरि॑ यत् ते॑ ।

नव्ये॑ दे॒ष्णे श॒स्ते अ॒स्मिन् तं उ॒क्थे प्र॑ ब्र॒वाम॑ व॒यमिन्द्र॑ स्तुवन्तः॑ ॥

आ तू॑ भ॒र मा॒किरे॒तत् परि॑ष्ठाद्वि॒द्मा हि॒ त्वा वसु॑पतिं॒ वसू॑नां ।

इन्द्र॑ यत् ते माहि॒नं द॒त्तम॑स्त्य॒स्मभ्यं॑ तद्ध॒र्यश्च॑ - [] 49

TS 1.7.13.4

प्रय॑न्धि ॥

प्रदा॒तारं॑ हवाम॒ह इन्द्र॑मा ह॒विषा॑ व॒यं ।

उ॒भा हि ह॒स्ता व॒सु॒ना पृ॒णस्वा ऽऽप्रय॑च्छ दक्षि॑णा॒दोत स॒व्यात् ॥
 प्र॒दा॒ता व॒ज्री वृ॑ष॒भस्तु॑रा॒षाट्छु॑ष्मी राजा॑ वृ॒त्रहा सोम॑पा वा॑ ।
 अ॒स्मिन् य॒ज्ञे ब॒र्हिष्या नि॒षद्या॑था॑ भव॒ यज॑मानाय॒ शं ऽयोः ॥
 इन्द्रः॑ सु॒त्रामा॒ स्ववा॑ः अ॒वो॑भिः सुमृ॒डीको भ॑वतु वि॒श्ववे॑दाः ।
 बाध॑तां द्वेषो॒ अभ॑यं कृ॒णोतु सु॒वीर्य॑स्य - [] 50

TS 1.7.13.5

पत॑यः स्याम ॥

तस्य॑ व॒यः सु॑म॒तौ य॒ज्ञिय॑स्यापि॑ भ॒द्रे सौ॑म॒न॒से स्या॑म ।
 स सु॒त्रामा॒ स्ववा॑ः इन्द्रो॑ अ॒स्मे आ॒राच्चि॒द्द्वेषः॑ स॒नुतर्यु॑योतु ॥
 रे॒वती॑र्नः सध॒माद् इन्द्रे॑ स॒न्तु तु॒विवा॑जाः ।
 क्षु॒मन्तो॒ याभि॑र्मदे॒म ॥
 प्रो॒ष्वस्मै॑ पुरो॒रथ॑मिन्द्रा॒य शू॒षम॑र्चत ।
 अ॒भीके॑ चिदु॒ लोक॑कृ॒त् स॒ङ्गे स॒मत्सु॑ वृ॒त्रहा ।
 अ॒स्माकं॑ बोधि॒ चोदि॑ता नभ॒न्ता-म॒न्य॒केषा॑ ।
 ज्या॒का अधि॑ () धन्व॑सु ॥ 51
 (ज॒रसा॒-मा ते॑-ह॒र्यश्च॑-सु॒वीर्य॑स्या-ऽध्ये-कं च) (A13)

Prasna Korvai with starting Padams of 1 to 13

Anuvaakams :-

(पा॒क॒य॒ज्ञः-स॒७श्र॑वाः-प॒रोक्षं॑-ब॒र्हिषो॒ऽहं-ध्रु॒वा-म॒ग॒न्मेत्या॑ह -
 दे॒वं स॒वित॑-दे॒वस्या॑हं-क्ष॒त्रस्यो॒ल्बं-७वा॑ज॒स्ये॒म-म॒ग्निरे॒काक्ष॑रेणो-

पयामगृहीतोऽ-स्यन्वह मासा-स्त्रयोदश)

Korvai with starting Padams of 1, 11, 21 Series of Panchaatis :- (पाकयज्ञं-पुरोक्षं-ध्रुवां-ॐ वि सृजते-च नः सर्ववीरां
-

पतयः स्यो-मैकपञ्चाशत्)

First and Last Padam of Seventh Prasnam :-

(पाकयज्ञं-धन्वसु ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे
सप्तमः प्रश्नः समाप्तः ॥

ओं नमः परमात्मने, श्री महागणपतये नमः,
श्री गुरुभ्यो नमः ॥ हरिः ओं

1.7 प्रथमकाण्डे अष्टमः प्रश्नः राजसूयः

TS 1.8.1.1

अनुमत्यै पुरोडाशं-मृष्टाकंपालं निर्वपति धेनुर्दक्षिणाये प्रत्यञ्चः
शंयाया अवशीयन्ते तं नैर्ऋतमेकं-कपालं कृष्णं ॐवासः
कृष्णातूष्णं दक्षिणा वीहि स्वाहाऽऽहुतिं जुषाण एष ते निर्ऋते

भा॒गो भू॒ते

ह॒विष्म॑त्य॒सि मु॒ञ्चेम॑म॒ः हंसः॑ स्वाहा॒ नमो॑ य इ॒दं च॒कारां॑ऽऽद्वि॒त्यं
च॒रुं निर्व॑पति॒ वरो॑ दक्षि॑णा ऽऽग्रावैष्ण॒व-मेका॑दशकपालं
ॐवा॒म॒नो व॒ही दक्षि॑णा ऽग्री॒षोमी॑य - [] 1

TS 1.8.1.2

मेका॑दश कपाल॒ः हिर॑ण्यं दक्षि॑णै-न्द्रमेका॑दशकपाल-मृष॒भो व॒ही
दक्षि॑णा ऽऽग्रे॒यम॒ष्टाक॑पालमै॒न्द्रं द॒ध्यृष॑भो व॒ही दक्षि॑णैन्द्रा॒ग्रं
द्वाद॑शकपालं ॐवैश्वदे॒वं च॒रुं प्र॑थम॒जो व॒त्सो दक्षि॑णा सौ॒म्य॑
श्या॑माकं

च॒रुं ॐवा॒सो दक्षि॑णा॒ सर॑स्वत्यै च॒रुः सर॑स्वते च॒रुं मि॑थुनौ
गावौ॑ दक्षि॑णा ॥ 2
(अ॒ग्री॒षोमी॑यं-चतु॑स्त्रि॒ःशच्च॑) A1)

TS 1.8.2.1

आ॒ग्रे॒यम॒ष्टाक॑पालं निर्व॑पति सौ॒म्यं च॒रुः सा॑वि॒त्रं-द्वाद॑शकपालः
सा॒रस्व॑तं च॒रुं पौ॒ष्णं च॒रुं मा॑रु॒तॐ स॒प्तक॑पालं ॐवैश्वदे॒वीमा॒मिक्षा॑
द्या॒वापृ॑थि॒व्यं-मेक॑कपालं ॥ 3
(आ॒ग्रे॒यः सौ॒म्यं मा॑रु॒त-म॒ष्टाद॑श) (A2)

TS 1.8.3.1

ऐ॒न्द्रा॒ग्र-मेका॑दशकपालं मा॒रुती॑मा॒मिक्षा॑ ॐवा॒रुणी॑मा॒मिक्षा॑
का॒यमेक॑कपालं प्रघा॒स्यान् ह॒वाम॑हे म॒रुतो॑ य॒ज्ञवा॑हसः

करुंभेणं सृजोषंसः ॥

मो षूणं इन्द्र पृथ्सु देवास्तुं स्म ते शुष्मिन्नवया ।

मही ह्यस्य मीढुषो यव्या । हविष्मंतो मरुतो वन्दते गीः ॥

यद्गामे यदरण्ये यथ् सभायां यद्विन्द्रिये ।

यच्छूद्रे यदर्य एनश्चकृमावयं ।

यदे () कस्याधि धर्मेणि तस्या वयजंनमसि स्वाहा ॥

अक्रन् कर्म कर्मकृतः सह वाचा मयोभुवा ।

देवेभ्यः कर्म कृत्वाऽस्तं प्रेतं सुदानवः ॥ 4

(वयं यद्-विंशतिश्च) (A3)

TS 1.8.4.1

अग्नयेऽनीकवते पुरोडाशं-मृष्टाकंपालं निर्वपति साकं

सूर्येणोद्यता

मरुद्भ्यः सान्तपनेभ्यो मद्भ्यंदिने चरुं मरुद्भ्यो गृहमेधिभ्यः

सर्वासां दुग्धे सायं चरुं पूर्णा दर्वि परापत सुपूर्णा पुनरा पंत ।

वस्त्रेव विक्रीणावहा इषमूर्जं शतक्रतो ॥

देहि मे ददामि ते नि मे धेहि नि ते दधे ।

निहारमिन्नि मे हरा नि हारं- [] 5

TS 1.8.4.2

नि हरामि ते ॥

मरुद्भ्यः क्रीडिभ्यः पुरोडाशं सप्तकंपालं निर्वपति साकं

सूर्येणोद्यता-ग्रेयमृष्टाकंपालं निर्वपति सौम्यं चरुं

सावि॒त्रं द्वा॑द॒शक॑पा॒लः सा॒रस्व॑तं च॒रुं पौ॒ष्णं च॒रुमै॑न्द्रा॒ग्र-
मेका॑द॒शक॑पा॒ल-मै॑न्द्रं च॒रुं ऽवै॑श्व॒कर्म॑ण-मेक॑कपा॒लं ॥ 6
(हरा॑ नि॒हारं-त्रि॑श॒च्चं) (A4)

TS 1.8.5.1

सोमा॑य पि॒तृम॑ते॒ पुरो॑डाशः॒ षट्क॑पा॒लं निर्व॑पति पि॒तृभ्यो॑
बर्हि॑षद्भ्यो॑ धा॒नाः पि॒तृभ्यो॑ऽग्नि॒ष्वात्ते॑भ्यो॑ ऽभिवा॒न्यायै॑ दुग्धे
म॒न्यमे॒तत् ते॑ तत् ये च॒ त्वाम॑न्वे॒तत् ते॑ पि॒ताम॑ह प्र॒पिता॑मह॒ ये च॒
त्वाम॑न्व॒त्रं पि॒तरो॑ यथाभा॒गं म॑न्द॒ध्वः सु॑स॒दृशं॑ त्वा व॒यं म॑घ॒वन्
म॒न्दिषी॑महि ।

प्र॒नू॒नं पू॒र्णव॑न्धुरः स्तु॒तो या॑सि व॒शाः अनु॑ ।
यो॒जा॒न्वि॑न्द्र ते॒ हरी॑ ॥ 7

TS 1.8.5.2

अक्ष॑न्नमी॒मद॑न्त॒ ह्यव॑ प्रि॒या अ॑धूषत ।
अस्तो॑षत॒ स्वभा॑नवो॒ विप्रा॑ नवि॒ष्ठया॑ म॒ती ।
यो॒जा॒न्वि॑न्द्र ते॒ हरी॑ ॥
अक्ष॑न् पि॒तरो॑ऽमी॒मद॑न्त पि॒तरो॑ऽती॒तृप॑न्त पि॒तरो॑ऽमी॒मृज॑न्त पि॒तरः॑
॥

परे॑त पि॒तरः॑ सोम्या ग॒म्भीरैः॑ प॒थिभिः॑ पू॒र्वैः ।
अथा॑ पि॒तृन् सु॑वि॒दत्रा॑ः अपी॑त य॒मेन॑ ये स॒ध्रमा॑दं म॒दन्ति॑ ॥
मनो॑ न्वा हु॒वाम॑हे ना॒राशः॑ से॒न स्तो॑मे॒न पि॒तृणां॑ च॒ मन्म॑भिः ॥

आ - [] 8

TS 1.8.5.3

न एतु मनः पुनः क्रत्वे दक्षां जीवसे ।

ज्योक्च सूर्यं दृशे ॥

पुनर्नः पितरो मनो ददातु दैव्यो जनः ।

जीवं व्रातं सचेमहि ॥

यदन्तरिक्षं पृथिवीमुत द्यां यन्मातरं पितरं वा जिहिंसिम ।

अग्निर्मा तस्मादेनसो गार्हपत्यः प्रमुञ्चतु दुरिता यानि चकृम

करोतु मामनेनसं ॥ 9

(हरी-मन्मभिरा-चतुश्चत्वारिंशच्च) (A5)

TS 1.8.6.1

प्रतिपूरुषमेकं कपालान्निर्वपत्येक-मतिरिक्तं यावन्तो गृह्याः

स्मस्तेभ्यः कमकरं पशूनां शर्मासि शर्म यजमानस्य शर्म मे

यच्छैकं एव रुद्रो न द्वितीयाय तस्थ आखुस्ते रुद्र पशुस्तं जुषस्वैष

ते रुद्र भागः सह स्वस्त्रां-बिकया तं जुषस्व भेषजं गवेऽश्वाय

पुरुषाय भेषजमथो अस्मभ्यं भेषजं सुभेषजं - [] 10

TS 1.8.6.2

यथाऽसति ।

सुगं मेषाय मेष्यां अवाँब रुद्रमदि-मह्यं देवं त्र्यंबकं ।

यथा नः श्रेयंसः करद्यथा नो वस्यंसः करद्यथा नः पशुमतः

करद्यथा नो व्यवसाययात् ॥

त्र्यंबकं यजामहे सुगन्धिं पुष्टिवर्द्धनं ।

उ॒र्वरु॑कमि॒व ब॑न्ध॒नान् मृ॑त्यो मु॒क्षीय॑ माऽमृता॑त् ॥
ए॒ष ते॑ रु॒द्र भा॒गस्तं जु॑षस्व॒ तेना॑व॒सेन॑ प॒रो मू॒जव॑तोऽती॒ह्य ()

व॑तत धन्वा॒ पिना॑कहस्तः॒ कृत्ति॑वासाः ॥ 11
(सुभैषज-मिहि त्रीणि च) (A6)

TS 1.8.7.1

ऐ॒न्द्रा॒ग्रं द्वा॑द॒शक॑पालं॒ ऽवै॒श्वदे॑वं च॒रुमि॑न्द्रा॒य शु॒ना॒सीरा॑य पु॒रो॒डाशं॑
द्वा॑द॒शक॑पालं॒ ऽवा॒यव्यं॑ प॒यः सौ॒र्यमे॑कं॒कपालं॑ द्वा॒दश॑ग॒वः सी॒रं
दक्षि॑णा ऽऽग्रे॒यम॒ष्टाकं॑पालं॒ निर्व॑पति रौ॒द्रं गा॑वीधु॒कं च॒रुमै॑न्द्रं दधि॒
वा॒रुणं॑

ॽय॑व॒मयं॑ च॒रुं ऽव॑हिनी॑ धे॒नुर्दक्षि॑णा॒ ये दे॒वाः पु॑रः॒ सदो॑ऽग्नि॒नेत्रा॑
दक्षि॑ण॒सदो॑ य॒मने॑त्राः पश्चा॒त्सदः॑ स॒वितृ॑ ने॒त्रा उत्तर॑सदो॒ वरु॑ण
नेत्रा॑ उप॒रिषदो॑ बृह॒स्पति॑ नेत्रा॒ रक्षो॑ह॒णस्ते नः॑ पा॒न्तु ते नो॑ऽव॒न्तु
तेभ्यो॑ - [] 12

TS 1.8.7.2

नम॑स्तेभ्यः॒ स्वाहा॑ स॒मूढः॑ रक्षः॒ संद॑ग्धः॒ रक्ष इ॒दम॑हः॒ रक्षो॑ऽभि
सं॒द॒हाम्य॒ग्रये॑ रक्षो॒घ्ने स्वाहा॑ य॒माय॑ स॒वित्रे॑ वरु॒णाय॑ बृह॒स्पत॑ये
दु॒व॒स्वते॑ रक्षो॒घ्ने स्वाहा॑ प्र॒ष्टिवा॒ही रथो॑ दक्षि॑णा दे॒वस्य॑ त्वा स॒वितुः॑

प्र॑स॒र्वेऽश्वि॑नो॒र्बा॒हुभ्या॑ पू॒ष्णो ह॑स्ता॒भ्याः रक्ष॑सो व॒धं जु॑होमि ह॒तः
रक्षो॑ऽव॒धिष्म॑ रक्षो॒ यद्व॑स्ते तद्दक्षि॑णा ॥ 13

(तेभ्यः-पञ्चचत्वारिंशच्च) (A7)

TS 1.8.8.1

धात्रे पु॒रोडा॒शं द्वा॒दश॑क॒पालं॑ निर्व॒पत्य॑नु॒मत्यै॑ च॒रुः रा॒कायै॑ च॒रुः
सि॒नीवा॒ल्यै च॒रुं कु॒ह्वै च॒रुं मि॒थुनौ॑ गा॒वौ दक्षि॑णा
ऽऽग्रा॒वैष्ण॒वमेका॑दशक॒पालं॑ निर्व॒पत्यैन्द्रा॑-वैष्ण॒वमेका॑दशक॒पालं
ॐवैष्ण॒वं त्रि॑क॒पालं ॐवा॑म॒नो व॒ही दक्षि॑णा ऽग्री॒षोमी॒य-
मेका॑दशक॒पालं॑ निर्व॒पतीन्द्रा॑सो॒मीय॒-मेका॑दशक॒पालः॑ सो॒म्यं च॒रुं
ब॒भ्रुर्दक्षि॑णा सोमा॒पौष्णं॑ च॒रुं निर्व॒पत्यैन्द्रा॑पौष्णं च॒रुं पौ॒ष्णं च॒रुः
श्या॒मो दक्षि॑णा वै॒श्वान॒रं द्वा॒दश॑क॒पालं॑ नि () र्व॒पति॑ हि॒र॒ण्यं दक्षि॑णा
वा॒रुणं॑ ॐय॒वम॑यं च॒रुम॑श्चो॒दक्षि॑णा । 14 (वै॒श्वान॒रं द्वा॒दश॑क॒पालं॑ नि-
र॒ष्टौ च॑) (A8)

TS 1.8.9.1

बा॒र॒ह॒स्प॒त्यं च॒रुं निर्व॒पति॑ ब्र॒ह्म॒णो गृ॒हे शि॑ति॒पृष्ठो॑ दक्षि॒णैन्द्र॑-
मेका॑दशक॒पालः॑ रा॒ज॒न्य॑स्य गृ॒ह ऋ॒ष॒भो दक्षि॑णाऽऽदि॒त्यं च॒रुं
महि॑ष्यै गृ॒हे धे॒नुर्दक्षि॑णानैर्ऋ॒तं च॒रुं प॑रि॒वृ॒क्त्यै॑ गृ॒हे कृ॒ष्णानां॑
ॐव्री॒ही॒णां
न॒खनि॑र्भि॒न्नं कृ॒ष्णा कू॒टा दक्षि॑णा ऽऽग्रे॒यमृ॒ष्टाक॑पालः॑ सेना॒न्यो गृ॒हे
हि॒र॒ण्यं दक्षि॑णा वा॒रुणं॑ द॒शक॑पालः॑ सू॒तस्य॑ गृ॒हे म॒हानि॑र॒ष्टो
दक्षि॑णा
मा॒रु॒तः स॒प्तक॑पालं ग्रा॒म॒ण्यो गृ॒हे पृ॒श्निर्दक्षि॑णा
सा॒वि॒त्रं द्वा॒दश॑क॒पालं - [] 15

TS 1.8.9.2

क्षत्तुर्गृह उ॑प॒दध्व॒स्तो दक्षि॑णाऽऽश्वि॑नं द्वि॒कपा॒लः स॑ग्रही॒तुर्गृहे
संवा॒त्यौ दक्षि॑णा पौ॒ष्णं च॒रुं भा॑गदु॒घस्यं॑ गृ॒हे श्या॒मो दक्षि॑णा रौ॒द्रं
गा॑वीधु॒कं च॒रुम॑क्षावा॒पस्यं॑ गृ॒हे श॒बल॒ उ॒द्वा॒रो दक्षि॑णेन्द्रा॒य सु॒त्राम्णे
पुरो॒डाश॑-मेका॑दशकपालं प्रति॒ निर्व॑प॒तीन्द्रा॒याः हो॒मुचे॒ ऽयं नो
राजा॑ वृ॒त्रहा॑ राजा॑ भू॒त्वा वृ॒त्रं ऽव॑द्भ्यान् मै॒त्राबा॒र्हस्प॒त्यं भ॑वति
श्वे॒तायै॑

श्वेतव॑त्सायै दुग्धे स्व॑यं मूर्ते स्व॑यंमथि॒त आज्य॑ आश्व॑त्ये - [] 16

TS 1.8.9.3

पात्रे॑ चतुः॑ स्रक्तौ स्वय॑मवप॒न्नायै॑ शाखा॑यै कृ॒र्णाऽश्वा॑क॒र्णाऽश्च
तण्डु॑लान् विचि॑नुया॒द्ये कृ॒र्णाः स प॑यसि बा॒र्हस्प॒त्यो येऽक॑र्णाः
स आज्ये॑ मै॒त्रः स्व॑यं कृ॒ता वेदि॑र्भवति स्व॑यंदि॒नं ब॒र्हिः स्व॑यं
कृत॑ इ॒द्धमः॑ सैव श्वे॒ता श्वे॒तव॑त्सा॒ दक्षि॑णा ॥ 17

(सावि॑त्रं द्वाद॑शकपाल-माश्व॑त्ये त्रय॑स्त्रि॒शच्च) (A9)

TS 1.8.10.1

अ॒ग्रये॑ गृ॒हप॑तये पुरो॒डाशं॑मृ॒ष्टाक॑पालं निर्व॑पति कृ॒ष्णानां॑ व्री॒हीणाः॑
सोमा॑य॒ वन॒स्पत॑ये श्या॒माकं॑ च॒रुः स॑वि॒त्रे स॒त्यप्र॑सवाय पुरो॒डाशं॑
द्वाद॑शकपालमाशू॒नां ऽव्री॑ही॒णाः रु॒द्राय॑ पशु॒पत॑ये गा॑वीधु॒कं च॒रुं
बृ॒हस्प॑तये वा॒चस्प॑तये नैवा॒रं च॒रुमि॑न्द्रा॒य ज्ये॑ष्ठाय॑ पुरो॒डाश॑-
मेका॑दशकपालं म॒हाव्री॑हीणां मि॒त्राय॑ स॒त्याया॑ ऽऽम्बानां॑ च॒रुं
ऽवरु॑णाय॒ धर्म॑पतये यव॒मयं॑ च॒रुः स॑वि॒ता त्वां प्र॑स॒वानां॑

सुवतामग्निं गृहपतीनां॑ सोमो॑ वनस्पतीनां॑ रुद्रः पशूनां- [] 18

TS 1.8.10.2

बृहस्पतिं॑ वर्चामिन्द्रो॑ ज्येष्ठानां॑ मित्रः सत्यानां॑ ऽवरुणो॑
धर्मपतीनां॑ ऽये दे॒वा दे॒वसुवः॑ स्थ त इममा॑मुष्याय॒णम॑नमित्राय॑
सुवद्ध्वं॑ मह॒ते क्ष॒त्राय॑ मह॒त आधि॑पत्याय मह॒ते जान॑राज्यायैष वो॑
भरता॑ राजा॒ सोमो॑ऽस्माकं॑ ब्राह्म॒णानां॑ राजा॒प्रति॑त्यन्नाम॑
राज्यम॑धायि॒ स्वां त॑नुवं॒ ऽवरु॑णो अशि॒श्रेच्छु॑चैर्मित्रस्य॑
व्रत्या॑ अभू॒माम॑न्महि मह॒त ऋ॒तस्य॑ नाम॒ सर्वे॑ व्राता॒ ()
वरु॑णस्याभू॒वन्वि मि॒त्र ए॒वैररा॑न्तिमतारी॒दसू॑षुदन्त य॒ज्ञियां॑ ऋ॒तेन॑
व्युं त्रि॒तो ज॑रिमाणं॑ न आ॒नुङ् वि॒ष्णोः॒ क्रमो॑ऽसि वि॒ष्णा॑ः॒ः
क्रा॒न्तम॑सि वि॒ष्णोर्वि॒क्रा॑न्तमसि ॥ 19

(पशूनां-०व्राताः-पञ्चविंशतिश्च) (A10)

TS 1.8.11.1

अ॒र्थे॒तः स्था॑ऽपां पति॑रसि॒ वृषा॑स्यूर्मि॒ वृष॑सेनो॑ऽसि व्रज॒क्षितः॑ स्थ
म॒रुता॑मोजः॑ स्थ॒ सूर्य॑वर्चसः॑ स्थ॒ सूर्य॑त्वचसः॑ स्थ॒ मान्दाः॑ स्थ
वाशाः॑ स्थ॒ शक्क॑रीः स्थ॒ विश्व॑भृतः॑ स्थ॒ जनु॑भृतः॑ स्था
ऽग्ने॒स्तेज॑स्याः॑ स्था॒ ऽपामो॑षधीनां॑ रसः॑ स्था॒ऽपो
दे॒वीर्मधु॑मतीरगृह्ण॒न्नूर्ज॑स्वती राज॒सूया॑य॒ चिता॑नाः ।
याभिं॑ मि॒त्रावरु॑णाव॒भ्यषि॑ञ्चन् याभि॒रिन्द्र॑मन॒युन्न॑त्य () रांतीः ॥

रा॒ष्ट्रदाः॑ स्थ॑ रा॒ष्ट्रं द॑त्त॒ स्वाहा॑ रा॒ष्ट्रदाः॑ स्थ॑ रा॒ष्ट्रमु॑ष्मै दत्त ॥ 20

(अत्ये-कादश च) (A11)

TS 1.8.12.1

देवीरापः सं मधुमतीर्मधुमतीभिः सृज्यद्ध्वं महि वर्चः क्षत्रियाय
वन्वाना अनाधृष्टाः सीदतोर्जस्वतीर्महि वर्चः क्षत्रियाय
दधतीरनिभृष्टमसि वाचो बन्धुस्तपोजाः सोमस्य दात्रमसिशुक्रा वः
शुक्रेणोत् पुनामि चन्द्राश्चन्द्रेणामृता अमृतेन स्वाहा राजसूयाय
चितांनाः ॥

सधमादो द्युम्निनीरूर्ज एता अनिभृष्टा अपस्युवो वसानः ।
पस्त्यासु चक्रे वरुणः सधस्थमपाः शिशु - [] 21

TS 1.8.12.2

मार्तृत-मास्वन्तः ॥

क्षत्रस्योल्बमसि क्षत्रस्य योनिरस्याविन्नो अग्नि गृहपतिराविन्न इन्द्रो
वृद्धश्रवा आविन्नः पूषा विश्ववेदा आविन्नौ मित्रावरुणा
वृतावृधावाविन्ने द्यावापृथिवी धृतव्रते आविन्ना
देव्य-दिति विश्वरूप्याविन्नो ऽयमसावामुष्यायणोऽस्यां
ॐविश्यस्मिन्

राष्ट्रे महते क्षत्राय महत आधिपत्याय महते जानराज्यायैष वो
भरता राजा सोमोऽस्माकं ब्राह्मणानाः राजेन्द्रस्य - [] 22

TS 1.8.12.3

वज्रोऽसि वार्त्रघ्नस्त्वया यं ॐवृत्रं ॐवद्ध्याच्छत्रुबाधनाः स्थपात मां
प्रत्यञ्च पात मां तिर्यञ्चमन्वञ्च मा पात दिग्भ्यो मां पात विश्वाभ्यो मा

नाष्ट्राभ्यः पातु हिरण्यवर्णा-वुषसां विरोकेऽयः स्थूणा-वुदितौ
सूर्यस्याऽऽ रौहतं ऽवरुण मित्रं गर्तं ततश्चक्षाथामदितिं दितिं च ॥

23

(शिशु-रिन्द्रस्यै-कंचत्वारिंशच्च) (A12)

TS 1.8.13.1

समिधमा तिष्ठ गायत्री त्वा छन्दसामवतु त्रिवृत्स्तोमो रथन्तरं
सामाग्निर्देवता ब्रह्म द्रविणमुग्रामा तिष्ठ त्रिष्टुप् त्वा छन्दसामवतु
पञ्चदशस्तोमो बृहत्सामेन्द्रो देवता क्षत्रं द्रविणं ऽविराजमा तिष्ठ
जगती त्वा छन्दसामवतु सप्तदशस्तोमो वैरूपं सामं मरुतो
देवता विड् द्रविण-मुदीचीमा-तिष्ठानुष्टुप् त्वा - [] 24

TS 1.8.13.2

छन्दसामवत्वेकविंशः स्तोमो वैराजं सामं मित्रावरुणौ
देवता बलं द्रविण-मूर्द्ध्वामा तिष्ठ पुङ्क्तिस्त्वा छन्दसामवतु
त्रिणवत्रयस्त्रिंशौ स्तोमौ शाक्ररैवते सामनी बृहस्पतिर्देवता वर्चो
द्रविण-मीदृङ् चान्यादृङ् चैतादृङ् चं प्रतिदृङ् चं मितश्च संमितश्च
सभराः ।

शुक्रज्योतिश्च चित्रज्योतिश्च सत्यज्योतिश्च ज्योतिष्मा ७श्च
सत्यश्चर्तपाश्चा - [] 25

TS 1.8.13.3

ऽत्यं हाः ।

अग्रये स्वाहा सोमाय स्वाहा सवित्रे स्वाहा सरस्वत्यै स्वाहा पूष्णे
स्वाहा बृहस्पतये स्वाहेन्द्राय स्वाहा घोषाय स्वाहा श्लोकाय स्वाहा
ऽशाय स्वाहा भगाय स्वाहा क्षेत्रस्य पतये स्वाहा
पृथिव्यै स्वाहा ऽन्तरिक्षाय स्वाहा दिवे स्वाहा सूर्याय स्वाहा
चन्द्रमसे स्वाहा नक्षत्रेभ्यः स्वाहा ऽद्भ्यः स्वाहौषधीभ्यः स्वाहा
वनस्पतिभ्यः स्वाहा चराचरेभ्यः स्वाहा परिप्लवेभ्यः स्वाहा
सरीसृपेभ्यः स्वाहा ॥ 26

(अनुष्टुप्-तृपाश्च - सरीसृपेभ्यः स्वाहा) (A13)

TS 1.8.14.1

सोमस्य त्विषिरसि तवेव मे त्विषिर्भूया-दमृतमसि मृत्योर्मा पाहि
द्विद्योन्मा पाह्यवैष्टा दन्दशूका निरस्तं नमुचेः शिरः ॥
सोमो राजा वरुणो देवा धर्मसुवश्च ये ।
ते ते वाचं सुवन्तां ते तै प्राणं सुवन्तां ते ते चक्षुः सुवन्तां ते ते
श्रोत्रं सुवन्तां सोमस्य त्वा द्युमेनाभि षिञ्चाम्यग्रे - [] 27

TS 1.8.14.2

स्तेजसा सूर्यस्य वर्चसेन्द्रस्येन्द्रियेण मित्रावरुणयोर्वीर्येण
मरुतामोजसा क्षत्राणां क्षत्रपतिरस्यति दिवस्पाहि
समाव-वृत्र-धरागुदी-चीरहि बुद्धियमनु संचरन्तीस्ताः
पर्वतस्य वृषभस्य पृष्ठे नावश्चरन्ति स्वसिच इयानाः ॥
रुद्र यत्ते क्रयी परं नाम तस्मै हुतमसि यमेष्टमसि ।
प्रजापते न त्वदेतान्यन्यो विश्वा जातानि परि ता () बभूव ।

यत्का॑मास्ते जुहु॑मस्तन्नो॑ अस्तु व॒य॒ꣳ स्या॑म॒ पत॑यो रयी॒णाम् ॥ 28
(अ॒ग्ने-स्तै-का॑दश च) (A14)

TS 1.8.15.1

इन्द्र॑स्य॒ वज्रो॑ऽसि॒ वात्र॑घ्न॒स्त्वया॑ऽयं ऽवृ॒त्रं ऽव॑द्ध॒यान्
मि॒त्रावरु॑णयोस्त्वा प्रशा॒स्त्रोः प्र॒शिषां॑ यु॒नज्मि॑ यु॒ज्ञस्य॑ योगे॒न
वि॒ष्णोः क्र॒मोऽसि॑ वि॒ष्णोः क्रान्त॑म॒सि वि॒ष्णोर्वि॒क्रान्त॑म॒सि म॒रुता॑
प्रस॒वे जै॑षमा॒प्तं मनः॑ स॒म॒हमिन्द्रि॑येण॑ वी॒र्येण॑ पशू॒नां म॒न्युर॑सि॒ तवे॑व
मे म॒न्युर्भू॑या॒न्नमो॑ मा॒त्रे पृ॑थि॒व्यै माहं॑ मा॒तरं॑ पृथि॒वीꣳ
हि॑ꣳसिषं॒ मा - [] 29

TS 1.8.15.2

मां मा॒ता पृ॑थि॒वी हि॑ꣳसी॒-दि॒य॑द्र॒स्या-यु॑र॒स्यायु॑र्मे धे॒ह्यूर्ग॑स्यूर्जं॑ मे
धेहि॒ यु॒ङ्ङसि॑ व॒र्चोऽसि॑ व॒र्चो म॑यि॒ धेह्य॑ग्रये॒ गृह॑प॒तये॑ स्वाहा
सोमा॑य॒ वन॑स्प॒तये॑ स्वाहेन्द्र॑स्य॒ बला॑य॒ स्वाहा॑ म॒रुता॑मो॒जसे॑ स्वाहा
ह॑ꣳसः शु॒चि॒षद् वसु॑र॒न्तरि॑क्ष॒-स॒द्भोता॑ वेदि॒षदति॑थि॒ दुरो॑ण॒सत् ।
नृ॒षद् व॑र॒सद॑त॒सद् व्यो॑म॒सद॑ब्जा गो॒जा ऋ॑त॒जा ()

अ॒द्रि॒जा ऋ॑तं-बृ॒हत् ॥ 30

(हि॑ꣳसिषं॒ म-र्त॑जा-स्त्रीणि॑ च) (A15)

TS 1.8.16.1

मि॒त्रोऽसि॑ वरु॒णोऽसि॑ स॒म॒हं ऽवि॒श्वैर्दे॑वैः क्ष॒त्रस्य॑ नाभि॑र॒सि क्ष॒त्रस्य॑
योनि॑र॒सि स्यो॑ना॒मा सी॑द सु॒षदा॑मा सी॒द मा त्वां हि॑ꣳ सी॒न्मा मां
हि॑ꣳसी॒न्नि ष॑सा॒द धृ॑तव्र॒न्तो वरु॑णः प॒स्त्या॑स्वा सा॒म्राज्या॑य सु॒क्रतु॑

ब्रह्मा(3) न्त्वः रांजन् ब्रह्माऽसिं सविताऽसिं सत्यसंवो ब्रह्मा(3)न्
त्वः रांजन् ब्रह्माऽसीन्द्रोऽसि सत्यौजा - [] 31

TS 1.8.16.2

ब्रह्मा(3)न् त्वः रांजन् ब्रह्माऽसिं मित्रोऽसि सुशेवो ब्रह्मा(3)न् त्वः
रांजन् ब्रह्माऽसि वरुणोऽसि सत्यधर्मेन्द्रस्य वज्रोऽसि वार्त्रघ्नस्तेन
मे रद्ध्य दिशोऽभ्ययः राजाऽभूत् सुश्लोकाँ(4) सुमङ्गलाँ(4)
सत्यराजा(3)न् ।

अपां नप्ते स्वाहो जों नप्ते स्वाहाऽग्रये गृहपंतये स्वाहाँ ॥ 32
(सत्यौजाँ-श्चत्वारिंशच्च)(A16)

TS 1.8.17.1

आग्नेयमृष्टाकंपालं निर्वपति हिरण्यं दक्षिणा सारस्वतं चरुं
ऽवत्सतरी दक्षिणा सावित्रं द्वादशकपाल-मुपद्ध्वस्तो दक्षिणा
पौष्णं

चरुं श्यामो दक्षिणा बार्हस्पत्यं चरुं शितिपृष्ठो
दक्षिणैन्द्र-मेकादशकपालमृषभो दक्षिणा वारुणं दशकपालं
महानिरष्टो दक्षिणा सौम्यं चरुं बभ्रुर्दक्षिणा त्वाष्ट्रमृष्टाकंपालः
शुण्ठो दक्षिणा वैष्णवं त्रिकपालं वामनो दक्षिणा ॥ 33
(आग्नेयः हिरण्यः सारस्वतं-द्विचत्वारिंशत्) (A17)

TS 1.8.18.1

सद्यो दीक्षयन्ति सद्यः सोमं क्रीणन्ति पुण्डरिस्रजां प्रयच्छति

दशभिर्वत्सतुरैः सोमं क्रीणाति दशपेयो भवति शतं ब्राह्मणाः
 पिबन्ति सप्तदश७ स्तोत्रं भवति प्राकाशावद्ध्वयवे ददाति
 स्रजमुद्रात्रे रुक्मः होत्रेऽश्वं प्रस्तोतृप्रतिहर्तृभ्यांद्वादश पष्ठौही
 ब्रह्मणे वशां मैत्रावरुणायर्षभं ब्राह्मणाच्छःसिने वासंसी
 नेष्टापोतृभ्या७

स्थूरिं यवाचितमच्छावाकायां नड्वाहमग्रीधे भार्गवो होता भवति
 श्रायन्तीयं ब्रह्मसामं भवति वारवन्तीयं () मग्निष्टोमसामः
 सारस्वतीरुपो गृह्णाति ॥ 34

(वारवन्तीयं चत्वारिं च) (A18)

TS 1.8.19.1

अग्नेयमृष्टाकंपालं निर्वपति हिरण्यं दक्षिणैन्द्र-

मेकादशकपालमृषभो

दक्षिणा वैश्वदेवं चरुं पिशङ्गीं पष्ठौही दक्षिणामैत्रावरुणीमामिक्षां
 ७वशा दक्षिणा भार्.हस्पत्यं चरुः शितिपृष्ठो दक्षिणाऽऽदित्यां
 मल्.हां

गर्भिणीमा लभते मारुतीं पृश्निं पष्ठौहीमश्विभ्यां पूष्णे पुरोडाशं
 द्वादशकपालं निर्वपति सरस्वते सत्यवाचै चरुः संवित्रे सत्य
 प्रसवाय पुरोडाशं द्वादशकपालं तिसृधन्वः शुष्कदृति दक्षिणा ॥

35

(अग्नेयः हिरण्यमैद्रमृषभो वैश्वदेवं पिशङ्गीं

भार्.हस्पत्यः-सप्तचत्वारिंशत्) (A19)

TS 1.8.20.1

आग्नेयमृष्टाकपालं निर्वपति सौम्यं चरुः सावित्रं द्वादशकपालं
बार्हस्पत्यं चरुं त्वाष्ट्रमृष्टाकपालं ऽवैश्वानुरं द्वादशकपालं दक्षिणो
रथ वाहनवाहो दक्षिणा सारस्वतं चरुं निर्वपति पौष्णं चरुं मैत्रं चरुं
ऽवारुणं चरुं क्षैत्रपत्यं चरुमादित्यं चरुमुत्तरो रथवाहनवाहो
दक्षिणा ॥ 36

(आग्नेयः सौम्यं बार्हस्पत्यं-चतुस्त्रिंशत्) (A20)

TS 1.8.21.1

स्वाद्वीं त्वां स्वादुनां तीव्रां तीव्रेणामृताममृतेन सृजामि सःसोमैनु
सोमोऽस्यश्विभ्यां पच्यस्व सरस्वत्यै पच्यस्वेन्द्राय सुत्राम्णे पच्यस्व
पुनातुं ते परिस्रुतः सोमः सूर्यस्य दुहिता ।

वारैण शश्वता तनां ॥

वायुः पूतः पवित्रेण प्रत्यङ् खसोमो अतिद्रुतः ।

इन्द्रस्य युज्यः सखां ॥

कुविदङ्गं यवंमन्तो यवं चिद्यथा दान्त्यनुपूर्वं ऽवियूयं ।

इहेहैषां कृणुत भोजनानि () ये बर्हिषो नमोवृक्तिं न जग्मुः ॥

आश्विनं धूम्रमा लभते सारस्वतं मेषमैन्द्रमृषभ-मैन्द्र-

मेकादशकपालं निर्वपति सावित्रं द्वादशकपालं ऽवारुणं दश
कपालः

सोमप्रतीकाः पितरस्तृप्नुत वडंबा दक्षिणा ॥ 37

(भोजनानि-षड्विंशतिश्च) (A21)

TS 1.8.22.1

अग्राविष्णू महि तद्वा महित्वं ऽवीतं घृतस्य गुह्यानि नाम ।
दमेदमे सुप्त रत्ना दधाना प्रतिं वां जिह्वा घृतमा चरण्येत् ॥
अग्राविष्णू महि धामं प्रियं ऽवां ऽवीथो घृतस्य गुह्या जुषाणा ।
दमेदमे सुष्टुतीर्वावृधाना प्रतिं वां जिह्वा घृतमुच्चरण्येत् ॥
प्रणो देवी सरस्वती वाजेभिर्वाजिनीवती ।
धीनामवित्र्यंवतु ।
आ नो दिवो बृहतः - [] 38

TS 1.8.22.2

पर्वतादा सरस्वती यजता गन्तु यज्ञं ।
हवं देवी जुजुषाणा घृताचीं शग्मां नो वाचमुशती शृणोतु ॥
बृहस्पते जुषस्वं नो हव्यानि विश्वदेव्य ।
रास्व रत्नानि दाशुषे ॥
एवा पित्रे विश्वदेवाय वृष्णे यज्ञैर्विधेम नमसा हविर्भिः ।
बृहस्पते सुप्रजा वीरवन्तो वयं स्याम पतयो रयीणां ॥
बृहस्पते अति यदर्यो अर्हान् द्युमद्विभाति (अर्हान् द्युमद्विभाति)

क्रतुमज्जनैषु ।

यद्दीद-यच्छवंस- [] 39

TS 1.8.22.3

तप्रजातु तदस्मासु द्रविणं धेहि चित्रं ।

आ नो मित्रावरुणा घृतैर्गव्यूतिमुक्षतं ।

मदध्वा रजांसि सुक्रतू ॥

प्रबाहवांसि ससृतं जीवसे न आ नो गव्यूति मुक्षतं घृतेन ।

आ नो जनैश्च वयतं युवाना श्रुतं मे मित्रावरुणा हवेमा ॥

अग्निं वः पूर्य गिरा देवमीडे वसूनां ।

सपर्यन्तः पुरुप्रियं मित्रं न क्षेत्रसाधसं ॥

मक्षू देववतो रथः - [] 40

TS 1.8.22.4

शूरो वा पृथ्सु कासु चित् ।

देवानां य इन्मनो यजमान इयक्षत्यभीदयज्वनो भुवत् ॥

न यजमान रिष्यसि न सुन्वान् न देवयो ॥

असदत्र सुवीर्यमुत त्यदाश्वश्वियं ॥

नकिष्टं कर्मणा नशत्र प्रयोषत्र योषति ॥

उप क्षरन्ति सिन्धवो मयोभुव ईजानं च युक्ष्यमाणं च धेनवः ।

पृणन्तं च पपुंरिं च - [] 41

TS 1.8.22.5

श्रवस्यवो घृतस्य धारा उपयन्ति विश्वतः ॥

सोमारुद्रा विवृहत्तं ऽविषूचीममीवा या नो गयमाविवेशं ।
आरे बांधेथां निर्ऋतिं पराचैः कृतं चिदेनः प्रमुमुक्तमस्मत् ॥
सोमारुद्रा युवमेतान्यस्मे विश्वा तनूषु भेषजानि धत्तं ।
अवस्यतं मुञ्चतं ऽयन्नो अस्ति तनूषु बद्धं कृतमेनो अस्मत् ॥
सोमापूषणा जनना रयीणां जनना दिवो जनना () पृथिव्याः ।
जातौ विश्वस्य भुवनस्य गोपौ देवा अकृण्वन्नमृतस्य नाभिं ॥
इमौ देवौ जायमानौ जुषन्तेमौ तमांसि गूहतामजुष्टा ।
आभ्यामिन्द्रः पृक्कमामास्वन्तः सोमापूषभ्यां जनदुस्त्रियांसु ॥ 42
(बृहतः-शवंसा-रथः-पपुंरिं च-दिवो जनना-पञ्चविंशतिश्च) (A22)

Prasna Korvai with starting Padams of 1 to 22

Anuvaakams :-

अनुमत्या-आग्नेय-मैन्द्राग्रमग्रये-सोमाय-प्रतिपूरुष-मैन्द्राग्रं-
धात्रेबार्हस्पत्य-मग्रये-ऽर्थतो-देवीः-समिध-सोमस्ये-न्द्रस्य -
मित्र-आग्नेय-सद्य-आग्नेय-माग्नेय-स्वाद्धीं त्वा-ऽग्राविष्णू-
द्वाविंशतिः ।)

Korvai with starting Padams of 1, 11, 21 Series of
Panchaatis :-

(अनुमत्यै-यथाऽसन्ति-देवीरापो-मित्रोऽसि-शूरो वा-
द्विचत्वारिंशत् ।)

First and Last Padam of Eighth Prasnam :-

(अनुमत्या-उस्रियांसु ।)

**Kanda Korvai with starting Padams of Eight Prasnas of
Kandam 1 :-**

(इष-आपो-देवस्या-ऽऽ दंदे-देवासुराः-सं त्वा-पाकयज्ञ-
मनुमत्यै ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

अष्टमः प्रश्नः समाप्तः ॥

॥ इति प्रथमं काण्डं ॥

Details of Anuvakam, Panchati and Padam for Kandam 1

	Anuvakam	Panchati	Padams

प्रथमकाण्डे – अष्टमः प्रश्नः

Prasna 1	14	28	1530
Prasna 2	14	34	1690
Prasna 3	14	31	1567
Prasna 4	46	54	1810
Prasna 5	11	51	2717
Prasna 6	12	51	2509
Prasna 7	13	51	2655
Prasna 8	22	42	2094
`	146	342	16572